



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
3082/A






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
3082/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
3082/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
3082/A



53000
GOTFR. HEGENITI
ITINERARIUM
FRISIO-
HOLLANDICVM,
ET

ABR. ORTELII
ITINERARIUM
GALLO-
BRABANTICVM.

In quibus quæ visu, quæ lectu digna.



LVGD. BATAVOR.
Ex Officina **ELZEVIANA.**
cIo Io c xxx.

Cum Privilegio.



*Pari Lectissimo Nobiliss. & Egregio-
rum valde Iuvenum,*

D. ARNOLDO vander MYLE,
in Dubbeldam, Bleskensgrave,
Antonis-Polder, &c.

D. FREDERICO - LUDOVICO
ab AISSEMA, in Alsem, &c.

*Hoc quidquid est observationum
Apodemicarum*

LIBENS MERITO

Eximī Amoris tenuiss. Symbolam
DO, DICO, ADDICO,

GOTFRID. HEGENITIVS

Ἀρετῇ καὶ χάριτι.

A 2

No-

NOBIL. IUVENTVTIS
PRINCIPES,

Q Vos ætas, quos virtus & ad meliora animus pares esse fecit, abs se invicem disiungere nefas ac relligio mihi fuerit.

Necte latere potest Nobiliss. VANDER MYLE, aut sensibus tuis excidit memoria suavissima illius conversationis, qua triennio abhinc Nobiliss. FREDERICVM-LVDOVICVM ab AISSEMA Hagæ-Comitum prosecutus es, abeuntem etiam donis litterariis, interque ea libro qui BATAVIA ILLUSTRATA inscribitur, adfecisti. Agnoscit iam dum hunc adfectum optumæ notæ Iuvenis, & ut tacita quadam mente hætenus coluit, ita brevi sperat incoram fore occasionem, qua tam carum caput exo-
sculari, & dextræ conjungere dex-
tram

tram liceat. Quo consilio te quoque
 his in chartis secum consistere voluit,
 quem in ore, in auribus, in oculis et-
 iam quasi presentem quottidie habet.
 Quod si aliqua VOBIS laus à virtu-
 tibus paternis accedere debeat, ne
 felicissimi estis quos à tantis Heroibus
 nasci ac dias prodire in luminis au-
 ras contigit. Patrem habes, ARNOL-
 DE VANDER MYLE, de quo satius
 tacere sit, quam multa verba pro-
 ferre, quod olim de Carthagine qui-
 dam dicebat: quia ut meritissimo suo
 laudetur, ita satis non potest. Lo-
 quatur Patria, quam, inter primos
 Batavica Nobilitatis clavum te-
 nens, OPE CONSILIO ad invidiam
 usque iuvit; tribus etiam splendidis-
 simis legationibus in causa communi
 perfunctus, binis ad Henricum illum
 Magnum Galliarum Rectorem, una
 ad Sereniss. Rempub. Venetam. Qui-
 bus operam suam ac indefessum pro

salute publica studium ita adproba-
vit, ut tum demum se beatos fore exi-
stimarint, si hoc Nestore aut Aristide
tanquam suo uti frui possent. Nec
Athenæ Batavæ istud abnuerint, de
quibus hic, Apollo an Atlas dixerim?
ita meritis est, ut quidquid illic sunt,
qui iam sunt, huic uni ferè cum pau-
cis acceptum ferant. Quid autem de
tuo, Nob. FREDERICE ab AISSEMA,
patre edisseram? Dignus est cani me-
liore Musa; ego illustri huic Soli ne-
bulas potius quam lucem canoris
meis nugis intulerim. Quis & quan-
tus sit, Divæ memoriæ Imp. Cæsar
RVDOLPHVS abunde olim cognovit;
novère Reges Gallie, Angliæ, Ger-
manie Principes multi: quibus par-
tim legatus in negotiis gravissimis ad-
fuit, partim divini consilii suada ad-
stitit. Norunt etiamdum viri incom-
parabilis fidem Illustrissimi ac Præpo-
tentes Fœderatæ Belgicæ Ordines,
quo-

7
quorum provisu & auctoritate mul-
tos iam annos munus legati ac Depu-
tati apud civitates Hanseaticas Cir-
culi inferioris Saxonia bono publico
nec minori sua laude administrat.
Maſti eſtote his Genitoribus, NOBI-
LISS. IUVENES; ad quorum virtu-
tes & immortalia merita, ſi, prout
cœpiſtis, haud ſegni paſſu contendere
melli ac volupe VOBIS fuerit, ecce
locus in Honori ac Gloriæ ſacrario
non ultimus voſ exſpectat. Cuius fau-
ſtiſſimæ ominationis ergo hoc quantu-
lumcunque eſt ὁδοποιεῖς, Nominis
V. præſcriptione inſignire libuit; neu-
tri quod ſpero ingratum opus. Quam-
vis enim pleraque, quæ heic memoro,
ARNOL. VANDER MYLE, pro notis
& iam forte viſis Patriæ T. rebus ha-
bere poſſis: tuum tamen F. L. AB
AISSEMA, qui nunc Diis Vialibus
litat, aliquod exinde oblectamentum
capere ſuſtinebis. Quod enim de telis

ille ait, cum prævifa fuerint, ferire
minus; idem ego de itineribus arbi-
tror, illorum scilicet oculis & animo
præconceptam quandam delinea-
tionem minus molestiarum & in-
commodi parere. Accipite igitur uter-
que hunc libellum non à sui pretio
aut pondere exiguo, sed ab adfectu po-
tius meo, quem purum & integrum
VOBIS servabo, dum ero, immo etiam
cum non; siquidem

Transcendit fati limina magnus
Amor.

Valete, Musarum amōres, ocelli Gra-
tiarum, FELICITER, & habere à

VIRTUTIB. V.

Lugd. in Bata-
vis, x Eid.
Iulias A. C.
xxiix supra
xvi sæcula.

addictissimo

G. HEGENITIO.

Ad

Ad Eruditissimum

D. GOTFR. HEGENI-
TIVM I.V.C.

*Barbaries iterum tetrīs irrepere pennīs
Incipit, & turpi ducere cuncta situ:
Ex oculis postquam clepit hos mors lurida;
qui se*

*Barbaricæ fortes opposuere Lui.
Huic quoq; portento denunciat horrida bella
HEGNITIVS, Quada nobile germen humi.
Et quâ parte movet vestigia culta viarum,
Hac premit ingenii maxima signa sui.
Qui modò mente vagâ Belgarum raptus in
orâ es,
Hoc fastiditas indice carpe Rosas.*

αὐτοχεδασί

IANVS GEBHARDVS
Professor Groninganae
Academiae.

I. LIPS.

I. LIPS. IN EPISTOL.

*Humiles ista & plebeia anima do-
mi resident, & adfixa sunt sua terra:
Illa diviniore est, qua coelum imita-
tur, ac gaudet motu.*



GOTFR. HEGENITI
ITER FRISIO-
HOLLANDICVM.

ANNVS jam & eo amplius excurrit, cum *Hamburgo* iter ad *Batavos* arripui DVCE DEO, COMITE HYGEIA; quam peregrinantibus Divam opt. maximam judico, præsertim si Iuno Moneta accesserit, nervus ac sanguis alter mortaliū. Posteaquam igitur abhinc *Stadam*, seu, ut *Ptolemæi* appellatione utar, *Setutandam*, quæ condita est ante N. C. annis 321, & deinde *Bremam* terra pervenissem, vitan-

vitandi majoris periculi causa
cymbæ me committere placuit, &
ita fluvio *Visurgi* ac *Amisia* DEL-
FEZIELVM delatus sum, quod est
propugnaculum Belgii fortissi-
mum, & velut murus aheneus
versus Germaniam. Tum petita
mihi

GRONINGA,

Vrbs provinciæ seu dynastiæ suæ
cognominis, ejusque mater. A-
mœna valde est, & probe munita
vallo adversus vim hostilem. Pro-
dierunt ex ea vel agro ejus tan-
quam Castor & Pollux duo fide-
ra, *Rudolphus Agricola* & *VVesselus*
Gransfortus: quorum ille quantus
fuerit, sat testari potest elogium
Epitaphium ab *Hermolao Barbaro*
Veneto scriptum, quod etiamnum
Haidelbergæ, ubi Agricola obiit,
in æde Franciscanorum legitur:

Invi-

*Invida clauferunt hoc marmore
fata Rudolphum*

*Agricolam, Frisii spemque de-
cusque soli.*

*Scilicet hoc vivo meruit Germa-
nia laudis*

*Quidquid habet Latium, Gra-
cia quidquid habet.*

VVesselus autem ea omnium lit-
terarum ac disciplinarum cogni-
tione erat præditus, ut commu-
ni nomine diceretur lux MVN-
DI. Cujus scripta pio sane adfe-
ctu & honore collegit ac publi-
ci juris fecit vir non minus ar-
te quam Martis peritia præstan-
tissimus *Petr. Pappus à Tratzberg.*
Tumulus ejus est in loco remo-
tiori ac subobscurò, quo Cæno-
bium olim Virginum monialium
fuit. Saxum sepulchri ingens, sed
nulla inscriptio. Fuit & patria
Groningensis *Regnerus Prædinius,*

B ob

ob varios libros, quos in publicum emisit, non postremum superioris ævi decus. Hodie Vrbs *Academia* gaudet, fundata d. 22. Aug. A. 1607. Rectore primo *Vbbone Emmio*, qui historiam patriæ suæ Frisiæ eximium ac æternum opus egregio publico vulgavit. Laudes ejus & merita cognosci possunt ex parentatione ab amico conjunctissimo *Nicolao Mulerio*, Medico ac Matheseos in Acad. Groningana Professore, contexta. *Epitaphium* in templo Academico hoc exstat:

IMMORTALI MEMORIÆ
CLARISS. ET PIENTISS. SENIS
VBBONIS EMMI
FRISII GRETHANI
PRIMI ACAD. GRON. RECTORIS,
THEOLOGI SINCERI,
PHILOLOGI EXIMI,II,
HISTORICI ABSOLUTI,
VIRI

FRISIUM. 15

VIRI PRVDENTIAE SINGVLARIS

(QVI PER OMNEM VITAM

SVA SORTE CONTENTUS,

LABORE INDEFESSO

DE ECCLESIA AC REPNBL. PATRIA

QVAM OPTIME MERITUS;

VERE PIA DEMUM AC PLACIDISS.

MORTE DEFUNCTUS

HEIC CORPORE QUIESCIT)

MARGARETHA A BERGEN

VIDVA ET LIBERI SUPERSTITES

MOERENTES

H. M. P.

VIXIT IN TERRIS AN. LXXVIII.

DIES IIII. ABIIT IN COELOS

AN. CHRISTIANO MDCXXV.

DIE IX. DECEMB. IVL.

In *Acroasi* seu Auditorio Philo-
sophico videtur effigies rubeo
colore picta IV. Vermium, & illi
adjuncta inscriptio:

Lumbrici quatuor in rene dextro

B 2

canis

canis reperti à studiosis Medicina anatomien privato studio exercentibus. Anno 1616. Februario.

Epitaphium illud in æde D. Martini facetum magis, quam ut feriam ac severam pietatem spirare videatur:

*Laet lopen voerdan die lopen lust,
Ick heb gelopen, en lig hier in mijn
rust.*

*Iohan Burckhorst. A. 1609.
den 14. Iul.*

Bibliotheca etiam ibi est, ubi præter libros aliquam-multos historia videri potest, tabulæ pensili inscripta. Hanc, quia in paucissimorum manibus versatur, huc adponere operæ pretium duxi.

Casus in cordis vulnere admirabilis.

Nicol. Mulerius lectori sal.

Creditum hætenus fuit, corde vulnerato non posse quemquam vel ad unius horulæ momentum vitam producere.

ducere. Quam sententiam ratio firmat & experientia. Cum enim vita nostra à spirituum incolumitate dependeat, quorum officina fabricaque in ipso corde sita est, corde vulnerato, spirituum generationem impediri ac prorsus cessare necessum est. Verum historiam valde memorabilem hoc loco proponere visum fuit: historiam inquam militis, qui in corde saucius vitam ultra quindecim dies sustentavit: qualis nec in veterum nec in recentiorum Medicorum observationibus nulla nobis hactenus occurrit. Andreas Haesevanger, Illustrissimi Comitis VVilhelmi à Nassau, Frisiae, Groningae, Omlandiae, &c. Gubernatoris cohorti pratoria adscriptus, vulnus in pectore à commilitone accepit anno Dom. 1607. die 22. Augusti sub vesperam. Obiit die octavo Septemb. hora una post exortum solis, qui erat dies decimus sextus à vul-

nere inflicto. Defuncti cadauer praetoris militaris iussu vulneris explorandi gratia à me & duobus chirurgis Caspares & Luca Hulteno apertum & examinatum fuit, praesente & spectante viro strenuo ac Nobiliss. Bernhardo Hoornkens, spectantibus etiam nonnullis aliis imò ac melioris sortis militibus. Ecce, aperta pectoris cavitate, evacuataque haud parva materiae purulenta minime foetentis copia, deprehendimus admirabundi, vulnus in cordis usque sinum dextrum penetrasse, istamque cordis partem fere totam contabuisse, sinistra parte manente incolumi, in qua continetur primaria spirituum vitalium officina. Huius igitur unius beneficio vita Andreae ad decimum sextum diem conservata fuit. Et ne forte huius narrationis dubia esset apud nonnullos fides, eam testimonio suo manuumque subscriptione muniverunt viri
nobi-

nobilissimi ac ampliss., Bernhardus Hoornkens, praesidii urbani praefectus, & Petr. Pappus praetor militaris. Qui etiam historiae huius luculentam fecit mentionem in eruditis suis ad disciplinam militarem commentariis. Actum Groningae die 22. Iunii 1627.

Bernhard. Hoornkens. Attestor ut supra. Actum 22. Iunii 1627.

Peter Pappus von Tratzberg, historiam hanc veram, & de ea mihi bene constare, attestor.

LEOVARDIA

Vrbs primaria Frisiae minoris seu Occidentalis, ubi & summum Tribunal Provinciae, & sedes Illustriss. Gubernatoris, qui hodie est Ernestus Casimirus Comes Nassaviae, &c.

In illa nihil adeo praecipuum videas, nisi in templis multa elegantissima Epitaphia, quorum

B 4

ali-

aliqua in gratiam curiosi lectoris
memorare visum.

I. In *fano Iacobaeo* præ aliis e-
minet monumentum Guilielmi-
Ludovici Nassavi:

GUILHELM. LUDOVICUS. IOH. F.
COM. NASSOVIVS. FRISIAE.
GRON. ET OMLAND. DREN-
TIAEQ. GUBERN.

HEROS. REB. DOMI. MILITIAEQVE.
GESTIS. INCLITUS. VERAЕ. RELI-
GIONIS. ET. BELGICAE. LIBERTA-
TIS. POST. GUILHEL. PATRUUM.
ET. MAURIC. PATRUELEM. AURAN-
TIAE. PRINCIPES. ASSERTOR. PRAE-
CIPVVS.

ANIMAM. DEO. LUBENS. COE-
LESTIS. GLORIAE. DESIDERIO. RED-
DIDIT. A. CHR. CIO IDC XX. PRID.
KAL. IUN. AETAT. LX. GU-
BERNAT. FRIS. XXXVI. GRON.
ET. OML. XXVI. CORPORIS
EXUVIAS. LAETAM. RESUR-
RECT. EXPECTANTES. HEIC. DE-
POSUIT. III. EID. IULII. SEQ.

A. MDCXXV.

Sym-

Symbolum Comitatus erat : *VVils*
God mit Ehren.

Item : *Epitaphium Nobilis viri*
Hesseli de Meckmans.

Hesselus Meckmans Frisiam mode-
rante Merode

Pro patria Martis signa suprema
tuli.

Deinde fui saevius belli praefectus in ar-
mis, (Comes.

Dum regis & Frisiam Nassoviane
Sex octoginta quingentos terque bi-
formis

Ianus agens annos Antoniiq; diem,
Lustraue quina videns vita, dum
fortiter hosti

In Boxum insto, latus traiecit ha-
sta meum.

Scipio de Meckmans Emnens Crom-
bacha parentes

Heic statuunt mœsti mœsta sepul-
chra mihi.

Item:

Item:

M. S.

Ioanni Maltifonio ex gente Cimbrica prope Chersonesum familia & loco apud suos illustri, Maltone Iantson in Cimbria quondam iuri dicundo pratore generali, & Sophia Bilde, parentibus oriundo, qui Anglia & Scotia peragratis fratrem Ordin. Belgii in Frisia Occidentali legatum invisurus, dum pugna ad Boxum prope Leeuwardiam animosius quam feliciter se immiscet, nec periclitantem vult fratrem deserere, lancea transactus fortiter cadit, & tat. anno XX. salutis cId Id xxcvi. xvii. Nonar. Ianuar. Steno Maltifonius Fratri desideratiss. P. C.

*Fraterni exemplar me fama loque-
tur amoris, (mea.*

*Sit quamvis vita meta cruenta
II. In templo Galileo, vulgo Ga-
leister-kerck:*

I. Se-

1. *Sepultura Clariss. excellentiss. Viri I. V. Licentiati, Magistri Iacobi à Stavele, Flandri, Inviç. Caroli V. Rom. Imperatoris in hac sua patria Consulari Frisïæ præsidis secundi, qui postquam laudabiliter decem annis præfuit, obiit die 4. mens. Aprilis A. à nativitat. Domini 1541. nec non Domicella Iohanna Smaiiers eius conthoralis.*

Nec è trivio est illud Gisberti Aernsma Senatoris in Curia Frisïæ Manibus pos.

2. *Si pietas candorque mori doctrinaque possent, (des:*

*Et cum iustitia non temerata fi-
Hoc tecum Gisberte velint sub
marmore condi;*

Tam sunt constanti fœdere iuncta tibi!

*Ast ea mortalis cum sint immunia
fati,*

*Participem sortis te voluere sua.
Cui*

Cui ob piam venustatem ac similem fere sententiam jungendum venit illud *Frederico ab Haere* sacrum:

3. *Si pietas, si fama mori, si denique summum*

Regia nobilitas posset obire diem;

Si quicquid Charites præstant mortalibus, unquam

Interit; hoc uno clausa latent tumulto.

Vivus enim hæc vere tenuit Fredericus ab Haere,

Et secum ætherei vexit ad astra poli.

4. Item: A. 1616. den 6. Aug. Is den Erntf. vvelgelerte M. Bernardus Furmerius History-schriefer deser Landtschap in den Heere gerust.

Res gestas patria, quas longa oblivio rerum

Presserat, & veri sæva noverca dies;

Obscuri

*Obscuri vindex, & libertatis avi-
ta,* (duces:

*Dum vetat annosa nocte latere
Immoritur curis, livore infractus
& annis,*

*Quoque animo hoc tulit
invidiam.*

*Quasque viro laudes etas ingrata
negavit,*

*Iudice posteritas nunc meliore
probat.*

Heic obiter & ὁδῷ παρρηγῶν addere
liceat; hunc Bernardum Furme-
rium successisse Suffrido Petri Il-
lustr. Ordd. Frisiae historico, qui
& ipse domo Leovardianus fuit.
Has autem partes in se devolvi
hodie passus est V. Ampl. D. Pie-
rius VVinfemius, non minori pa-
triae bono, quam sua ipsius laude
immortali.

5. Epitaφ. Alberti Boneri, qui
obiit M DC XI. 3. Mart.

C

Mira-

*Mirare lector: ille qui heic iacet
Albertus*

*Bonnerus, uno in pectore omnia
complexus*

*Miranda quæ virtus facit & de-
cor recti.*

*Hinc est quod ad Rempublicam ca-
pessendam* (narit.

*Vocatus, ut Pater Patriæ guber-
Tandem peregrinus heic redit ad
suos cives.* (clari.

*Miseranda Frisia! Sed nefas relu-
Namque ut optimum quidque est,
ita interit primum.*

6. Epitaph. Matthiæ Thiabbeni
rei tormentariæ in Frisia præfecti,
qui ob. 1600. Iul. 17.

*Heic pia Thiabbeni posuerunt ossa
MATHIÆ,*

*Docta cui pietas vita quieta fuit.
Mundus opes, animam cœlum, ter-
ramque resumpsit* (dedit.

*Terra, Deus vitā cum tulit, ecce
III. In*

III. In templo, quod vocant,
ob vetustatem opinor, Oldenhove,
hi Rythmi Belgici ad condito-
rium craniis humanis destinatum
sunt adscripti :

*Och Adams kijnderen bedenckt u
recht,*

Hier lecht de heere by den knecht:

Edel onedel, arm ende rijck,

Sijn alle gevordē eerde ende slijck:

Als ghy nu zijt, sijn vuy gevest,

Keert u tot Godt dat is u best;

*Als vuy nu zijn, so moet ghy
vordden,*

*Verlaet de sonden, het sijn svare
bordden,*

*Bereyt u u huys, ende leert nu
sterven,*

*So moecht ghy na dit leven het
Rijcke Gods beerven.*

Reparata est hæc inscriptio An.
M DC XIII, quæ forte senio aut si-
tu oblitterata fuerat.

Supersunt præterea in æde S. Vi-
ti hæc Epitaphia.

1. *Occidit ante diem miseranda
morte Iacobus*

*Conisus, patria spesque decus-
que sue. (ria lapsu.*

*Perdedit incauto pila quem palma-
Quid tutum est, si nec ludere fa-
ta sinant?*

*Vrbs dolet extinctum civem ple-
bisque tribunum,*

*Ereptum coniunx flet viduata
virum.*

2. *Fravia Donia iacet duro hoc tu-
mulata sepulchro;*

*Primum dum natum parturit,
ipsa perit. (parenti;*

*Vita data est nato, sed vita negata
Pro misera hac vita vita peren-
nis erit.*

3. *Hic situs est medica Doctor Gu-
lielmus ab arte (egregius.*

*Regnerides celebris, practicus
Inge-*

*Ingenium cuius, spagyrim, praxim-
que probatam (mul:*

*Plebs & magnates obstupere si-
Imo & mirati sunt hæc quoque do-
na inimici,*

*Queis cum virtute splenduit
eximius.*

*Sumptibus haud ullis, ut nec si-
tiente labore,*

*Destitit, ut medicos condecora-
ret agros.*

4. *Hoc tegitur tumulo præclari ci-
vis Erasmi*

*Corpus, quod cinis est in cine-
remque redit;*

*Sed probitas, virtus, pietas, & vi-
vida honesti*

*Cura, tenent meritis astra pa-
rata suis.*

5. *Ballingus iacet hac Themidis
sub mole sacerdos,*

*Iustitia antistes, Pieridumque
decus.*

Quem patria egressum, ut mensu-
ra liqueret agrorum
Trans Amasum, morti glans in-
opina dedit.

Quid prodest pietas? quid dia scien-
tia? fatum

Incurva properans omnia falce
metit.

6. Vt studiis animum formem, re-
ctamque iuventam,

Franequeram dum me mittit
uterque parens,

En studiosa cohors pro more Beani-
ca tollens (mutilat.

Cornua, proh nugas, me miserū
Hincque nimis trusa mors me rapit
horrida fronte,

Atque sub hoc tumultu membra
sepulta iacent.

7. Hic decus Astrea Decamane
gloria stirpis

Petre iacens, patria lux colu-
menque tua.

Nil

*Nil quod Eques, magni quod eras
pars magna Senatus,
Profuit, at virtus & benefacta
iuvant.*

8. *Hic recubat doctor Medica
Brunsfeldius artis,*

*Ille Theodorus deperda grata Dei.
Nec cubat hic totus, colit at mens
atheris arces:*

*Posthuma virtutis fama peren-
nis erit.*

9. *Quod tegit hoc marmor; nil nunc
nisi corporis ossa:*

*Hoc erit extremo, quod fuit an-
te, die.*

10. *Menno studens claudus iacet
hac sub mole sepultus,*

*Spiritus atherea sede beatus o-
vat.*

11. *Quid morum probitas, primo-
que in flore iuventa,*

*Quid facile ingenium, scripta-
que metra iuvant?*

*Hunc etiam ante diem feralis Par-
ca petiuit,*

Ac immaturis extulit exequiis.

*Mors a quo pede cuncta premit;
mens sola perennat,*

*Atque habet in terris posthuma
fama locum.*

12. *Petrus marmorea iacet hac
sub mole Tyara,*

*Parcere cui fati non voluere
vices.*

*Maluit in vita privato vivere
censu,*

*Quam fastum mundi divitias-
que sequi.*

*Corpus habet terram, sibi mentem
sumsit Olympus,*

*Quæ dabit extremus surgere
posse dies.*

13. *Iulius à Beel, causas qui Cæsa-
ris olim*

*Qui quoque curavit regia iu-
ra diu,*

Et

*Et tandem inde tribus prudens in
munere tanto,*

*Nam populo semper charus &
æquus erat,*

*Hoc tegitur saxo, sed corpore: Spi-
ritus autem*

*Conscendit patriam post pia fa-
cta suam.*

14. *Yvolustra videns vita quin-
dena Ioannes*

*Hic sua funereo tradidit ossa
rogo,*

*Summus erat sacra vivens hac
pastor in æde,*

*Nunc agit in supera Spiritus æ-
de sua.*

15. *Vive memor lethi cinis, umbra
& mortis imago.*

*Es quod eram, fies quod sum; nunc
fide inventa.*

*Α'λφα mihi sit principium, sit
Ω' μέγα finis.*

*Ceterum Leovardia cunas & or-
tum*

tum dedit V. C. *Georgio Ratalle-*
ro, Consiliario Regio in Senatu
 Mechliniensi, I. C. & Poëtæ non
 è multis, qui ob virtutum suarum
 præstantiam & in rebus agendis
 dexteritatem postea factus est
 Præses Vltrajectinus.

Leucæ plus minus spatio ab ur-
 be distat pagus *Zuichemum*,
Viglii illius nobiliss. I. C. solum
 genitale, qui Eques auratus fuit,
 & utriusque in Belgica Regii Con-
 sili, Status nimirum & Sanctioris,
 Præsidem meritissimo suo egit,
 Divi etiam Bavonis, præter alia
 sacerdotia, apud Gandenses Præ-
 positus.

D O C C U M I U M

Vrbs non adeo magna, elegan-
 tiæ tamen ac vetustatis haut a-
 spernandæ. Ius cudendi monetam
 priscis temporibus habuit: in cu-
 jus

jus rei exemplum prægrandem ex auro numum mihi ostendit vir literatissimus ac multo rerum usu præstans D. *Meinardus ab Aitfema* Reipub. illi & Consilio Admiraltatis à Secretis : ex quo & urbis antiquitatem æstimare licet. In anteriore parte ejus hæc inscriptio :

OBBO. DVX. FRISIÆ. DOCCVMBVRG. CONDIDIT. ANNO. 248. VBI. GONDEBOLD. REX. CIVITATEM. MOENIIS. CINCIT. ET. AVREAM. MONETAM. CVDIT. ANNO 739. MOENIA DOCCVMANA DIRVTA ANNO. 1422. RESTAVRATA. 1516. DIRVTA ANNO. 1531. RESTAVRATA 1582.

In altera erat :

*Si. Dominus. non. custodiat:
civitatem. frustra. vigilat.
custos. Psal. 127.*

Sola hodie inter omnes Frisiæ
civi-

civitates Senatum seu Consilium rei Navalis, vel, ut vulgo loqui amant, *Collegium Admiralitatis*, apud se retinet. Quorum in Provincia Hollandiæ tria: Amstelodami, Hornæ, Roterodami.

Natales in ea hausit celeberrimi ille nominis Medicus ac Mathematicus *Gemma Frisius*, qui LovanI A. Dom. M D LV. vivere desit.

Dimidio abhinc lapide & præter-propter *Pagus* est, quo ferunt D. Bonifacium, quum panes à rustico sibi fame laboranti malitiose denegatos in lapidem convertisset, cum sociis suis martyrio adfectum fuisse, circa A. C. 755.

Exstat etiamnum *Fons D. Bonifacii* in medio cœmeterio templi Doccumani. Quamvis & alii *Sacram stolam, calicem, panes lapide concretos, & cranium S. Bonifacii* adhuc

adhuc reliqua esse testentur. Ego
tamen quia nullum ex illis vidi:
nihil etiam de re vetusta ac incer-
ta heic adfirmare ausim.

FRANEKERA.

*Vrbs hac est Christo, Paci Musis-
que sacrata.*

*Ergo bonos tantum, non amat
illa malos.*

Quæ Epigraphe super porta Har-
lingensi legitur.

Arx ibi est in aditu oppidi, qua
ab Occidente venit, opere late-
ritio firmissimo, profunda lataque
fossa circumflua; ex cujus aquis
opus assurgit; ita locata, ut eam
qui teneret, oppidum ipsum sine
dubio teneret. Exstructa ea est à
Siccone Siarda, Sciringiorum tota
regione quondam Principe, ante
annos ducentos. A Saxoniarum Du-
cibus ante tempora Caroli V in-
D habi-

habitatam narrant: quorum etiam insignia ad portam, qua ex urbe Leovvardiana fit introitus, conspiciuntur. Albertus enim & filius ejus Georgius Saxoniae Duces Frisiam nomine *Potestatis* per aliquod tempus rexerunt. quorum hic posterior cum plenum dominii sui jus, id quod & Patri acciderat, quamvis adniteretur maxime, consequi non posset: jus omne suum dignitatemque in Carolum V Cæsarem Burgundiae Belgique Principem contulit, ac ipse in Saxoniam recessit.

Condita traditur Franekera anno æræ Christianæ 1191, imperante in Germania & Italia Henrico VI, Friderici I filio.

Athenæum publicum in hoc oppido institutum est auspiciis Illustr. Ordd. Frisiae, A. Chr. 1585. Cujus Doctores hodie clari sunt:
Pierius

Pierius Winssemius I C. & historicus Frisiæ, Georg. Pasor, Iustus Reifenberg I C., Adrianus Meritius, Sextus Amama.

Bibliotheca etiam peregrinis monstrari solet.

HARLINGA.

Olim *Almenum* dicta, urbs splendida more istius terræ, ac nunc civitatum hujus provinciæ post Leovvardiam metropolin maxima, populosissima, ditissima; adsidet litori maris occidui: & portus ac statio est multarum navium, quæ ex variis locis appellant.

Arcem illic vallo & fossa munitam & opere lateritio validam struxere Groningani in Austrino oppidi latere, A. 1496. Quadrienio post Albertus Saxo, qui anno priore ex Hollandia istuc appule-

D 2 rat,

rat, ibique primum pedem posuerat in Frisia, absens per filium, aliam multo validiorem ac maiorem in litore ibidem condidit: quam *Castellum* appellarunt. Quæ velut frenum fuit oræ illi impositum: integrataque sæpe, & maioribus operibus ornata & firmata duravit ad ultima usque Principatus tempora: cum cuius fine ipsa quoque à populo capta & magnam partem solo æquata est, frenumque hoc oppido ac toti viciniæ demptum.

Initium munitio-
num oppidum
ambientium ignoratur. Creditur
tamen non admodum vetustum
esse. Oppidum ipsum ampliatum
ob hominum istuc confluentium
copiam A. 1443. & nova rursus
accessione auctum A. 1579, & eo,
qui proxime est secutus; consilio
& studio Opt. Max. Guilhelmi
Nasso-

Nassovii, Principis Aurantii: cui mens erat, non solum rerum maritimarum emporium nobilius illic Frisiis aperire, sed etiam per hunc locum maxime idoneum Hollandiam arctius cum Frisia conjungere, ac *portum* eum immit- tendis in regionem exercitibus contra Hispanos in potestate habere. Ideo ingens *vallum* terreum, cum lata profundaue fossa, & octo propugnaculis, ampliato oppido circumductum, & Almenum totum (qui vicus celebris oppido proxime admotus fuit) ambitu novarum munitionum comprehensum, oppidoque additum. Nec hic modus hujus rei stetit: sed crescentibus negotiis, crescente fortuna ac populo, A. 1597, rursum mœnia prolata, spatiumque negotiis & opificiis laxius apertum; *navalia* recipiendis pluribus

navibus hyemandi causa duplicata, reliquæ *arcis* mœnibus inclusæ, portus majoribus operibus instructus, oppidum in eam formam redactum, ut jam quarta sui parte à mari alluatur.

W O R C V M V M E T
H I N D E L O P A.

Aditæ quidem mihi; sed nihil legentium oculis aut auribus dignum heic occurrit: itaque prope-
ro ad urbem, quæ dicitur

S T A V R I A.

Hæc totius Frisiæ (si fabulosis commentariis hominum vanorum credimus) antiquissima; quippe condita A. post N. C. primo: ac non tantum metropolis & sedes REGNI, sed & Emporium totius BelgI Germaniæque amplissimum ac celeberrimum olim fuit. Inco-
læ

læ enim ejus, quod ante ipsos fecerat nemo, Zontam Daniæ fretum primi transmiserunt, & ita varii generis merces ex Aquilone in terras Australes deportarunt, lucro suo maximo, quod & in tantam opum vim atque affluentiam excrevit, ut postes eorum auro cælatos fuisse memoria traditum sit, referente *Martino Hamconio* in Præfatione suæ Frisiæ ad Sereniss. Albertum Austriam. Nec ea mari solum tam longe lateque floruit ac superbivit, sed & terra per Rhæni brachia imperium ac vires suas Noviomagum usque prolatavit: id quod duæ inscriptiones in lapide vetusto ad portam Neomagi primariam Hefelanam, vulgo *die Hefelpoort*, satis evincunt. In altero enim saxo sic exstat:

Huc usque jus STAVRIÆ.
In altero:

D 4

Hic

HIC EST PES IMPERII.

Sed ut omnium quæ sub sole sunt,
vicissitudo esse solet, & res in al-
tum nimis evectas haud segni pe-
de occasus plerumque ac ruina se-
quitur, sic & huic oppido

*Venit summa dies & ineluctabile
fatum.*

Cum enim, ut ajunt, nauta qui-
dam triticum è mari Baltico, aut
locis remotioribus advexisset, fa-
stiosa autem mulier, an uxor ejus,
incertum, mercium pretiosiorum
desiderio ac cupidine flagrans,
fruges illas in portum Flevumve
exonerari jussisset, fortuna Dea
urbi Stavriæ non adstitit amplius,
sed quo fluxu accesserat, eo ut ita
dixerim refluxu iterum decessit,
tritico in Syrtim seu cumulum a-
renosum (qui & hodie fortassis *het
Vrouwen sandt* vocatur) divinitus
converso; aut ex arenis fluctuum

vi agitatis pulvino sensim collecto. Vnde & portus ipse paulatim oppilatus, nautas & mercatores primum campos, Amstelodamum postea, ut novas ibi fortunarum suarum sedes ac stationes figerent, compulit. Ita, inquam, factum cum tempore, ut portu obturato & corrupto, usuque maris in arctum redacto, commerciis prope amissis, Fortuna, diu Obsequens, tandem Nemesis, Stavriam reliquerit, atque alio commigrarit, ubi reverentius haberetur, ac Dei beneficium modestius agnosceretur colereturque.

Fruitur adhuc antiquo jure & privilegio, ut vectigalium in Danico telonio solvendorum præferentiam ante omnes habeat. Quod ita memoriæ prodit *Vbbo Emmius*, singulare Patriæ suæ ornamentum: *Retinet, inquit, oppidum locum*
& ius

Et ius in societatem civitatum Anseaticarum, in qua olim primas habebatur. Cuius hoc indicium etiam nunc superest, quod in Hellesponto Danico cum navita, quorum magna multitudo saepe illic haret, expediri se à regis praefectis petunt, nulli impetrare ex more id liceat ante Staveros.

Arx quoque olim Stavriæ insignis valde ac valida, Regum sedes exstitit, portui maris imminens, cuius fundamenta jacta fuerant à Georgio Schenck Frisiæ Gubernatore, jussu Imperatorio Caroli V. A. 1522. Sed hodie sic collapsam videmus, ut vix ejus rudera appareant.

Fabulosum Etymon urbis à Iove Stavone (sive Stavus sit) derivant, veteri incolarum Deo, cui & templum erexerint; quippe quem cum Fosta (sic Martem, Vestamve appell-

appellabant) præ reliquis olim
Diis Frisii maxime colebant.

Sed me heic opportune admo-
net Cl. & Doctissimus vir *P. Scri-
verius*, nec Stavriæ eam heredita-
tis gloriam cernere permittit, qua
non mari olim tam longe lateque
imperitarit, sed & terra per Rheni
brachia imperium ac vires suas
Neomagum usque prolatarit: Id
quod duæ Inscriptiones Neo-
magenfes ad portam Hefela-
nam evincere videntur: sed vi-
dentur tantum. Quarum una præ-
fert,

HUC USQUE JUS STAVRIÆ.
Nam *Stauria* heic non est Frisiæ
oppidum *Staveren*, sed *exactionem
ac tributum* significat. Idem quod
Steura. Chronica Aulæ Regiæ de
Iohanne Rege Bohemiæ, cap.
XXVII. *Interea vero Rex exercitum
congregat, & ad bella se coaptat; gene-
ralem*

ralem Steuram, quæ Berna dicitur, Rex ab omnibus recipit; & super hoc exactiones claustralibus & civitatibus gravissimas imponit. Æneas Sylvius, qui postea Pius II Pontif. Max. Historia Bohemica, cap. LXI. Mos est Australibus, quoties repentina Principi necessitas ingruit, ex subditis pro modo facultatum pecuniam exigere, quam vocant Steuram. Hodieq; Turken-staur, id est, collectam adversus Turcam, apud Germanos, præsertim interiores, in usu remanet. Ita ut à Staur Stauria vocabulum Latina flexione formatum sit. In legibus etiam Francorum telonii fit mentio quod Strat-sturam, id est, contributionem ad viarum infessores compescendos, vulgo vocabant. Igitur Francorum palatium & regnum præcipue Neomagi stetisse loquitur lapis, modo ex Scriveriana sen-

sententia recte interpretemur. Vult enim dicere, collationum ac contributionum Imperii nomine exigendarum Neomagi terminum constitutum; pedemque ibi Romani Imperii. Est & area extra mœnia, quæ vulgo *den Roomschen voet*, *pes Romanus* indigitatur. Quæ elegantissima observatione, falsam atque ineptam opinionem de Stavriæ oppidi ad Neomagum usque imperio, longa de Radbodo rege allata historia Iliade, manifesto redargui & convelli, luce meridiana clarius. Atque hanc veram ac genuinam interpretationem censeat & ad auctorem P. Scriverium refert V. C. *Ioh. Isaacius Pontanus*, Animadversionibus ad Bataviam Hamerodii. Cætera fabulis plena. Interim videatur *Vbbo Emmius* Rerum Frisicarum Historiæ lib. iv, initio. Cujus ho-

E nori

50 I T E R
nori heic attexere placuit, cum
alibi non legatur, id quod diu a-
missum casu nescio quo in manus
meas pervenit,

PETRI SCRIVERII

Elegidion

Ad Virum Clarissimum

VBBONEM EMMIVM, Frisium;

Historia patriæ principem.

Adversus fabulatores & aretalogos popu-
lares, qui insigni audacia an furore? ori-
ginem gentis ex India ab ævo usque
Alexandri Magni, atq; ex Persia
petere non dubitarunt.

E Sse quid hoc dicam? tibi debita
fama negatur,

*Vbbo? tibi, patria quem voco iure
patrem?*

Nam sine te (verum testor) vir ma-
gne fuisset, (opus:

De Frisiis vanum iam legeretur
Iam

FRISIUM. SI

*Iam Suffridais premerentur nostras
Chimaris*

*Pulpita: iam monstris omnia plena
forent:*

*Et mera spirarent Frisii mendacia
folles;*

*Municipes quivis ut Iovis esse pu-
tet:*

*Gestaque maiorum densa sub nocte
laterent;*

*Et spurius tantum Phryx in hono-
re foret.*

*Sero Phryges sapiunt. atqui sapien-
tia prima,*

*Cum Phrygibus Frisii si sapia-
mus, erit.*

*Credimus Alvini rhytmis. ô pectora
caeca!*

*Credimus Occoni, Scarla minu-
ta, tuo.*

*Credulus & nostras vellit Furmerius
aures, (Phrygas:*

Qui Frisio priscos expulit orbe

*Scilicet à Persa Fresone vocabula
gentis*

*Nata. novum patriæ nunc dedit
ille ducem,*

*Seu potius totam qui nomine Princi-
pis aulam*

*Impleat, & prima consecret æde
Stavum,*

*Vnde tibi fama est venisse Staveria
nomen.*

*Signavit terras sic dea Festa novas.
Pro pudor! Herois sic nugas inserit
actis;*

*Tapponemq; audax & nova mon-
stra facit.*

*Tapponem, non quem docto ciet ore
Catullus,*

*Sed quem Parrhasiam vult coluif-
se domum,*

*Romanaſque aquilas & Flavia signa
secutum,*

*Dum movet in torvos belliger ar-
ma Dacas.*

Quid

*Quid Suffene ! Igitur Latiis annali-
bus ille*

*Indictus Princeps tam generosus
erit?*

*Nullane Dibbaldi quoque mentio fa-
cta Segonis,*

*Cum sit Verriti cum Malorigo suo?
Præteritosque alios coges nos credere
reges,*

*Queis auctum Annales te iuvat
ire tuos !*

*Dic mihi, quis Saxo, cui nomen Sa-
xonis ora*

*Debeat : aut Brunus quis sit , &
unde domo ;*

*Traxerit unde suum celebris Brunf-
vigia nomen ?*

*Credemus fratres , Friso , fuisse
tuos !*

*Iam tuus è Gailone nepos nova gloria
Grunus*

*An Groningani nominis auctor
erit ?*

*Sic visum vulgo, atque ipsi maioris
abolla*

*Suffrido. Ah! quam non hoc pla-
cuisse velim?*

*Cur non his potius grunnisse Elpeno-
ra terris*

*Fingit, Vlyssaum vel stabulasse pe-
cus?*

*Non apinis forsán, tricisque hoc vi-
lius esset.*

*Quas promit larga Barbarus ille
manu.*

*Quisquilias tamen has, tamen hac
sua scruta popello*

*Vendit, & Historici munere latus
ovat.*

*Sparge puer flores, amaranthaasque
corallas: (est.*

*I puer: ad portas Livius alter ad-
Nescio quid maius Tacito nunc na-
scitur Orbi.*

*Nam quis Cappido se volet esse pa-
rem?*

Ni!

*Nil aliud loquitur vulgus, Suffrida-
que laudans*

*Somnia, iam Crispos Thucydidas-
que crepat.*

*At peream! si sit dignus prestare ma-
tellam*

*Cappidus Tacito, tressis agaso Deo.
Quid simile est Doufa & Snoius? Suf-
fridus & Vbbo?*

*Ad magnum Æmilium tu Ma-
merane quid es?*

*Quid Iovis in mensa fabrorum pran-
dia beta,*

*Ponit ubi ambrosias dia Iuventa
dapes?*

*Atque ubi se superi perfundunt ne-
ctare vivo,*

*Quid facit extincti perfida vappa
cadi?*

*Ringuntur docti; tamen hac sapien-
tia vulgi*

*Obtinet; ordo omnis tam populare
sapit,*

E 4 Tam

*Tam fatuo gustu est; verum ut discer-
nere falso*

*Nesciat. ô casso lumine corpus
iners!*

*Sed quis iudicium, quis est mens
sana, pudorque,
Lectores libris det Deus, Vbbo,
tuis,*

*Qui pretium faciant, cedroque &
murice donent.*

*Abstineat scabras cætera turba
manus.*

*Ante focum pueris veterum deliria
nutrix*

*Narret, & Occonem garrula lau-
det anus.*

*Te gravis æterna commendet voce
Thuanus,*

Noster & ingenti Grotius ore legat.

*Me quoque mirantem generosi fulmi-
na veri*

*Devinctum sancto pignore pectus
habe.*

Sit

*Sit licet inventis glandes qui quarat
aristis,*

*Praferat Hyblais Corsica mella
favis;*

*Haud ego tam demens, (nec si verit o-
ptimus ille*

*Iuppiter) hos canos iuro, tuamque
Fidem.*

*Cui si praferri mendacia putida cer-
nes,*

*Stultitiam vulgi ride, iocumque
puta:*

*Aut vitium secli. quo vivis fama ne-
gatur,*

*Et sua iam rarus tempora lector
amat.*

*Emmiades quare ne festinate libelli,
Certus ab auctoris funere surget
honos.*

Raptim xv Novemb. 1616.

ITER

I T E R
HOLLANDICVM.

E N C H U S A.

Propugnaculum est Bataviæ Borealis. Multæ naves, uti & Horne, ibi ædificantur. Nos unam vidimus, quam Rex Galliarum ingenti pretio exstrui curarat. Deaurata erat pro xviii millibus plus minus florenorum.

Ocellum urbis illic salutavimus *Bernhardum Paludanum* Medicum, qui, ut est vir humanissimus, *τεχνηματφυλάκιον* seu Pinacothecam suam nobis aperuit, in qua credo res utriusque Indiæ, Indiæ autem? immo totius orbis rariores omnes videri posse: ita ut non abs re Nobiliss. vir Hippolytus à Collibus, dum hæc Admiranda aliquando pellustraret, in hoc elogium eruperit:

Quod

HOLLANDICVM. 59

*Quod mare, quod tellus, quod totus
denique mundus,*

*Vna Paludani continet ista do-
mus.*

Nec à vero abludit Tobias de
Schvvanensche ac Bregoschutz,
cognomento Sculterus, olim dum
vixit

-- praesidium & dulce decus meum.

Sic autem ille:

*Orbe novo & veteri rarum ac mi-
rabile quidquid*

*Dat natura parens, artificisve
labor;*

*Vna Paludani domus exhibet in-
geniumque*

*Sublime, ac studium testificatur
heri.*

Est & aliud cujusdam:

*Quidquid terra sinu venisque re-
condidit imis,*

*Thesauros urbis hæc brevis arca
tenet.*

Laus

*Laus magna est tacitas natura in-
quirere vires,
Maior in hoc ipsum munere nos-
se Deum.*

*Sed tot actalium habere memo-
riam, divinitatis potius sit, quam
mortalitatis: nonnulla saltem, quæ
dum animo inhærere videntur,
λόγος καὶ εἶναι heic notare liceat:*

*Vestes & instrumenta militaria
ferme omnia Amazonum.*

*Membra ceti seu balena ferme o-
mnia.*

*Patina ex eius genitali affabre
facta.*

*Mumia à tribus mille annis ad-
servata.*

Mumia 2400 annis adservata.

*Cadaver viri quod per annos 300
non contabuit.*

Vestes Pygmaeorum.

Navis quæ Pygmaei utuntur.

Bitumen Sodoma & Gomorrha.

Siclus

*Siclus Iudaicus, moneta veterum
Hebraeorum.*

*Vasa plurima terra Lemnia seu si-
gillata.*

Basiliscus.

Crocodilus.

Stellio piscis, lacerta non ab simile.
Cutem singulis annis exutam pro-
tinus absumit, ut præripiat homi-
ni præsentissimum comitialis mor-
bi remedium. Ab hujus animan-
tis fraude *Stellionatus crimen* dici-
tur, de quo in libris I C.

Monachus marinus.

*Chamaleon animal, ex solo aëre
vitam sustinens. Quod sibi per dies
aliquot vivum adfuisse dicebat
D. Paludanus, inque colores om-
nes se transmutasse, rubro & can-
dido exceptis.*

Salamandra ex igne } *vivens.*

Stincus ex aqua

*Remora piscis exiguus, sed admi-
randi*

F

randi roboris. De hoc Plinius lib. 32. c. 1. Ruant venti licet, & sæviant procellæ, imperat furori, viresque tantas compefcit, & cogit stare navigia, quod non ulla possunt vincula, non anchoræ irrevocabili pondere iactæ.

Lagena vitæ
Lagena mortis } *Herbæ.*

Sal etiam optimum Enchusæ coquitur, ejusque Salinæ celebrantur.

H O R N A.

Nonnullis *Cornucopiæ* dicitur (*den Hoorn van overvloet*) ob rerum, præsertim annonæ, adfluentiam. Patria est *Hadriani Junl*, Medici illius & historici clarissimi,

Inde per *BEMPSTERVM* concessi, campum spatio septem leucarum fertilissimum, qui antea tot milliarium lacus fuit. Quo exemplo Galliarum Rex *Henricus IV*
 Hol-

HOLLANDICVM. 63

Hollandis quibusdam permisit prope Rupellam haut exiguum terræ ambitum eluvie marina obtectum industria sua ab undis liberare, & frugibus ferundis pascuisque idoneum reddere. Quod territorium vulgo *Parvam Hollandiam* vocant.

Bempstero POMERENDAM veni, & abhinc navicula, gubernatore ejus ad ripam eunte, illamque sic propellente, per WATERLANDIAM provectus sum ad aggerem ulteriorem, ubi brachium maris lembo transmisi, & ita veni vidi

AMSTELODAMVM.

Hæc ab amne Amstela & Teutonico *dam*, id est, *aggere*, nomen habet, paucis initio piscatorum tuguriis habitata. Fuit sub jurisdictione illustrium Dominorum de

Amstel, donec postea Giselbertus Amstelius ante annos 300 ac præterpropter eam mœnibus, portis ac turribus communiri fecit: sed postea nimium quantum prolata pomœria; & crescentibus quaquaversum in omnes orbis partes negotiis, crescente fortuna ac populo, ampliatur aliquoties oppidum: ut hodie sit optima maxima Hollandiæ Civitas, & florentissimum emporium cum paucis in terrarum orbe æquandū. Nitida admodum est, qua publicis qua privatis ædificiis.

Publica hæc sunt quæ vulgo peregrinis ostentari solent.

1. In *templo*, quod vocant, *antiquo*, de *Oude kerck*, eminet *Epitaphium Iacobi Heemskerck* Ducis & Thalassiarchæ Ordinum Belgii fœderati. & illud sic exstat:

HONO-

HONORI ET ÆTERNITATI.

IACOBO AB HEEMSKERCK

AMSTELREDAMENSI

Viro fortis. & optime de Patria merito.

QUI

*Post varias in notas ignotasque oras
navigationes, in Novam Zemblam
sub polo Arctico duas, in Indiam O-
rientalem versus Antarcticum toti-
dem. Indeque optimis spoliis A. clo-
I O C IV reversus victor*

TANDEM

*Expeditionis maritimæ adversus Hi-
span, præfectus eorumdem validam
classsem Herculeo ausu aggressus in
Freto Herculeo sub ipsa arce & urbe
Gibraltar VII. Kal. Maii A. clo-
I O C VII fudit ac profligavit.*

IPSE IBIDEM

*Pro Patria strenue dimicans gloriose
occubuit. Anima cælo gaudet, corpus*

F 3

hoc

*hoc loco iacet. Hæve lector, famam-
que viri ama, & virtutem.*

CUIUS ERGO

A B

*Illustriss. & Potentiss. Fœderat. Pro-
vin. Belgicæ ORDINIBVS P. P.*

H. M. P.

Vixit annos XL. Menses I. Dies XII.

*Heemskerck die du'vars door 't ijs en
't ijsen dorste streven*

*Liet d' eer aen 't land, hier 'tlijf, voor
Gibraltar het leven.*

II. *Bursa*, five ædes ad quoti-
dianum mercatorum conventum
splendidissimæ, in quarum supe-
riori contignatione nihil non ve-
nale prostat.

III. *Ergasterium* coërcendæ la-
scivix ac petulantix masculorum.

*Het Tucht-huys, of Raspelhuys. Ejus
Inscriptio: VIRTUTIS EST DO-*

*MARE, QUÆ CUNCTI PA-
VENT.*

VENT. Ex Seneca Tragico.

IV. *Alterum* pro feminis sequioris vitæ. *Het Spin-huys.*

V. *Orphanotrophium* pro utroque sexu. *Het VVees-huys.*

VI. *Ξενοδοχεῖον*, domus pro peregrinis morbo infectis. *Het Gast-huys.*

VII. *Γερωντοτροφεῖον*, *Ædes* pro Senioribus & qui victui amplius quærendo inidonei sunt. *Het Mannen-huys.* Quod vere *Pauperum Palatium* dici potest.

VIII. *Ædes* pro deliris utriusque sexus. *Het Dol-huys.*

IX. *Domus India Orientalis*, in quam merces ex Indiis advectæ importantur.

X. *Domus India Occidentalis*, in quam merces ex India Occidentali importantur.

XI. *Domus Organica*, in qua varios concentus Musicos & sua-

viludios singulis diebus audire,
 quin & omnis generis instrumen-
 ta Musica in vulgus non adeo no-
 ta videre licet. Autor & director
 horum ludorum, qui etiam hodie
 vivit, est *Ioannes Antonides Alc-*
marianus, à quo, cum sectæ Men-
 nonisticæ esset addictus, taberna
 illa vulgo nuncupatur *in de Men-*
nisten Bruyloft, seu, ut ipse hospes
 appellat, *in d' Os in de Bruyloft*, vel
't Huys te Sinnelust. Ipse nuper hoc
 elogium, an Symbolum, suæ do-
 mus recensuit:

Heel boven op dit huys, is 't als een
Paradijs,

Daer is Fonteyn geruys, Snaer, Pij-
pen, soet gekrijs.

Begeer g' in 't huys te gaen, te hoo-
ren en te sien,

Soo toont uvv' mildigheyt, tot on-
derhout van dien.

Amstelodamo iter dirigi potest,
quo.

quocunque lubitum. Ego ordine reliquas Hollandiæ civitates enumerabo, ad quas venire & vifere contigit.

ALCMARIA.

Nomen urbi inditum volunt à copia lacuum, quibus undique cingitur, & quorum xv recensent, quasi *Al-meer*. Condita primū fertur ab Adgillo seu Aldegildo Rege Frisiæ circa A. C. 720. qui illam quoque hoc nomine, quo jam gaudet, primum ornavit, cum antea diceretur *Altena*, ex verbis magni cujusdam Principis Veronensis. Hic enim cum post dirutam *Veronam* novæ urbis mœnia locasset, & in vallo aliquando obambulare; magnam hominum multitudinem advenientium conspiciens, qui & undenam illi essent, percontabatur. Responsum Principi,

cipi, Veronenses illos; qui ob miserabile fatum urbis novas sedes quærere cogantur; precibus admotis, ut liceat illis permissu principali domos isthic figere, semina arvis inferre, utque patrium solum exercere. Ad hoc ille inquit: *'t is al te na.* Quod ab audientibus observatum, & nomen inde civitati tributum. Ex quo sententia eorum confirmatur, qui Alcmariam ex ruinis *Veronæ* natam asserunt, amplissimæ quondam ac opulentissimæ urbis, sed quæ excisa postmodum ac subversa funditus à Ioanne Comite Hannoniæ, Anno quem Eteostichon hoc indicat,
eCCe CaDIt Mater frIsIæ.

Campos ubi *VERONA* fuit, cerne-
re licet paulum ultra mille passus
ab urbe Alcmaria, qui & nomen
hactenus retinere *Vroonlant.*

Qualis autem hodie sit *ALC-*
MARIÆ

MARIÆ facies , compendio quodam isti versus declarant , quos ex Topographiæ quadam tabula descripsimus :

*Hæc illa Alcmaria est lacubus præ-
lustris amœnis,*

*Quam virtus celebrem facit
orbi.*

*Structuris ornata , situ incunda
salubri,*

Phœbo sacra sacraque Diana.

*Pascua quam cingunt , grato &
pomaria fructu*

Atque aptanda trionibus arva.

*Inviſtis inviſta viris hic agmina
quondam*

Pellaces poſuere Batavi.

*Hic Friſiæ fulſere acies , pulſæque
phalanges*

Indorum domitoris & Aphrum.

*Quibus laudibus merito adjungi
debet, quod illa magnorum viro-
rum urbs natalis & mater exiſtat.*

Dedit

Dedit enim nobis *Cornelium van Drebbel*, peritissimum Naturæ mystam & amasium, qui jam Londini apud Britannos agit: *Petr. Forestum* Medicum celeberrimum, *Petr. Nannium*, *Adrianum Metium* jam Professore Frane-keræ: alios.

Sed de *Drebbelio* non possum, quin heic apponam, quod ipse ad amicum suum *Isebrandum à Riet-vick* ante paucos annos *Alcma-riam* litteris perscripsit. Quas è sermone Belgico, quo ille utitur, in Latinum *νεῦν πρόδα* fidelissime transtuli, lectu ut arbitror haut injocundas, ex quibus & viri circa res naturales peritia magis emineat, admiranda cunctis, æmulanda forte nemini. Præterquam enim quod *Motus perpetui* autor sit, & ista non sine omnium stupore ac miraculo efficere potest.

Sic

Sic autem scribit ille Protheus :

Ego in camera manifeste sedeo solus, nemine mihi adistente. Et primo vestitum meum transformo in presentia & adpectu illorum omnium, qui in cubiculo sunt. Nunc induor totus nigro holoserico, & momenti spatio, immo tam confestim, quam aliquis cogitatione assequi possit, holoserico viridi ac rubro amictus sum, in colores omnes mundi me transmutans. Nec solum hoc, sed commuto meam vestem cum qualibet specie pannorum, qua ipsemet volo: nunc bombycina seu sericea colorum omnium, tum ex villis texta omnium colorum: nunc argento, nunc auro variegatis vestibus utor: nunc Regio ornatu, & adamante ac omni gemmarum specie sum splendidus, at in momento postea mendici habitum assumo, pannis obsitus ac deformis: cum in illo actu unicam duntaxat vestem habeam, quam

G

abs

*abs me non depono. Præterea converto
memet in arborem naturalem, contra
quam aliter aliquis animadvertere
queat, folia hinc inde motantem, qua-
si vento agigaretur. Nec solum in for-
mam arboris, sed in omnia genera ar-
borum, prout mihi placuerit. Postea
formam mutuor cuiuslibet rei creatæ;
quamcunque cupio, ut iam muter in
leonem, iam in ursum, iam in equum,
in vaccam, in ovem, in vitulum, in
porcum &c. Et præter hæc apparere
facio, quasi terra aperiretur, & spiri-
tus ex ea provenirent: primum in
forma nubis, & postea se vertentes in
aliam speciem, quam illis impero, &
uti quæque bona mihi videtur, ut in
personam Alexandri M. vel alterius
Principis aut Regis pro arbitratu meo.
Quin & hoc exhibeo, ut Gigantes ve-
teri ævo cogniti ex terra prodire vi-
deantur, viginti ac triginta pedum
longitudinem exaquant, qui tam
miris*

miris modis ac ea perfectitudine corporis sui membra librent ac moveant, quasi naturaliter viventes. Atque hæc omnia in medium produco nova Inventionem, quam beneficio Optica excogitavi, cuius vires mirabiles ac pulcherrimæ præstari possunt, quas longum heic memorare foret, de quibus alio tempore plenius &c.

Templum visu non indignum est; cuius structuram & progressum Ode hæc Alcaica tabulæ inscripta edocet:

Memoriale huius templi.

*Hic fana quondam Diis patriis sacra
Struxit vetustas, sollicito pecus
Cadente votivum colono,
Ut veteres meminere fasti.
At delibuta sanguine victima
Insontis agni protinus impias
Delevit aras, cum prophano
Inferias celebrante mysta.*

*Ædemque Christi cultibus unici
Partæ salutis arbitri idoneam
Devotio Laurentianis
Postera martyriis dicavit.*

*Quæ Frisiorum (nam nihil arduum
Sanctumve Marti) sæpe voraci-
bus*

*Subiecta flammis heu nephas heu
In cineres abiit solutos.*

*Sed restituta contiguum modo
In sancti honorem limen Apostoli
Iunctum Matthia est, qua pro-
cellas*

Imbrifero vomit Auster ore.

*Hinc semper, alta ut præcipiti solent
Librare casu, nobilis impetu
Divulsa templo antiquiori
Pressit humum crepitante turris.*

*Demumque edaci temporis orbita
Rotante versas susque secus vias
Hoc pro ruinosis sacellis
E solido positum lacunar.*

Saxo columnis perspicuum arduis

Cæle-

*Cœloque picto serviat ut sacra
Rerum creatoris tyara:
Magnifici arbitrio senatus.*

A. 1605. 4. Maii.

Conspiciuntur in templo:

1. Elegantissima *Pictura* 7 operum Misericordiæ, pro qua Pontificii Boscuduci (*tot Hertogenbosch*) aliquot centum thaleros obtulere.

2. In fornice templi *Imago extremi iudicii*, coloribus aqua permistis graphice depicta.

3. *Monumentum Florentii* Comitissæ Hollandiæ, ejusque Epigraphæ in prægrandi saxo litteris antiquis: *Hier onder ist inghevvane van Graef Floris van Hollant, verflagen vwordt van H. Gerrit van Velsen.*

4. *Tumulus P. Foresti Medici:*

G 3

cVI-

eVICtVs fato CVbat haC sVb
 MoLe forestVs:
 HIppoCrates bataVIS sIfVIt;
 ILLe fVIt.

H A R L E M U M.

Vrbs inter primas Hollandiæ, si
 ornatum ædificiorum, si incola-
 rum genium attendas. De hac in-
 ter scriptores omnes convenit,
 eam nominis sui auspiciū tra-
 xisse à Lemo seu Guilhelmo se-
 cundo, Frisiæ Occidentalis Rege,
 ut primum *Heer-Leems* (sive *VVil-*
lems) *Stadt*, hoc est, domini Lemi
 civitas, postea *Haerlem* dicta fue-
 rit. Sita est loco salubri ac juncun-
 dissimo; quippe statim urbem e-
 gressis occurrit nemus valde amœ-
 num, civium deambulationibus,
 deliciis, & exercitiis dicatum.

Templū habet totius Hollandiæ
 spatiosissimum ac pulcherrimum,
 fir-

firmissimis innixum columnis.
Hoc D. Bavoni sacrum, & *הגד' עזו-
חל'ו* templum magnum vocant. In
eo hæc Epitaphia conspiciuntur:

1. IOH. VVOLEIO VIRO PIENTISS. QVOD
SIBI ET IACOBINAE DE PITTE XII^s LU-
CINAM EXPERTAE CUM QVA VIXIT SI-
NE MACULA AN. XXIII. ET MARIAE DO-
MINI CL. F. CUM QVA VIXIT AN. XV.
UXORIBUS SUIS OPT. SANCTISS. TESTA-
MENTO FIERI CURAVERAT LIBERI HE-
REDES PARENTIBUS SUI S BENE DE SE
MERITIS MONUMENTUM EX VOLUNTATE
FECERUNT QVI OBIIT AN. CIO IO IV
SEPT. XVII. ÆTAT. LXIII.

NOSCE TEIPSUM.

*Subsiste quisquis hospes hoc saxum
vides*

*Piis dicatum manibus parentium,
Heu sava fati quostulit necessitas!
Iacent sub uno coniuges hoc mar-
more,*

*Quos una fax, & una mens, & co-
pula*

G 4

Innxit

*Iunxit iugales , frigidus claudit
thorus.*

*Mortalitatis disce nunc legem tue,
Quam lucis author , mortis arbiter
dedit.*

2. Graf-schrift

Van Guillaume de Key. starf
den 16. Octob. 1624.

*Hier leyt de Vrome Key een deugds
Patroon begraven,*

*Een man van raed en daad, van
sonderlinge gaven,*

*Der Armen hoofd en troost, ver-
standig, en beleefd.*

*VVaer aen so menig mensch so veel
verloren heeft.*

3. Epitaphium Cornelii Schonæi
Goudani Gymnasiarchæ Harle-
mensis ad annos 36. Scripsit Co-
mœdias sacras ad imitationem &
similitudinem Terentii : Vnde
vulgo Terentius Christianus di-
citur.

EPI-

HOLLANDICVM. 81
EPITAPHIVM.

RECTOR *iuventa*, *Musici ductor*
gregis

SCHONÆUS *egi fabulam fictam*
prius:

Veram peregi: summus hic actus
mibi.

Scenam relinquo. Vos valete &
plaudite.

Obiit Anno clō Io xi. Novemb.
xxiii. Ætat. 71.

4. MEMORIÆ SACRUM

AGATHA HADRIANI HORNANI F.
CONIUGI BENE MERENTI D. NICO-
LAO VANDER LEUR OMNIBUS
HONORIBUS MILITARIBUS DEFUN-
CTO CUM QVO VIXIT SINE MACULA
ET QVERELA ANN. XXVIII. LUGENS
MOERENSQVE POSUIT.

Arma puer gessi primis inglorius
annis, (que mihi.

Sed peperit nomen dextra fides-
Lustra decem implevi: Dux &
virtute Tribunus

Glo-

*Glorior Ostenda sic potuisse
mori.*

ICTUS TORMENTO AENEIO OCCU-
BUIT AN.CIO IO II. VII.ID.IAN.
*Tumulum. marito. condidi. quo
cum. tegor. una. sub. urna. Con-
iuges. quiescimus. miscemus. ossa.
mixtus est. cineri. cinis. Hac. summa
lex. est. Funeri. si. quis. tamen. Amor
superstes. quaret. in. coelo. locum.*

5. A. XV^C. LXIX.

*Den XXIX. Iulii is hier begraven
Ermgaerdt Coenraedts Dochter*

INGENIO COMIS, DEMISSA, ET
PACIFICATRIX:

HEU NIMIUM CRUDO RA-
PTA PUERPERIO.

*Den XXIX Decembris vvorde Pie-
ter Iansz. Raedt hier begraven.*

qVa ferVs InnoCVos IVgVL2-
rat LYCe pueLLos
reX,heV fataLIIs LVXIIt & Ipsa
MIhI.

6. D. O.

6. D. O. M.

SORORIBUS DULCISS. AGATHAE ET
GEERTRUDI VAN VEEN QVAE APO-
STOLI SECUTAE CONSILIVM PERPE-
TUO CASTE ET BENE HIC VIXE-
RUNT UT IN AETERNVM VIVERENT
PETRVS ET ISEMBOVDVS VAN VEEN
FRA. POSUERUNT. VIXIT UNA AN.
LV. OBIIT A. M. VIC. XXIII. KAL.
NOVEMB. ALTERA AN. XXIII. OBIIT
PRID. ID. MART. A. M. VIC. XXIV.
FESTO S. GEERTRUDIS. TU LE-
CTOR FAVE ET SI POTES AC PLA-
CET SEQVERE.

7. *Laet lopen die lopen luste.*
Onse tyt is verlopen, vry leg-
gen hier in ruste.

Cui & istud concinit:

8. *Laet ygelick vry lopen*
Die lopens lust,
Mijn tyt is verlopen,
Ick leg in rust.

9. D. O.

MARIAE GULIELMAE CAESARINAE
 PUDICITIAE MODESTIAEQ. UNICO EX-
 EMPLO CONIUGI AMANTISS.
 HADRIAN. IUNIUS MEDICUS AD
 POSTEROR. MEMORIAM MOE-
 STISS. P. C.

*Vltima in Augusti rupta est spes
 unica nobis*

*Coniunx: ah propera sors tru-
 culenta necis!*

Exstat etiam vitreae fenestrae
 hujus templi inscripta memoria
 seditionis, quam Casembrotii ex-
 citarunt.

*Als men negentig twee, duysend
 vierhonderd teld,*

*Den derden Mey ook me, sijn ha-
 stig met geveld*

*De poorten van Haerlem oproerig
 opgeslagen*

*Van 't Kasen-broods volck stout
 Dat uyt Noord-Holland quam.*

*'Tuvclck Klaes van Ruyven Schout
 Haest*

Haest met sijn dood vernam.

*VVaer af van ouds dit glas ons
seker deed gevvaagen.*

*Cæmeterio juxta forum piscato-
rium hi versus adscripti:*

De Dood vvarachtig

VVeest dit indachtig

Een doorgang is,

Tot God Almachtig

VVeest nit vveerschlachtig

Dit gaet gevvvis.

Ceterum Harlemenenses duarum
sibi rerum gloriam præcipue arro-
gant. Vnum est, quod aliquando
cum Frederico Barbarossa adver-
sus Saracenos expeditionem susce-
perint, & *Pelusium* in extremis fini-
bus Ægypti urbem, quam idcirco
Suidas Ægypti clavem nominat,
hodie autem Damiatam vocant,
occuparint: novo sane ac mirabili
stratagemate, dum nimirum fer-
ras carinis seu imis navium trabi-

H bus

bus adaptarunt, & illarum beneficio catenas portubus occludendis destinatas dissecuerunt. Cujus rei memoriæ sempiternæ institutum putat *Hadr. Iunius*, moremque per manus quasi in hanc usque diem traditum, ut Harlema pubes Cal. Ianuar. naviculas feratis proris instructas, imaginesque bacillis suffixas tanquam victoriæ argumenta in plateis circumferat. Certioris tamen fidei testimonia supersunt *dua nola seu tintinnabula ex are Corinthio*, (de *Damiaetgens* vulgo dictæ) quæ in turri editissima templi magni suspensa arguto tinnitu quotidie circa horam nonam vespertinam perstrepunt. Theodorus Schreve-
lius, Scholæ quondam patriæ, nunc Lugdunensis Rector clarissimus, edidit *Trophæum Pelusi-
cum* Harlemi A. 1598. Ad quod vir
sum-

summæ doctrinæ ac famæ *P. Scri-*
verius patria Harlemensis non se-
mel in carminibus suis allusit.

Alterum est, quod inventionem
Typographiæ sibi vendicent à
quodam Laurentio Ioannis, co-
gnomento *Ædituo*, seu ut alii,
Costero productam circa A. C.
1464. Cui deinde typos & reliqua
instrumenta suffuratus ejus famu-
lus Amstelodamum primo, inde
Coloniam Agrippinensem, atque
hinc Moguntiam profugerit, & eo
artem nobilissimam secum duxe-
rit. Domus Laurenti Costeri ad-
huc in foro exstat, subque ejus ef-
figie ad exterius fastigium appi-
cta hæc inscriptio aureis litteris:

MEMORIAE SACRVM
T Y P O G R A P H I A
ARS ARTIVM OMNIVM
CONSERVATRIX
HIC PRIMVM INVENTA
CIRCA AN. clō cccc xl.

H 2

Vana

*Vana quid archetypos & praela
MOGUNTIA iactas?*

*HARLEMI archetypos praelaque
nata scias.*

*Extulit hic, monstrante Deo, LAU-
RENTIUS artem.*

*Dissimulare virum hunc, dissi-
mulare Deum est. P. S.*

Contra vero multi scriptores Ger-
maniae hoc inventum adsignant,
autore Ioanne Gutzenberg Ar-
gentinensi, qui primus in urbe pa-
tria hanc artem impressoriam cir-
ca A. C. 1440. excogitavit, postea
Moguntiae perfecit, quem alii de-
inde aliis in locis secuti. *Beroaldus*
in quodam Hendecasyllabo:

*O Germania muneris repertrix,
Quo nil utilius dedit vetustas,
Libros scribere qua doces premendo.*

Atque ita varie

*Historici certant, & adhuc sub in-
dice lis est.*

Quan-

Quanquam nuper admodum e-
 gregie & fideliter *V. Cl. Petrus Scri-*
verius artem illam divinam Har-
 lemenſibus ſuis peculiari com-
 mentario aſſeruit. Ipſos Germa-
 nos in teſtimonium citans, qui il-
 lud memoriæ prodiderunt, ſub
 ipſam Typographiæ infantiam. A-
 nonymus namque Auctor Chro-
 nici Coloniensis vernaculi (quod
 ſcriptum editumque eſt anno
 M CCCC XCIX) *VVe vvail*, in-
 quit, *die Kunſt is vonden tzo Mentz,*
op die vviſſe als dan nu gemeynlich
gebruycht vvirt, ſo is doch die eyrſte
vurbyldung vonden in Hollant uyſſ
den Donaten, die dae ſelſſt vur der
tzyt (a. 1440.) gedruckt ſijn. Ma-
riangelus Accuſſius, Italus: Im-
preſſus eſt hic Donatus, &c. primum
omnium a. 1450. Admonitus certe
fuit Ioannes Fauſt, civis Mogunti-
nus, qui primus excogitavit artem

*typis aereis, ex Donato Hollandia prius
impresso in tabula incisa.*

TYPOGRAPHIA HARLEMEN-
fis, Palladium, præsidium & tutela Mu-
sarum atque omnis doctrinæ.

Auctore P. Scriverio.

C*Um pius ardentem Æneas linque-
ret arces,*

*Laomedontæas dissimulavit opes;
Sacra Laresque Phrygum potius, Ve-
stamque potentem*

*Abstulit iniecta, pignora cara,
manu;*

*Iliacis erepta rogis. queis maxima Ro-
ma*

*Surgeret, Imperii Romæ Deumque
locus.*

*Hic ubi servavit, flamma populante,
Metellus,*

*Vulcanumq; Sacris iussit abire suis:
Virginibus viso multum trepidanti-
bus igne,*

Sum-

*Summa viro Pallas cura, laborque
fuit:*

*Imperii fatale decus, quodque impu-
tet astris.*

*Quod tibi si pereat, Roma; repente
cades.*

*Hoc salvo, salvi cives, & cetera sal-
ua.*

*Tanti pervigiles est coluisse focos;
Semper & arcanum tanti occultasse
pudorem.*

*Visa dea: at magno visa Metelle
tibi.*

*Palladio nostram vere assimilabimus
artem;*

Et sane dia Pallados instar erat.

*Inlibata oculis, nullique aspecta vi-
rorum,*

*Cœperat hic tacita relligione coli,
Pallas; in abstruso pignus memorabile
tectō.*

*Estque, quod appelles, hic, penetrale
sacrum.*

Non tamen hoc Signum Troia deduxit ad urbem

Dardanus ; Iliacus nec tulit inde pater.

Delapsum cœlo (nam tantum numen in ipso est)

Credimus, & magna parte latere sui.

Hinc Musis vita longæva cuditur usus, (nos.

Phœboque æternus conciliatur hœditivo sternente viam, sic itar ad astra:

Vivitur hoc pacto. cætera mortis erunt.

Hos veri CUSTODIS erat servare Penates:

Adfuit Autolyçi sed scelerata manus.

Vidimus Harlemo transferri pignora Veste,

Atque Magontiacis Sacra reposita cadis.

Delu-

HOLLANDICVM. 93

*Delubrum vacuum, nudumque al-
tare reliquit* (bonis.

*Perfidus, ablati omnibus ante-
Palladis extinctos si quis mirabitur
ignes,*

*Ignoscat: lachrymis spargitur ara
meis.*

E I V S D E M,

De libris supposititiis,

S C A Z O N.

ARS HARLEMÆA (non enim
Moguntina)

*Quæ sic premendo gnava perficit
libros,*

(PREMÆNE dicam, an PERFICÆ
nota, incertum)

*Vt multa nostro commoda attulit
seculo,*

Et censeatur publico bene nata,

*Sic & putetur criminum propa-
gatrix.*

Pro-

*Produxit aurum diva, sed trahit
feces.*

*Vt alia omittam hic: est avara non-
nunquam,*

*Dolosa, vafra, nummi amore cor-
repta;*

*Vulgusque fallit credulum, suo
lucro.*

*Nunc per vetustam prospicit PE-
NESTELLAM,*

*MVSAS, SORANOS, fabulasque
PEROSI*

Viterbiensis nocte profatas Annl.

*Mentita MORES nunc CATONIS
imponit.*

*Nunc & videri NASO vult To-
mitanus,*

*VETVLASQUE pascit, PVLICE ex-
citans doctos,*

*Sed bile mota: circulisque tyro-
num*

*Poëta GALLVS MAXIMAS agit
nugas.*

Par-

Partum NEPOTIS *somniare* COR-
NELI

Devoniana merx recentior Musa,
Illa favente, cœpit. O fidem Phœbi!

Quin ipsa CONSOLATIO (Ita-
li foetus)

Non TULLIANVM falsa nomen
adscivit?

Aliusque schema LIVII Patavini?
Quid, erudite Lector, hic trahis
nasum

Vultumque ducis? quid struis pe-
dem? siste.

Manta parumper, delicate: per-
mitte

APICIANAS forsan instrui men-
sas,

Stomachique robur, & gula volu-
ptates.

Vulnusque lingue si putabis infli-
ctum

Tot barbarismis atque tot solœ-
cismis;

En

*En hic medelam LVCIVM MA-
DAVRENSEM,*

*HERBASQUE MACRI pollicetur,
ut sanet.*

*Et Imperator RVSTICÆ REI
gnarus.*

*Hæc sanet, inquis, nugivenda, de-
cepatrix,*

*Inepta? sane querquera ipsamet
febris.*

*An pure in ipso prasidi latet quic-
quam?*

Opemve credis ferre circulatorem?

*Quid ergo? probra litteraria, &
pestis,*

*Rusque inficetum vapulare man-
dabis?*

*Sapis profecto. Sit modus tamen
dictis.*

*Vitare fucum, est providi: sed in-
sulsi,*

*Et barbari, artem lancinare di-
vinam.*

Fers

HOLLANDICVM. 97

*Fers in senatu , ferque pro tribu-
nali,*

*Alibique mimos histrionia addi-
tos.*

*Erroneamne protinus manum da-
mnes*

*Nec litterata huic histrionia igno-
sces?*

Istud adjungo ; Harlempjeses ex
veteri libro M S. hoc suæ urbis
ἐγκώμιον adducunt :

H	()	Honorandus
A			Amandus
R	{	lo-	Recommendandus
L	{	cus	Laudandus
E			Exaltandus
M	()	Magnificandus.

L E I D A.

Hæc Prolemæo *Lugdunum Ba-
tavorum* dicitur , prima totius
Hollandiæ civitas, si ejus amœni-
tatem, agros fertiles, decus anti-

I qui-

quitatis, addo & litterarum gloriam spectes. Cornelius Aurelius, diligens inprimis Antiquitatum Batavicarum indagator, perpetuo fere nomine appellat *Leydas*, sicut *Athenæ*, *arum*, in plurali numero, propter honorificentiam tantæ urbis, ut in Notis ad Corn. Aurelium addit V. C. & nivei plane pectoris P. *Scrivenerius*. Gerardus Geldenhaurius Noviomagus, qui Carolo V. Imp. à sacris fuit, vocat *Legiam*, & à legionibus, quæ ibi castra habuerunt, verisimili conjectura denominatam opinatur.

In templo Gallico seu B. Mariæ, ea nimirum parte, quam insidere solebat auditurus sacras conciones, videas Tumulum & insignia Iosephi Iusti Scaligeri. Epitaphium ita habet:

DEO

HOLLANDICVM. 99

DEO
OPT. MAX.
SACRUM
ET

ÆTERNÆ. MEMORIAE. IOSEPHI. IUSTI.
SCALIGERI. IUL. CAES. A BURDEN. F.
PRINCIPUM. VERONENSIIUM. NEPOTIS.
VIRI. QUI. INVICTO. ANIMO. UNA. CUM
PARENTE. HEROE. MAXIMO. CONTRA.
FORTUNAM. ADSURGENS. AC. IUS. SUUM.
SIBI. PERSEQVENS. IMPERIUM. MAIORI-
BUS. EREPTUM. INGENIO. EXCELSO. LA-
BORE. INDEFESSO. ERUDITIONE. INUSITA-
TA. IN. LITERARIA. REP. QVASI. FATA-
LITER. RECUPERAVIT. SED. PRAESERTIM.
EIVSDEM. MODESTIAE. QVOD. SIBI.
FIERI. VETUIT. IIDEM. QUI. IN. URBEM.
HANC. VOCARUNT. CURATORES. ACADE-
MIAE. AC. VRB. COSS. HOC. IN. LOCO.
MONUMENTUM. P. E. L. C.

IPSE. SIBI. AETERNUM. IN. ANIMIS.
HOMINUM. RELIQVIT.

Ipse alias, qua erat modestia, non
aliud monumento incidi voluit,
nisi hoc breve oraculum, quod
etiamnum illic legitur:

I 2

IOSE.

100

I T E R

IOSEPHUS IUSTUS SCALIGER

IUL. CÆS. FIL.

HIC EXPECTO RESURRECTIONEM.

In extrema parte lapidis sepulchralis:

Terra hac ab Ecclesia, emta est,

Nemini cadaver huc inferre licet.

Est & aliud ibidem:

BONÆ MEMORIÆ

CAROLI CLUSII ATREBATIS

POS.

QUI OB NOMINIS CELEBRITATEM
PROBITATE, ERUDITIONE, TUM REI IN-
PRIMIS HERBARIÆ ILLUSTRATIONE
PARTAM, INTER AULÆ CÆS. FAMI-
LIARES ALLECTUS, ET POST VARIAS
PEREGRINATIONES A NOBB. DEMUM ET
AMPLISS. DD. CURR. ET COSS. IN HANC
URBEM CONDECORANDÆ ACADEMIÆ
EVOCATUS ET STIPENDIO PUB. PER
ANNOS XVI. HONORATUS XXCIV. Æ. S.
ANNUM INGRESSUS OBIIT CAELEBS
IV. APR. M. DC. IX.

Iacobus Clusius Rothomagensis
Medi-

HOLLANDICVM. IOE
Medicinæ Doctor istud Amico
defuncto scripsit:

*Non potuit plures heic quarere Clu-
sius herbas:*

*Ergo novas campis quarit in E-
lysiis.*

Item:

*Omnia Natura qui munera pectore
clusit*

*Clusius, herbifero clauditur hoc
tumulo.*

Sunt insuper plurima, quibus ope-
ræ pretium est oculos & memo-
riam accommodare.

I. *Bibliotheca.* Huic adornan-
dæ primus causam dedit Illustriss.
Princeps Guilielmus Auraicus,
qui Biblia Regia seu opus Com-
plutense Philippi II. Regis Hispa-
niarum jussu ac provisu editum
illi loco donavit. Cujus postea li-
beralitem imitati alii, interque
eos Ioan. Holmannus Theolo-

giæ Professor, qui omnem suam
librorum supellectilem morti pro-
ximus concessit. Est & in ea *lega-
tum Iosephi Iusti Scaligeri* viri sum-
mi, quod variis iisque ad ducen-
tos octo libris MSS. constat, qui
sunt Græci, Hebraici, Chaldaici,
Syriaci, Arabici, Æthiopici, Per-
fici, Armeniaci, Russici. Servan-
tur & illic *libri manu exarati ex
Biblioth. Bonaventuræ Vulcanii A.
1615.*

II. *Locus Academia, & audito-
ria* publicarum lectionum. In ve-
stibulo hæc inscriptio cernitur:

MEMORIÆ POSTERITATIS.

ÆDEM. ISTAM. IN. QVAM. ANNO. CIO.
IO. LXXXI. CVRATORES. ACADEMIAE. ET.
COSS. HVIVS. VRBIS. PVBLICAS. ACROA-
SES. TRANSFERRI. VOLVERVNT. QVAM-
QVE. VERAE. SAPIENTIAE. ET. LIBERALI-
BVS. DOCENTIVM. AC. DISCENTIVM. EXER-
CITIS. ATQVE. HONORIBVS. DEDICAVNT.
POSTQVAM. EXORTA. REPENTE. FLAMMAE.

VIO-

HOLLANDICVM. 103

VIOLENTIA. III. EID. NOVEMB. ANNO.
CL. LXXVI. TECTVM. EIVS. TRABEIS.
CATHEDRAS. SVBSELLIAQVE. FOEDE. AB-
SVMSISSET. EAM. EX. DECRETO. ILL. AC.
PRAEPOT. HOLLANDIAE. ET. VVESTFR.
ORDINVM. IN. HVNC. MODVM. MAGNIFI-
CE. RESTAVRATAM. PVBLICIS. DIVINA-
RVN. ATQVE. HVMANARVN. RERVN.
DISCIPLINIS. CONSECRARVNT.

ADRIANVS. A. MATENES. DOMINVS. IN.
MATENES. OPMEER. &c.

CORNELIVS. VAN. DER. MYLE. DOMINVS.
IN. MYLE. DVBBELDAM. &c.

ACAD. CVRATORES.

III. Academiae, *Hortus* adjacet
quasi quædam ejus pars, ob her-
barias lectiones, quæ æstivo tem-
pore à præfecto heic haberi con-
sueverunt. Est is valde amœnus,
& arboribus ac stirpibus tam in-
digenis quam exterioribus instru-
ctissimus.

Illius Inscriptio hæc est:

I 4

Vsui,

VSUI, ORNAMENTO
ACADEMIÆ
CURATT. ET COSS. IUSSU
STRUCTUM OPUS.
ANNO A NATO CHRISTO
CL. 106.

Hortum ingressus, ad subscripta respicite.

1. **S**Tatutâ à Præfecto horâ Hortum ingredi fas esto; examine finito, egreditor.
2. Ingressis, stirpes videre licet, odorari licet: tenellas, succrescentesve tractare lædereve non licet.
3. Ramos, flores, semina decerpere: scapos confringere: bulbos, radicesve evellere: Hortum injuriâ afficere, nefas esto.
4. Pulvillos, areolasve, ne conculcato, transilitove.
5. Nihil invito Præfecto attentato.

Cete-

Ceterum in area horti rariora
quædam conspiciuntur:

*Canna duæ Indica longissima &
latissima.*

*Lignum quod in lapidem concre-
vit.*

*Lignum quod appulsu graviori ta-
ctum aquam destillat.*

IV. *Anatomia.* In hac Argus fue-
rit, qui tantam copiam rerum si-
mul & semel intentissimo etiam
oculo pellustrare annitatur. Mihi
tempus & otium suppetebat, ple-
raque in chartam consignandi:
quæ si & heic subnotem, venia
mihi dabitur. Hæc autem præci-
pue occurrebant, quæ taliter di-
stinguo.

*Mumia & Funeralia ab
ævo prisco.*

Loculus sive capulus feralis Æ-
gyptiacus, operculo Isis effigie
insignitus, continens cor Magna-
tis

tis Ægypti in Mumiam conditum ante annos 1500.

Mumiæ veræ à multis retro sæculis adservatæ brachium elatum ex subterraneo sepulchro 4 miliaribus à Cairo.

Iconculæ duæ, una virilis, altera muliebris, ex eodem sepulchro allatæ, quas olim Ægyptii nobilium cadaveribus conditis linteis involutas gentilitia superstitione apponebant. Vid. Sueton. in Nerone.

Isidis effigie insignitus Cippus, sive operculum loculi Ægyptiaci, Mumiam vetustissimam continens.

Vrula Romana, quales solebant in sepulchro jungere lampadibus liquore fragranti refertas, eruta in suburbano agro urbis Neomagensis, ubi olim stativa habuere Hunni ex Italia reduces.

Vrna

Vrta feralis Romana capacissima.

Noctua, quæ apud Ægyptios mortis erat hieroglyphicum, id-
eoque cadaveribus & mumiis ap-
poni consueverat.

Brachia Ægyptiacæ Mumia
veræ.

Humana & ad humanos usus.

Cucullus niger monachi Mos-
covitici.

Septem calculi vesicæ, post mor-
tem reperti in corpore Ioh. Heur-
ni Professoris Medici in Acad.
Lugduno-Barava.

Crepidæ ex Indiæ Orientalis
regno Sian.

Cucurbita vitrea, quibus hodie
Medici utuntur Ægyptii & Sy-
riaci.

Brechma seu capitis fons sive
fontanella, quæ in infantibus est
membranacea, & visa interdum in
mulie-

mulieribus 26 ætatis anno nondum induruisse, ac ingruente capitis dolore subinde dilatata fuisse, teste Bauhino.

Animalia.

Caput Alces, ex vivario magni Moscov. Ducis, donarium D. D. Iobi Paludani civis Leydenfis, Russorum Imp. Archiatri. A. 1622.

Elephantis caput ex Angola advectum. A. 1620.

Skeleton Aquilæ.

Caput Tigridis ex Ind. Orientali.

Orbis marinus echinatus.

Canis vesica.

Scincus, piscis.

Sanguis Crocodili, qui immisus oculis, eos claros & à cicatricibus terfos reddit; ex Cayro Ægypti delatus. A. 1620.

Cancer ex regno Lacatra Indiæ Orient. à D. Iusto Heurnio ad fra-

fratrem Othonem transmissus A.
1626. Chinenſes his veſcuntur.

Yvana lacerti genus ex India
Occidentali.

Animal repertum in Americæ
tractu Mexicano, vivit ſub terra
ut talpa, carnem habet tenellam &
boni ſucci. Hiſpani vocant AR-
MADILLO, id eſt, armatum, indi-
genæ TATTOV & AIOTOCHILI,
hoc eſt, cuniculum cucurbitæ.

Balæna ex utero materno cæſa.

Roſtrum avis Rhinocerotis ex
Æthiopia advectum.

Haſta mucronata piſcis ferræ,
ſeu priſtis antiquis appellati, ro-
ſtro ob magnitudinem raro, ex
Oceano Indiæ Oriental. advecta.

Galei piſcis maxilla.

Exuviae piſcis ſoleæ exoticæ,
duriffimis ſquamis ſolidatæ.

Scarabæus cornutus ex India
Orientali, qui etiam Taurus &

K

Cer-

110 I T E R

Cervus volans appellatur.

Ala piscis volatilis, quem Boladoro Hispani nuncupant.

Rostrum picæ Bressilicæ majoris.

Ova Serpentis ex India Orientali.

Annulus ex dente equi marini, qui in anulari digito gestatus dicitur hæmorrhoides provocare, iisque fluentibus rubescere.

Mineralia.

Alumen cæruleum ex Ternada Moluccarum insula, cujus excellens facultas est in hæmorrhoidum cura.

Calsavve, seu, ut alii, Calsue Occidentalis.

Calsavve Orientalis.

Hic lapis ex dissitis Persiæ finibus frigidissimo monte Caucaso, & insulis Armeniæ apportatur, ac ob virtutes suas & præclaras ope-

HOLLANDICVM. III

operationes per universam Indiam, Sinam, Persiam, Cyprum, Alexandriam, Constantinopolin, &c. celebratissimus est, eumque Christiani orbis regna plurima, regiones, urbes admirantur, & maximi æstimant.

Heliotropius gemma.

Lapis ossifragus, Steynbrech, circa Spiram, Haidelbergam, Darmstadium, & in Electorali ditione Brandenburgica reperitur.

Aqua circa ligni ramum in lapidem concreta, ex Galliis delata à D. Harrevvijn.

Arma.

Acinaces ex regno Indorum Oriental. magni Magor.

Pugio Æthiopicus, cujus manubrium in Dæmonis effigiem (quem miseri ibi adorant) est conformatum.

Vide insuper, & ride ad

*Halecis salsati vires & iu-
ramenta.*

*Alec salsatum, crassum, blancum,
grave, latum,*

*Illud dorjatum, scissum, perventri-
ficatum,*

*Huic caput ablatum, sic pellibus
excoriatum,*

*Intus mundatum, crudum, vel in
igne crematum,*

*Illi cape datum, per panem rusti-
ficatum,*

*Et sic canatum, dum transis nocte
cubatum,*

*Hoc thyriacatum valet antidotum
preciatum,*

*Quod parat optatum putamen lar-
gifuatum,*

*Dans de mane ratum, guttur bi-
bendo paratum,*

*Haustu prostratum reparat madi-
datque palatum,*

Et

HOLLANDICVM. II3

Et caput & pectus desiccatur phleg-
matissimum,

Dans urinatum, cito mox deinde
cacatum,

Dirigit inflatum, cibum penetrat
veteratum.

Hoc medicinatum Laurens fert
versificatum.

Repertum in triclinio Arnoldi
Ducis Geldriæ.

Halec assatum convivis est bene
gratum,

De solo capite faciunt bene fercula
quinque.

V. In templo D. Petri. Plurima
insignia & vexilla Principum, Co-
mitum, Baronum, Nobilium, qui
eo loco humati. Sed & magnorum
virorum Epitaphia:

I. R A P H E
L E N G I O
R V M

plus non existat.

K 3

2. EPI-

2. EPITAPHIVM CHRONOSTICVM.

OCtobrIs ter sena Dies & qVI-
 na refVLget,
 SenaqVe LeyDensI bls sonat
 hora soLo,
 OrbIs VbI tltan franCiscVs
 IVnIVs atra
 TaCtVs peste, æthræ regna
 beata petIt.

3. DEO OPT. MAX. S.

Quid Fati invidiam queror,
 Aut multis moror Hospitem?
 Nomen nobile si loquar,
 Paucis omnia dixero:
 BOCKENBERGIVS HIC IACET.

P E T R O

BOCKENBERGIO
 HISTORIOGRAPHO
 HOLLANDIÆ ZELANDIÆQVE
 ETC. PIÆ CONIVGIS OFFICIO-
 SVS IN MARITVM DOLOR
 MONVM. POS.

NA.

HOLLANDICVM. II5

NATVS GOVDÆ A. clō lō XLVIII.
DENATVS LEYDÆ A. clō lōc XVII.
IANVARIII DIE XVI.
EGRESSVS ANNVM VITÆ LXVIII.
NE VITA SIT TRAGOEDIA.

4. HIC. SITVS. EST. VIR. CELEBERR.
D. D. IOANNES HEVRNIVS. IN
ACADEMIA. LEIDENSI. PRIMARIVS
MEDICIN. PROFESSOR. PER. ANNOS. XX
ET. IN. EADEM. VI. RECTOR. MAGNIF.
MAGNAE. PRUDENTIAE. SVMMAE. IN
DOCENDO. ET. SCRIBENDO. VENVS
TATIS. AC. CELEBRITATIS. VITA
LAUDAB. TRANSACTA. OBIIT XI.
AVG. AN. CLō lōc I. VIXIT ANNOS LVIII.

EPITAPHIVM

*Heurnius. Hippocratis. Genius. hac.
conditur. urna.*

*Cui. non. inveniet. terra. Batava.
parem.*

*Flete. ô. Paonides. &c. crines. solvi-
te. Musa.*

*Occidit. heu. vester. fama. que. sol-
que. chori.*

Verdoesius. Med. posuit.

K 4

5. D. O.

5.

D. O. M.

E T

MEMORIAE. D.D. GERARDI
BONTI. VIRI. CVM. OIVM
DISCIPL. TVM. PRAECIP.
VTRIVSQUE. MEDICINAE. LAVDIB.
ORNATISS. QVI. IN. FLORENTISS.
BATT. ACADEMIA. PRIMARIVS
MEDIC. PROFESSOR. MAGNA
FAMAE. CELEBRITATE. TOTIS
XXIV. AN. PVBL. DOCVIT
IDEMQVE. RECTOR. MAGNIF.
RECTORATV. SIMVL. CVM. VITA
DEFVNCTVS. EST. XV. VIIBRIS
AN. CLO. LO. IC. VIX. AN.
LXXII. M. VI. D. XI. CON. ET LIB.
M. P.

6. In membrana lignæ tabu-
læ adglutinata.

Iohan. Holmanni Theologi.

*Hoc tumulo Holmanni cineres Libi-
tina sacravit.*

*Siste Hospes, fuerit, dum, quis &
unde, scias.*

Prognato

*Prognato ingenuis Stadena parenti-
bus auras*

*Lucis, & expensa huic prima ele-
menta tulit.*

*Mox Rhodus, & Cimbræ puero
plausistis Athenæ,*

*Qua Codana frequens littora
plangit olor.*

*Hic percepto animi cultu morum in-
dole vitam,*

*Ingenium ingenuis Artibus exco-
luit.*

*Nec satis hoc: celebrem Misni quoque
Principis aulam*

*Et Wittenbergam noscere cura
fuit.*

*Sape hic Lotichii pendere canentis
ab ore,*

Sape tua meruit voce Philippe frui.

*Sacrorum inprimis Ritus perdisce-
re, cordi,*

*Et studium vera Religionis ha-
bens.*

Maio.

*Maiores natu venerari, aequalibus uti
Comiter, à fastu liber, & invidia.*

*Et mirum, tantis virtutum insigni-
bus auctum, (cis,*

*Saxonici studium promeruisse Du-
Et dignum ante alios habitum, sua
pignora cura*

*Huius & arbitrio crederet, & fidei,
Martia quo placidas molliret corda
per artes,*

*Æmula Phillyrida suada Magi-
sterio.*

*Si magnis placuisse haud parva est
gloria, noster*

*Cur non hac etiam laude Secun-
dus ovet?*

*Sed durum pugnare Deo, patriæque
vocanti:*

*Sic laribus tandē redditus ille suis.
Spargere Divini properavit semina
Verbi,*

*Vix dum etiam quinas natus olym-
piadas.*

Eru-

*Erudiundi alios Sophia est & princi-
pium, & fons,*

*Hac paritur non atate, sed inge-
nio.*

*Qua cura à teneris Holmanno in-
cesserat annis,*

Civibus ut posset utilis esse suis.

*Hæc eadem usque per undecimæ Trie-
teridis orbem,*

*Ad canos etiam concomitata se-
nem.*

*Duratura rogo porro tenuis, & bene,
si non*

*Huc quoque manasset nominis au-
ra tui.*

*Scilicet hinc Batavo Bremam mu-
tare Lycæo*

*Et Lugdunensem iussus adire
Sain.*

*Hospita ubi terra ista dares, ea scili-
cet una*

*Deerat adhuc spatiis ultima meta
tuis.*

Haud

*Haud aliena tamen: certe domo abus-
que petita*

*Hic iit in thalamos Caia secunda
tuos.*

*Quæ legeret supremo animam mo-
rientis ab ore,*

*Lumina quæ caris conderet arti-
culis.*

*Hic priva, ac Doufæ laribus confi-
nia tectæ:*

*Carior hocque etiam nomine Lei-
da tibi.*

*Parva loquor: tanti certe inquam
Lipſius, ille*

*Qui tibi pro multis millibus unus
erat.*

*Discipulorum auris tanti; consueta
frequenti*

Cingere suggestus obsidione tuos.

*Sollennique senem iuvenum deducere
pompa,*

*Abdita dum magni fers documen-
ta Dei.*

Indi-

*Indicio fuerit Librorum exstructa
supellex,*

*Versatos manibus quos iuvat esse
tuis.*

*Hanc Academiae voluisti cedere in
usum,*

*Prodesse orbi etiam post tua fata
studens.*

*Nec pietas obscura tua hac, sed in
acta relata*

*Publica, nunc quo stat Bibliothe-
ca locd.*

*Ingenium hic quoque multa tuum
monumenta loquuntur,*

*Signata archetypis illa volumini-
bus.*

*Liqueris hac animi quæ robore, quam-
que salutis (mihi.*

*Spe solida innixus, prater eunda
Vxorem & quotiens solatus dixeris;*

O quam

*Dissolvi, & tecum me Deus esse
iuvat.*

L

Vt

*Vt propria hac etiam fuerit laus : mi
satis illud*

*Dicere ; Non aliter sit mihi posse
mori.*

*Sic tua mors , sic vita odii expers o-
mnis: & unde*

*Iure sibi exemplum nostra Lycæa
petant.*

*Nunc veram tibi det Requiem Deus,
& bona multa*

*Eveniant Cineri care Sec unde
tuo.*

DEO MAX.

ET MEMORIÆ IOH. HOLMANNI

SECUNDI THEOLOGI ET PRO.

FESSIONIS VITA DOCTRINA-

QUE LAVDATI

BEKE AB EDENBVTTELS

VXOR HEV MOLESTA POSVIT.

VIXIT ANNOS LXIII. ABIIT

AN. ADSERTÆ SALVTIS

∞. D. LXXXVI. VII. CAL.

I A N.

7. THO.

7. THOMÆ ERPENIO

VIRO IN OMNI GENERE LITERARVM EXI-
MIO, ORIENTAL. LINGVARVM PERITISS.
EARVMDEMQVE IN ALMA BATAVORVM
ACADEMIA PROFESSORI LONGE PRAE-
STANTISSIMO, LIBRISQVE SVIS ET ARABI-
CIS TYPIS CLARO, VITAE INTEGRITATE,
PIETATE, PROBITATE, MODESTIA, MO-
RVMQVE SVAVITATE INSIGNI, ANN.
CLC LXXIV. III. EIDVS SEPTEMB.
GORCOMII IN BATAVIS BONO EGRE-
GII PVBLICI NATO, EIVSQVE INCOMPA-
RABILI DAMNO LVGDVNI BATAVORVM
IN FLORE (HEV!) DENATO, AN.
CLC LXXIV.

IACOBABVYESIA

AMPLISS. ET INTEGERRIMI HOLLAN-
DICAECVRIAE SENATORIS IOHANNIS
BVYESII MONACHODAMENSIS IC^{ti} FI-
LIA OPTIMO ET BENE MERENTI CONIV-
GI, CVM QVA OCTENNIVM SINE QVE-
RELA VIXIT, TRIVM EX EO LIBERV
PARENS CONTRA VOTVM MOESTIS-
SIMA POSVIT.

Vale, vale dulcissime. Sit tibi terra levis.

HOMO BVLLA. RVIT HORA.

L 2

Sub-

Subtus in alio faxo :

THOMAS ERPENIVS
HEIC
FIDELIVM
RESVRRECTIONEM
EXSPECTAT.

8.

D. O. M. S.

ET

AETERNAE MEMORIAE
ANDREÆ BACCHÆRI,
POPERINGANI FLANDRI,
QVI CVM ARTIS MEDICAE
PERITIA INTER PRIMOS
AETATIS SVAE CENSERETVR,
EAMQVE PRINCIPIB. XXXIII.
COMITIBVS XIII. RARO
EXEMPLO APPROBASSET,
LVGDVNVMQVE BATAVORVM
VITAE, AVLAE, HONORVM SATVR
SECESSISSET, ANNOS LXX
NATVS , DEO ET NATVRAE IBI-
DEM CONCESSIT PRID. KAL.
DECEMB. AN. clō lōc XVI.

Conjugi optimo
optimo patri
uxor liberique

M. H. P.

Sub-

Subtus in saxo:

D. ANDREAS BACCHAERVS MEDICINAE
DOCTOR, QVONDAM ILLVSTRISS. DVCVM
BRVNSVICENSIVM ET LVNAEBVRGEN-
SIVM PER XLIII. ANNOS ARCHIATER ET
CONSILIARIVS, BEATAM RESVRRECTIONEM
HIC EXPECTAT.

9. D. O. M.

REMBERTO DODONAE0 MACHLIN.
D. MAXIMILIANI II. ET RUDOLPHI II. IMP.
MEDICO ET CONSILIARIO
CVIVS IN RE ASTRONOM. HERB. MEDIC.
ERVDITIO SCRIPTIS INCLARVIT
QVI IAM SENEX IN ACAD. LVGDVNENSI
APVD BATAVOS PVBLICVS
MEDICINAE PROFESSOR FELICITER OBIIT
AN. CL0. ID. LXXV. AD VI. IDVS MART.
AETATIS SVAE LXVIII.
REMBERTVS DODONAEVS
FIL. M. P.

VI. *Pyrgus* seu Burgum in me-
dia fere urbe, acclivi undecunque
tumulo, loco editiori, ut quaqu-
te convertas, prospectus aptissi-
mos habere possis.

L 3 Intra

Intra hujus ambitum *Puteus* mira profunditate, raram tamen aquam continens. Hujus Castri autorem & conditorem ferunt Engistum, circa An. à N. C. 450, cum post devictam valida manu Britanniam domum rediisset, ob hæc facinora alter Sextus Tarquinius vocatus. Ab hoc Burgo dicebantur *Burggravii Leidenfes*, qui potentia olim valuerunt, & non tantum proprietarii urbis *Leidana*, sed & Rhenani territorii, seu *Rijnlandia* domini erant. Apud vetustissimam familiam *Vassenariorum* hæc dignitas multos annos quasi propria mansit. Vetustissimam autem appello, quoniam ejus mentione tritū illud apud Hollandos sermone proverbium incidit;

Vassenarios esse antiquissimos

Egmondanos ditissimos

Brederodios nobilissimos.

Hæ

Hæ enim tres familiæ in Batavis vere familiam ducunt.

VII. *Curia*. Cujus conscensa *turris* egregium horologium, & optime sonantia cymbala, quin & totius urbis elegantissimum *prospectum* præbet. Servantur adhuc in isto civitatis oraculo, & in ejus camera Consulum insignes valde picturæ, à Cornelio Engelberto & Luca Leidenfi Urbis quondam civibus efformatæ, uti sunt:

Munera trium Magorum ab antiqua manu.

Obsidio Leydensis ab advocatione quondam patriæ acupicta in tapetibus.

Icon extremi iudicii, Luca Leidenfis opus, pro qua asserunt Rudolphum II Imp. tot aureos Ungaricos, ut ea potiretur, obtulisse, quot scilicet aurei ad obtegendum illam tabulam sufficerent.

VIII. *Orphanotrophium*. In quo

L 4

ad

ad 700. pueri, innuptæque puellæ gratis aluntur. Munditie ac elegantia sua multas Principum domos provocat, sic ut simile huic in omnibus Belgii provinciis non sis inventurus.

IX. Visitur etiam *domus* inque ea Musæum I. Lipsi V.C. rum Professoris Leidani Ego sub ingressum ita dicere cœpi:

*Parva quidem domus est, tamen est,
sat magna; quod olim*

LIPSIUS *hac voluit magnus
habere domo.*

Passuum millibus Leyda distat *Rhenoburgum*, & paulo ulterius *Catvicum*, duo insignes pagi ac propter antiquitatis memoriam merito æstimandi. Quibus adnumerari debet *Sevenhusa*.

RHENOBURGVM, *Reinsburg*.

Heic erat olim amplissimum
ordi-

HOLLANDICVM. 129

ordinis Divi Benedicti *Cænobium*,
quod Petronella filia Ducis Saxo-
niæ, Florentini Comitis Hollan-
diæ, cui cognomentum Pinguis
seu Crassi adhæsit, uxor fundasse
dicitur. Hodie muri ejus ac col-
lapsa rudera perdurant. In *templo*
autem ejus pagi hæ antiquæ in-
scriptiones adhuc supersunt.

1. *Vilhelmus. primus. Co-*
mes. Hollandic. Obiit

A. 1223.

2. *Aleidis. filia. Comitis*
Geldric. uxor. eius.

Obiit. A. 1218.

3. *Ada. filia. Vilhel-*
mi. primi. Comitis.
Hollandic. ï. Reisburch.
Abbatissa. Obiit

A. 1258.

CATVICVM.

Ad litus maris proxime situm

Cat-

Catuvijck op Zee. Ego non vane à
Cattis seu Hëssis ita dictum opi-
nor. Quorum primus Bato Cat-
torum Principis filius, sive dome-
stica illa seditione, cujus Tacitus
histor. lib. 4. meminit, sive populi
sui secessione & benevolentia, sive
Novercæ insidiis, sive alia ratione
motus, extrema Gallicæ oræ va-
cua cultoribus, simulque insulam
à fronte Oceano, à tergo lateri-
busque Rheno circumfusam, quæ
Batavia hodie dicitur, occupavit.
Erat ibi quondam ostium Rheni
nobilissimum, sed circa An. Chr.
860. vi tempestatis obstructum.
De quo ex professo quasi agit *Cor-
nel. Aurelius Batavia lib. 1. cap. 5.*
Visitur adhuc eo in loco locus, ubi
antiquissima *arx sive Turris Bri-
tannica, het huys te Britten*, vel *Brit-
tenburg*, stetit. Hæc fuit Castellum
præsidiarium pop. Romani, quo
adpo-

adpositis excubiis & custodiis arma navalia ac tela adservarentur. Plerisque placet, hanc fuisse TURRIM, quam C. Caligula, ut *Suetonius* verba usurpem, in indicium victoriae excitavit, ex qua ut ex Pharo, noctibus ad regendos navium cursus ignes emicarent. De XII *Cesarib. lib. 1v. in vita C. Calig. Cas. c. 46.* Quibusdam & hæc Turris S. Brandarii dicta. Quam ob causam vero hæc Arx *Britannica* nomen indepta fuerit, inter Antiquitatum arbitros adeo non convenit. *Humphredus Lhuydus Anglicus in ad Abr. Ortelium Antverpian. Epistola* triplicem hujus nominis rationem vel suspensionem potius adfert. 1. Ita vocatam fuisse, quod Britanni piraticam frequenter ob commoditatem portus circa illud ostium Rheni exercuerint, obque id violentiæ huic avertendæ turrim

rim à Batavis exstructam. 2. Quod Antoninus Imp. cum jam mare per Saxones & Frisios infestaretur, instaurato hoc ædificio militem Britannum in eodem collocavit. 3. Quod ille locus circa Rheni præclusi terminum mercatorum Britannorum receptaculum & annonæ ab illis invecæ quasi horreum fuerit. Talia, referente Ammiano Marcellino, Iulianus Cæsar multa per Gallias & Germaniam annonæ Britannicæ tutandæ ergo exstruxit, quædam etiam incensa & diruta restauravit.

Ceterum ab incolis Catvicensibus *lapides, numi, & alia* antiqua non raro reperiuntur. Quidam exhibebat nobis *monetas veteres* ex ære & argento à Romanis cufas, item *clavem anulatam* forma minutissimi digiti. Quæ Romanis ad
dupli-

duplicem usum adhibita : partim
 ut ea Epistolas ac penum & supel-
 lectilem domesticam signarent,
 partim ut clausa aperirent. Alius
 apportabat nobis *lapides quadrila-*
teres maximam partem inscriptio-
 nibus insignitos, quæ tamen ita
 adrosæ ac erasæ, ut vix legi potue-
 rint. In uno ac altero animadver-
 tebam quasi *cor apertum bifidum*, &
 circum incisas litteras, VNIO EGN,
 fortassean REGNI. Sic enim tum
 interpretabar duabus litteris huic
 dictioni adjectis: quam lectionem
 & conjecturam calculo quoque
 suo adprobabat, qui mecum erat,
 vir inusitatæ eruditionis Cl. & No-
 bil. Dn. Ioach. Morsius, quem ami-
 citiæ ac fraternæ conjunctionis
 nostræ causa nomino. Ceterum Cl.
 & sagacissimus *Scrivenerius* suspica-
 batur, VNIO. E. G. INF. ut denotetur,
unio exercitus Germaniæ inferioris.

M

SE-

S E V E N H U S A.

Sevenhuysen in de Venen.

Pagus quarto lapide Leydis distans *Nemori amœnissimo* adjacet, quod non vane Paradisum Hollandiæ dixeris. Longitudo ejus ad dimidiam fere leucam, latitudo ad stadium seu octavam milliaris partem extenditur. Formę est quadrangularis, & tam apte quidem inter se cohærentis, ne ulla pars aut area ante aliam protuberet, sed omnes æquali plane symmetria ac quasi fronte sibi invicem respondeant. Quin & insulæ instar limpidissimis canalibus distinguuntur ac intersecantur, sic ut non nisi per naviculam, quaque parte velis, hæc tempe commodum adire ac permeare possis. Canalis quoque unus medium nemus interfuit,

fluit, ac tres alii in transversum:
qui omnes, sicut & saltus ipse, tam
regolari & incurva plane æquabi-
litate consistunt, ut locum hunc
ab antiquo de industria sic for-
matum atque excultum esse ap-
pareat.

Confluunt quotannis, ubi tem-
pus vernum appetit, tam multæ
omnis generis aves in hoc nemus
elegantissimum, ut plures vix in
rota Belgio reperiri credas. Qua-
tuor tamen ex iis præcipue fami-
liam ducunt, quæ sermone patrio
sic appellari solent,

Quacken,

Scholfers,

Lepelaers,

Reygers.

Hæ statim sub adventum suum
nidos magna copia construunt,
quos postea circa mens. Septem-
brem relinquunt. Antequam vero

M 2

abi-

abitum moveant, homines passim non solum ex omni Hollandia, sed & aliis provinciis accurrunt, ut tam suavi voluptate ac raris delitiis perfruantur. Tum enim in illorum gratiam longæ ultra modum perticæ, quarum extremitas magnis ferreamentis armatis conspicua est, adhiberi consueverunt, ut sic arboribus circa summum fastigium, ubi optime possunt, firmiter agitatis, aves tanquam poma aut pyra in terram decidant, quæ ab adstantibus non sine jucunda interdum concertatione colliguntur. Rex Britanniarum Iacobus VI, binas naves dicitur harum avium, si tamen *Scholfers* excipias, singulis annis ex hoc nemore in Angliam non sine sumptu ac labore magno advehi jussisse.

GRA-

GRAVENHAGA.

HAGA-COMITIS pagus, ut ego quidem arbitror, totius Europæ pulcherrimus, & qui potius amplæ ac egregiæ urbis faciem præ se fert: majori tamen sui laude quam si urbs esset: Tum enim inter minores recenseretur.

Curia isthic Illustr. ac Præpotentum Fœderatæ Belgicæ Ordinum, quam eo Wilhelmus Romanorum Rex & Hollandiæ Comes transtulit, cum antea Harlemi esset. Hic & *Palatium* condidit, quo Illustriss. Princeps Auraicus sedem tenet, aquis & fossis undique cinctum ac communitum.

Sunt præterea

-- *Pulchri adspectus nemorum,*
quos possidet Haga,

Astrea Venerisque Dea gratissima
sedes,

M 3

Haga

Haga voluptatum genitrix, genitrixque laborum:

Sicut Δαμώριον istud hominis V. Nobiliss. D. Heinsius in ad affinem suum I. Rutgersium propemptico non minus vere quam elegantissime canit.

Quæ Tempe Constantinus Hugenius, Eques Belga litteratissimus, rythmis suæ linguæ pari venustate commendavit, in libris suis *Otiarum*. Et ab hoc quidem Nemore Clarissimus & Doctissimus H. Iunius, alique indigenæ, non procul dissitum fuisse putant *Sacrum* illud *Nemus* vulgo *Schakenbosch* vel *Sacrenbosch*, cujus mentio facta in historiis C. Taciti. Erat autem illud, in quod Claudius Civilis fortissimus Batavorum Princeps, regia stirpe clarus, *primores gentis* (penes quos etiam hodie Reipubl. summa) vocavit, & ad eos perelegantem

HOLLANDICVM. 139

gantem orationem habuit, magno
cum assensu auditus. Vide *Tacit.*
histor. lib. 4.

In Templo Hagiensi primario se-
pultus est I. Doufa Fil. hoc Epi-
taphio:

I. DOVSA IANI F. HIC CV-
BAT. QVI VIXIT ANN. XXV.
MENSES XI. DIES IV.

Haga fieri commode potest, solet
etiam, ambulatiuncula in pagos
viciniores *Risvicum*, *Scheverin-*
gam, *Lausdunum*, *Vorburgum*.

RISVICVM.

Ibi est *Equile Principis Auraici*,
in quo ordinarie Equi plus minus
80 stabulari solent. Monstrantur
etiam *Casuarie due*, aves rarissimæ
Indicæ. *Cervæ* aliquot *Indicæ*, al-
bis maculis eleganter admodum
variegatæ.

M 4

SCHE-

SCHEVERINGA.

Heic ostenduntur *Currus velivoli*, queis Mauritius Nassavius Illustriss. Belgæ Gubernator inclitæ memoriæ interdum usus, cum juxta litus marinum exspatiari libuit. In tali curru sedentes 28 viri duarum horarum spatio quatuordecim leucas Hollandicas, videlicet Scheveringa Pettemum usque confecerunt, tanta velocitate, ut ab obviis & prætereuntibus agnosci non potuerint; sicut testimonio esse queant Legati Imperatoris, aliique Magnates, Galli, Angli, Dani, & alii eo vecti, immo & ipse Admiralius Arragoniæ D. Franciscus de Mendosa, Ordinum tum captivus. Quin & nullus equus, licet celeritate ingenti præstans, illum longo spatio cursu æquare potuit. Hujus currus inventor

ventor *Simon Steevinus*, Mathematicus insignis, rerumque naturalium cognitione mirabilis. De cujus & mirabili invento sic inter alia ὁ ἱερομύτης & ille, & quavis laude major, *H. Grotius* in libr. Epigramm.

Icarios hospes noli trepidare volatus:

Præscripto poteris Dadalus esse modo.

L A V S D V N V M five
L O S D V N V M.

In Templo hujus pagi *Tumulus Comitissa*, quæ uno partu trecentos sexaginta quinque infantes edidit. Pelves ex ære illic pendent cum hac ἐπιγραφή:

In dese tvee Beckens sijn alle dese kinderen ghedoopt.

Quin & historia ibidem duplici sermone Latino & Belgico tabulæ

bulæ inserta legitur. Latina sic incipit, uti quidem juxta tenorem formæ authenticæ heic bona fide memoro:

En tibi monstrosum nimis & memorabile factum,

Quale nec à mundi conditione datum.

Margarita Hermannii Comitis Hennenbergia uxor, quarti Florentii Comitis Hollandia & Zelandia filia, Guilielmi Regis Romanorum ac postea Cæsaris seu gubernatoris Imperii atque Alitheia Comitis Hannonia soror. Cuius Patruus Episcopus Traiectensis, avunculi autem filius Dux Brabantia & Comes Thuringia &c. Hæc autem Illustrissima Comitissa annos quadraginta circiter nata, ipso die Parasceves nonam circiter horam, anno millesimo ducentesimo septuagesimo sexto, trecentos & sexaginta quinque enixa est pueros, qui prius
à Gui-

à Guidone suffraganeo Traiectensi omnes in duabus ex arepelvibus baptisati sunt, quorum Masculi quotquot erant Ioannes, Puellæ autem omnes Elisabetha vocata sunt, qui simul omnes cum Matre uno eodemque die fatis concesserunt, atque in hoc Lausdunensi templo sepulti iacent. Quod quidem accidit ob pauperculam quandam foeminam, quæ ex uno partu gemellos in ulnis gestabat pueros, quam rem ipsa Comitissa admirata, dicebat, id per unum virum fieri non posse, ipsamque contumeliose reiecit, unde hæc paupercula animo perturbata ac percussa mox tantum prolium numerum ac multitudinem ex uno partu ipsi imprecabatur, quot vel totius anni dies numerentur. Quod quidem præter natura cursum obstupenda quadam ratione ita factum est, sicut in hac tabula in perpetuam huius rei memoriam ex vetustis tam
 manu

*manuscriptis quam typis excusis
Chronicis breviter positum & enar-
ratum est. Deus ille ter maximus hac
de re suspiciendus, honorandus, ac
laudibus extollendus in sempiterna
secula, Amen.*

*Hac lege, mox animo stupefactus
Lector abibis.*

V O R B V R G V M.

In hujus agro ostenditur *Collis*,
quo *Castrum Ritzardi* Frisiæ Regis
fuerit: quem velut alterum *Mi-
dam* ab asininis auribus *Eselorum*,
seu *Elinum* ac *Aurendulium* vo-
cant, montem vero illum *Koninck
Eseloors Berg*. Castrum olim erat
longe munitissimum, & quod
amplitudine sua x jugera com-
plexum fuisse referunt: postea
vero à Danis & Normannis, ter-
ras has devastantibus, funditus
eversum. Multa Antiquitatis mo-
numen-

numenta superiori tempore ex
 ruinis & subterraneis substructionibus
 ejus arcis effossa fuerunt:
 quorum mentionem præter ceteros
 facit V. C. *Petrus Scriuerius*, in
Antiquitat. Batavicar. Tabulario.
 Ante paucos annos, Amicus no-
 ster dum viveret, *Thomas Segethus*
 in illo agro lapidem vetustissimum
 erui spectavit, IV plus minus pe-
 des altum, duos circiter latum,
 unius crassitudine. Ejus Inscri-
 ptionem, quia paucis fortasse visa
 aut cognita, ex manu Segethi huc
 apponam:

I. O. M. SARAPI
 ISIDI. FRVGIFERO
 CAELESTI. FORTVN
 BONO. EVENTO
 FELICITATI. LARI
 VIALI. E. GENIO
 LOCI. L. LVCRETIVS
 PAL. FAVSTINIAN
 J. LEG. I M P E PRO. SE
 SVISC. L. E. R. V. L. CONSAC.

N

Ita

Ita lego:

Iovi Optimo Maximo Sarapi

Isidi, frugifero

Cœlesti, Fortuna

Bono Evento

Felicitati, Lari

Viali, & Genio

Loci L. Lucretius

Palatina (sc. tribu) Faustinianus

*Centurio legionis primæ monumen-
tum posuit & pro se suisque in cam-
rem votum libens consecravit.*

Sive, ut Cl. Scriverius singula-
res illas notas in fine Inscriptionis
interpretabatur atq; emendabat,

Centurio Legionis primæ Minervia,

Pia, Fidelis, pro se suisque heredibus

V. L. consecravit.

Heic, ut vides, leviter quidem sed
non minus eleganter quam vere
corrigitur depravata, sculptoris
aut exscriptoris culpa, lapidis
antiqui Epigraphe. Nam pro

C. LEG.

D. LEG. I M P E reponit vir do-
 ctissimus D. LEG. I. M. P. F. & ap-
 posite tres distinctas literulas con-
 nectit, legitque unica voce, HER.
 id est, HERedibus. Quemadmodum
 uberius docebit in iterata editio-
 ne Tabularii sui *Antiquitatum Ba-
 tavicarum*. Vbi & inter alia mo-
 numenta in agro Vorburgano nu-
 per eruta, profert hanc & duas alias
 Inscriptiones non sane conte-
 mnendas. Eundem etiam consu-
 lere poteris *Animadversionibus ad
 Bataviam Iunii*, propediem excu-
 dendam.

FRUGIFERO COELESTI) Prius
 ad Sarapin, posterius ad Isin refe-
 rendum cenfeo.

EVENTO) Hanc vocem omnes,
 quibus cum mihi hac de inscri-
 ptione sermo fuit, parum Latinam
 censent. Ego vero eam super o-
 mnes maxime probō : atque ita

N 2

effi.

effictam puto ut AVERRVNCVS,
CONSVS, FIDIVS. EVENTVS igitur
BONVS boni eventus dator.

LARI VIALI) Si non omnino
memoria fallor, puto apud Plau-
tum exstare alicubi LARES VIA-
LES: & monente Scriverio, in alia
Inscriptione, FORTVNÆ. REDVCI.
LARI. VIALI. ROMÆ. ÆTERNÆ.
Pag. Inscriptionum Gruteri LXX-
VIII, n. 1. Locus autem Comici est
Mercatore Act. 5. Sc. 2.

PAL.) Palatina, nimirum tri-
bu. Crebræ ad hanc formam
inscriptiones sunt, quibus ad ho-
minis nomen tribus quoque ad-
jicitur.

FAVSTINIAN.) Ex hoc vocabu-
lo conjectare libet, sub Marci An-
tonini Philosophi tempora mo-
numentum hoc positum. Placere
voluit aut Imperatori, aut ejus
uxori Faustinae vel auctor inscri-
ptionis

ptionis vel ejus pater, adscito aut
indito à Faustina nomine.

D E L P H I.

Delphis urbe ampla ac perele-
ganti dignum est ex iis ad quæ
vifas

I. In templo *Mausoleum Guliel-
mi Nassovi* Principis Auraici, stru-
ctura superbum ac splendidum:

D. O. M.

ET AETERNAE MEMORIAE

GVLIELMI NASSOVI, SVPREMI
ARAVSIONENSIVM-PRINCIP.
PATRIS PATRIAE, QVI BELGII
FORTVNIS SVAS POSTHABVIT
ET SVORVM: VALIDISSIMOS EX-
ERCITVS AERE PLVRIMVM PRI-
VATO BIS CONSCRIPSIT, BIS IN-
DVXIT ORDINVM AVSPICIIS: HIS-
PANIAE TYRANNIDEM PROVLIT:
VERAE RELIGIONIS CVLTVM, AVITAS
PATRIAE LEGES REVOCAVIT, RESTI-
TVIT: IPSAM DENIQVE LIBERTATEM
TANTVM NON ASSERTAM MAV-
RITIQ PRINCIPi PATERNAE VIR-

N 3

TVTIS

TUTIS HEREDI FILIO STABILIENT-
 DAM RELIQUIT; HEROIS VERE PII,
 PRUDENTIS, INVICTI: QUEM PHI-
 LIPPVS II. HISPAN. REX ILLE EV-
 ROPAE TIMOR TIMUIT NON DOMV-
 IT, NON TERRUIT, SED EMPTO PER-
 CVSSORE FRAUDE NEFANDA SV-
 STVLIT. FOEDERAT. BELG. PRO-
 VINC. PERENNI MERITOR. MO-
 NVM. P. C. C.

Sub hoc etiam saxo requiescit
 Illustriss. Principis Gulielmi vi-
 dua, & gloriosæ memoriæ filius
 Mauritius.

II. In alio templo Monumentum
 insigne Elisabethæ Marnixiæ V. N.
 Philippi Marnixii Sant-Aldegonda
 F. Matronæ generosiss. uxori opt.
 castiss. matri pientiss. dulciss. Ca-
 rolus Morgan Eques P. C.

*Illustri serie longaue ab origine
 gentis*

*Morgani hic coniux Elisabetha
 tegor.*

Mar-

HOLLANDICVM. 151

*Marnix I soboles, quod non nescitur
in orbe*

*Nomen, & invito tempore sem-
per erit.*

*Virtutum satis est uni placuisse ma-
rito,*

*Quod pro me loquitur tam pre-
ciosus amor.*

III. In domo Anglicana. Locus
ubi Princeps Gulielmus tribus
globis à nefario sicario impetitus
fuit, quorum vestigia etiamnum
ibi conspiciuntur. Factum id An.
1584. x lul.

Faciem quæ Principi vulnerato
fuit, ad vivum expressam vidimus
apud Nobiliss. Franciscum Dou-
sam Neorodianum in Tusculano
suo Nordovici, cumque illa hos
versus:

HIC. ERAT. HEV. VVLTVS. MIHI.
CVM. MANVS. IMPIA. IBERI.
PRO. SCELVS. INNOCVO. NOSTRO.
EST. FOEDATA. CRVORE.

N 4

R o-

ROTTERODAMVM

Quasi dicas ROTERÆ AGGER.
 Roteræ enim fluvius urbem alluit,
agger vero Batavis, uti & Germa-
 niæ superiori, *dam* vocatur. Qui-
 dam à Rege Francorum Ruterio
 denominatam, quem & ibi sepul-
 tum tradunt. In porta, qua Dur-
 drechtum exitur, hæc Epigra-
 phe:

*Est Leo CVncti potens pVLChræ
 qui Mœnla portæ
 SerVabit qVa Rotta fLVIt, qVa
 terra Virescit.*

Vrbs est amplissima ac satis nitida,
 portus multarum navium è mari-
 timis regionibus, magni illius *De-*
sideri Erasmi patria, quo neque fa-
 cundicrem neque doctiorem orbis ha-
 bet, sive quis Theologia mysteria, sive
 politioris dictionis lauticias requirat,
 uti de eo iudicium verissimum
 mihi

HOLLANDICVM. 153
mihi videtur V. Ampliff. P. *Scrive-
rii* in Not. ad Icon. & histor. Co-
mit. Holl. Ejus *statua* hodie ex
ære in foro visitur, & subtus hæc
inscriptio:

ERASMVS. NATVS
ROTERODAMI
OCTOB. XXVIII.
ANNO M. IV^C. LXVII.
OBIIT BASILEAE
XII. IVLII. ANNO
M. D. XXXVI.

Domus etiam, quæ ipsi lucem &
cunas præbuit. Sub cujus ingres-
sum exterius in tabula pensili hæc
leguntur:

ÆDIBVS HIS ORTVS MVNDVM DECO-
RAVIT ERASMVS
ARTIBVS INGENVIS, RELIGIONE,
FIDE.

*In dit huys is ghebooren
Erasmus vermaert
Die Godts vvoort uytverkooren
Ons vvel heeft verklaert.*

En.

En. esta. casa. es. nascido. Erasmo. Theologo. celebrado. por. doctrina. senalado. pura. fee. nos. a. revelado.

Non possum quin verba Chrysostomi Neapolitani in de Hollandis Epistola ad Comitem Nugarolum heic interferam : *Vah quanto repente perfusus sum gaudio, quam bene mecum actum censui, cui fortunatum illud solum intueri contigerit, quod fortunatum ac salutare illud Germania sidus aliquando protulisset !*

D V R D R E C H T V M.

Ita enim scribendum, non ut vulgus, *Dordracum*. Est enim idem, quod *Duri*, sive *Dureti forum*: quippe *Drechtum* priscis Batavis *forum* significat. Sic aliæ urbes, ut in Italia *Forum Cassii*, *Forum Claudii*, *Forum Iulii*, *Forum Tiberii*,
Forum

Forum Fulvii, Forum Livii, & alia.

Existimat vero V.C. *Petrus Scri-
verius*, hujus urbis mentionem fie-
ri apud Reginonem, vetustum &
probæ fidei Historicum, sub anno
DCCCXCVIII. Cujus verba adscri-
bam, ut vel hinc nobilissimæ Vr-
bis antiquitatem videas. Eodem
anno (898, inquit) *Zundibolch* Re-
ginarium ducem sibi fidissimum &
unicum consiliarium, ne scio cuius in-
stinctu, à se repulit, & honoribus, hæ-
reditatibusque, quas in suo regno ha-
bebat, interdictis, eum extra regnum
infra quatuordecim dies secedere ius-
sit. Ille adiuncto sibi *Odocro* comite
& quibusdam aliis cum mulieribus,
parvulis, & omni supellectile, in
quendam tutissimum locum, qui
DVRTOS (ita legit *Scriverius*, pro
DVRFOS) dicitur, intravit, ibique se
communivit. Quod cum Rex cogno-
visset,

visset, coadunato exercitu Castrum expugnare conatus est; sed minime prevaluit propter paludes, & multiplices refusiones, quas in prædicto loco Mosa fluvius facit. Et quæ sequuntur.

Est autem Durdrechtum urbs in ipsis lacuum, quos Mosa Vahalesque efficiunt, undis sita, opibus & fama inter alias longe Princeps, & Batavicarum Metropolis, Synodo Nationali ante paucos annos ob dogma Arminianorum seu Remonstrantium habita celebris. Gaudet hæc inter omnes Hollandiæ Civitates jure cudendi monetam.

Officina Numaria splendide structa est, & illi hoc adscriptum:

MONE-

MONETA

DIVO. CAROLO. V. CAESA.
DIT. IS. DE. MVNTE.
DES. ROM. KEYSERS. &c.
ENDE. GRAEFFELICK-
HEYTS. VAN. HOLLANDT.

Pone exstant hæc elogia Pe-
cuniæ:

PECVNIA EFFECTRIX MVLTARVM
VOLVPTATVM.

PECVNIA VINCERE SPECIOSVM
NON EST.

PECVNIA MATER BELLI.

Prætor & Consules illius urbis
insignia comitatus adepti, & sti-
patoribus hastatis per vias utun-
tur: quod nulli alias Magistratui
præter supremum Gubernatorem
in Provinciis concessum.

Atque heic in termino Hollan-
diæ Pluto & Dius Sancus Termi-
nalia me figere jubent. Vltcrius
enim ad vicina pedem non extuli,
O factu-

158 ITER HOLLAND.

facturus id BONO cum DEO in-
posterum. Interea preces has ad
divinum Numen calore quodam
devotionis effundo:

*En Deus heic adsum, iam Te pra-
sunte paratus*

*Quo Tua me bonitas duxerit,
ire vias.*

*Tu mihi sis anima custos, & cor-
poris huius,*

*Sive salum iubeas carpere, sive
solum.*

F I N I S

Omnibus unus.

I O S E-

IOSEPHI SCALIGERI

Epigramma

DE MIRANDIS BATAVIÆ.

Ad Ianum Douſam V. Nob.

Ex viri illustris Poëmatum editione
Scriveriana, pag. 43.

Ignorata tua referã miracula terra,
Douſa, peregrinis non habitura
fidem.

Omnia lanitium hic laſſat textrina
Minerva,

Lanigerum tamen hinc ſcimus ab-
eſſe greges.

Non capiunt operas fabriles oppida
veſtra,

Nulla fabris tamen hac ligna mi-
niſtrat humus.

Horrea triticea rumpunt hic frugis
acervi,

Pſeuus hic tamen eſt, non Cerea-
lis ager.

O 2

Hic

*Hic numerosa meri stipantur dolia
cellis,*

*Qua vineta colat nulla putator
habet.*

*Hic nulla, aut certe seges est rarissi-
ma lini,*

Linificii tamen est copia maior ubi?

*Hic mediis habitatur aquis. quis cre-
dere possit?*

*Et tamen hic nulla, Doufa, bibun-
tur aqua.*

*Idem Græce ibidem legitur, ipso
fine Silvæ carminum.*

CASPA

CASPARIS BARLAEI
ENCOMIA VRBIVM

Præcipuarum Hollandiæ,

Ex ipsius Poëmatis desumpta.

DORDRECHTVM.

A Me Batavicus suffragia prima
Senatus,

Consiliisq; petit provida verba suis.
Quondam mersa mari mediis emer-
gere nitor (gros.

Fluctibus, & siccos Vesta reducit a-
Neptunus cedit Cereri, fluitantia
Fauno

Numina, & æquoreus fit minor us-
que Deus.

Merva meis miscetur aquis: hoc
Linga profundo (bibit.

Labitur, & Vahalis flumina Mosa
Huc Tongri merces, & ferri munera
mittunt, (cadis.

Et Nemetes plenis mustea vina
O 3 Pomi-

Pomifer Autumnus mediam trans-
migrat in urbem,

Vastaque Eburonum marmora cæ-
sa iugis.

Quisque suas largitur opes, & dona
ministrans

Distrahit imperio munera tanta
meo.

Virgo vocor, quondam furiis illasa
Brabantum,

Solaq; libertas mœnibus hisce stetit.

Tunc Batavas inter vigui non victa
sorores,

Vnaque dum mansi libera, prima
loquor.

H A R L E M V M.

*V*icta Pharos, fractique obices, &
vincula Nili,

Et Pelusiaco littore fixa ratis,

Serratiq; mihi recitāt encomia dentes,

Et procul externo sidere surgit ho-
nos.

Invi-

*Invidet excusas populosa Moguntia
Musas,*

*Quodque meum est, laudis iactitat
esse sua.*

*In me alium solers Batauvus miratur
Apellem,*

*Pictaque Parrhasia subdola vela
manu.*

In vētis arguta meis accedit Arachne,

Dadaleoq; suum pollice texit opus.

Arma Toletani sensi crudelia Martis,

Incubuitq; meis civibus atra fames.

*Nec satis est pugnasse viros. his ma-
scula portis*

*Pro patria mulier stat cataphracta
sua.*

*At frustra me Delpha iuvas. sum
præda Philippo,*

*Barbaricus victa miles in urbe fu-
rit.*

*Hæc didici, voluique pati. Nunc ad-
spicis hospes*

Tempora fortuna prosperiora mea.

*Hic mihi vicina Nereus admurmu-
rat unda,*

*Et propius colles tollit arena suos.
Illic umbrosis se condit Delia lucis,
Explicat & latas arbor opaca co-
mas.*

*Divisam me Spara secat, qui laxior
undis (quis.*

*Fit lacus, & vastis luxuriatur a-
Arridet Natura foris. sed doctior in me
Æmula Natura crebra reperta
manus.*

D E L P H I in Batavis.

Non ego fatidicis oracula suggero
Delphis:

*Aut mea falsiloquus mœnia Phœ-
bus habet. (& me*

*Ætherei responsa patris do civibus,
Religio, Graium nō beat iste furor.
Infelix rapidis flagravi tota favillis,
Cum rogus, & simplex nil nisi flam-
ma forem.*

Con-

*Condiderat tantos secura oblivio ca-
sus,*

*Cum Patriæ media concidit urbe
Pater.*

*Quid rides Hispanæ? tui quoque no-
minis umbram*

*Cernimus, atque ista cade Philip-
pe cadis.*

*Venales animas in mortem insontis a-
cerbas,*

Venditur at precio regia fama suo.

*Nunc tu Belga duos uno sub marmo-
re Martes*

*Adspice, Nassovæ nomina magna
domus,*

*Mauritium, Patremque, Duces: hæc
numina sensit,*

Et tutelares terra Batava Deos.

*Sed magis Henricum fuerit genuisse.
quid horres*

*Cantaber? en patrii funeris ultor
adeſt.*

LVGDV-

L V G D V N V M.

Crevit ab Ausoniis olim mihi fama triumphis,

Et victrix de me premia Roma tulit.

Reddidit ereptas fugiens Hispanus honores,

Dum pro me totus militat Oceanus.
In me terra famem, querulos discordia cives,

Et falces acuit mors furibunda suas.
Vix nocuit securus Iber. quas struxerat arces,

Deserit, & pavidos excipit unda pedes.

Dum patria pars magna perit, conservor ab illa;

Totaque ne pereat, sic periisse cupit.
Nunc mihi Apollineos meruit sors ista recessus,

Martiaque imbellis mœnia Phœbus habet.

Præ

*Præ lituis pax alma placet; præ milite
Pallas,*

*Linguaque Romanos apta referre
modos.*

*Sit bellū sensisse satis. Iam prælia dicto,
Et mea facūdis vocibus arma lego.
At mihi plus debet Pietas: dum pelli-
tur exul*

*Flandria, & hoc gaudet vivere
tuta sinu.*

*Hospitium cum dem profugis, atque
otia Musis,*

*Vis dici doctam me magis, anne
piam?*

AMSTELODAMVM.

*V*Rbs spaciosa, potens opibus, tectis-
que superba,

*Viribus invidiam, crimina lege
domat.*

*Civibus aucta novis nunquam stat
finibus iisdem, (abit.*

*Latius expansis mœnibus hospes
In-*

*Invertas, fit tota nemus. quo condita
fundo est,*

*Nuper Hyperboreo pinus in orbe
fuit.*

*Quicquid mortalis fingit solertia cura,
Vel natura suo parturit alma sinu,
Illa dabit, totoque parans commercia
mundo*

*Nunc emere, & totam vendere se-
met amat.*

*Has adfert, has trudit opes. sic lucra
parantur.*

*Quid valeat fraus, sors, ars, ma-
re, terra, docet.*

*Moschus, Arabs, Persa, Maurus, In-
dæus, uterque*

*Quod ferat huc, rursusque aufe-
rat, Indus habet.*

*Hanc dum mundus adit, mundum-
que hæc ipsa pererrat,*

*Non urbs fixa loco, sed vagus orbis
erit.*

Gov.

G O U D A.

I Sala si cedat Vahali, Rhenusque bi-
cornis

Hæc quoque nata suis flumina ia-
cet aquis:

Attamen hunc tectis exornat Gouda
superbis, (ris.

Lata situ, studiis æmula, clara vi-
Hinc natura ferax, illinc concordia
cives

Nec finit aut inopes, aut nocuisse
malos.

Templa parat spatiosa Deo: nec qui-
libet illi (habet.

Horrendi culpam criminis error
Bella premant alias, hæc est securior,
urbes,

Nec placidos turbant tympana rau-
ca lares.

Exulat Odrysius, litui, Bellona,
triumphi. (nent.

Religio, probitas, pax sociata ma-
P ROT-

ROTTERODAMVM.

INclyta veliferus pulsat mea mœnia
Mosa,

Parte alia placidis Rottera lambit
aquis.

Occiduum late commercia porto per
orbem, (nus opes.

Gallia quas poscit, quasq; Britan-
Hic meus Ausonii vindex sermonis

Erasmus

Vagiit, & cunis abdidit ora suis.

Maoniden iactet Colophon, Verona
Catullum,

Sufficit ad laudes hanc genuisse
meas.

Nunc tantum fragili veneror sub
marmore numen,

Dum silet in medio lingua diserta
foro.

Quem genui, Basilea tegit, Sapientia
fatis

Eximit, & cineri vult superesse suo.

Me

*Me timet Hispanus, timuit grex bar-
 barus ipsum, (mo.
 Ille meis victus classibus, hic cala-*

G O R I C H E M V M.

A *dspicit invictis hanc cinctam
 mœnibus urbem,*

*Quem Vahalis, vel quem flumine
 Linga vehis.*

*Adspicit Hesperiiis quæ propugnacula
 bellis:*

*Quam fremat excussis machina
 crebra pilis.*

*Adspicit adverso quantum se opponat
 Ibero,*

*Invigiletque suis Martia dextra
 focus.*

*Sic didicit bellare sibi, nec milite solum
 Tuta, sed ipsa suis civibus esse cupit.*

*Erkeliis quondam submitit sceptræ
 Dynastis.*

*Hæc quoque iam damnans nomi-
 na, tota sua est.*

*Cur toties Batavum depingis Belga
leonem?*

*Qui patriam custos asserit, iste leo
est.*

B R I E L A.

A *Dispice vicinam nostro de littore
Thetyn,*

*Hic ubi Mosa suis laxior exit aquis:
Briela vocor, fessis statio secunda ca-
rinis,*

*Nunc quoque Vorniaci gloria pri-
ma soli.*

*Naiades hinc, illinc agrestia numina
Fauni,*

*Et fecunda meos spectat Eleusis
agros,*

*Albano surrepta Duci crudelia sprevi
Imperia, & fasces Batava terra
tuos.*

*Aprilis latus fastis inscribe Calendas
Belga, nec hoc optes non superasse
die.*

Sci-

*Scilicet illa dies , qua me vicere Ba-
tavi,
Vlterius vinci noluit Auriacum.*

A L C M A R I A .

*T**Ota paludosis Alcmaria surgit in
undis,
Pulchraque , Verona depereunte,
nitet.
Ne Latium præfer Baias , aut Thes-
sala Tempe (tuos.
Gracia , vel campos Brixia terra
Proxima Nereidum spumantes adspi-
cit undas,
Proximaque umbrosas spectat Ha-
madryadas.
Serica Sidoniis decurrant stamina
portis, (nus.
Hic lassant Batavas linea fila ma-
Quæque tegant nudos velamina suf-
ficit artus,
Et memores primi nos cupit esse
mali.*

*Hesperios spreuit bellis infracta fu-
rores, (aquis.*

*Baticaque affusis castra fugavit
Pugnare viri. sed & hic (spectastis
Iberi)*

*Femina pugnanti porrigit arma
viro.*

H O R N A.

Fortia, cantatus quondam, mea
mœnia Flevis

*Alluit, & portus verberat unda
meos.*

*Æmula me vultu spectas Enchusa
sinistro,*

Et causam litis me cupis esse tue.

*Accipe placatas æterno fœdere dextras,
Dum percat iunctis viribus hostis
Iber.*

*En tecum commune salum, commune
profundum*

*Navigo, & in mediis pabula sector
aquis.*

Iam

*Iam mea Cimbrorum redimunt com-
mercia terra,*

*Fœtaque Gotthorum carbasa por-
tus habet.*

*Nunc onerat nostras pelagi captura
carinas, (Deos.*

*Terrenosque fovet prada marina
Me ferit, & ludit: me servat ab hosti-
bus aquor.*

*Sic servastis aqua, sic nocuistis
aqua.*

E N C H V S A.

A *Rcta, frequensque domus nomen
mihi fecit & urbem,*

*Primaque contempta tecta dedere
casa.*

*Navita me iactat pelago, mea rura co-
lonus (inde mari.*

*Laudat, & hinc terra claudimur,
Abscidit adversas à nostro littore gen-
tes, (aquis.*

*Et Frisios mediis dividit æstus
Albani*

*Albani sprevi furias, nec victa ty-
ranno*

*Oceani proles intemerata steti.
Pandit vasta meis Neptunus regna
carinis,*

*Et procul à patriæ sedibus exul eo.
Quæro foris, quæ parca domi natura
negavit,*

*Quaque domi tribuit plurima,
porto foras.*

*Belga tuos mirare Deos. dum munera
mundo*

Dividis, ex alio sidere plura refers.

Hactenus Cl. Barlæus.

*In Domum Indiæ Occidentalis,
quæ est Amstelredami.*

*H**Æc Occidentis Indiæ dicta est
domus,*

*Domus pusilla, si modum spectes loci,
At intus ingens panditur rerum penus;*

Hic

*Hic Mexicanus, Peruanus hic sinus,
Havana, Lima, & Potosi dices specus;
Guinea, & omne id, qua ferax auri
est, solum;*

*Seu Nigir id fert, ditius Tago vadum.
Horum omnium hic sunt promus &
condus simul.*

*Tum quas Iberus victor, ut victos
premat,*

*Terra ex profundo ducit, hic gazas
vides:*

*Hucque inferuntur, nauta vel per-
dit mari.*

*His petimur armis. hac nisi vincas,
necant.*

*Non India igitur, est salutis hac do-
mus.*

*Ioh. Isaacius Pontanus
4. Kal. Dec. 1628.*

Emendanda.

Pag. 45. v. 4. *campos*, lege *Campos*, & accipe *Tranifulanix oppidum*, *Kampen*.
 p. 47. v. 7. lege *non mari solum t.* p. 49. v. 13. l. *historia Iliade*. p. 52. v. 11. l. *Signavit terras sic dea Fosta novas. non Festa*.
 p. 53. v. 7. l. *cum Malorige suo?* p. 59. v. penult. l. *Thesauros Orbis*. p. 63. v. 9. l. *PORMERENDA*, sive *PVRM*. p. 71. v. 17. l. *Bellaces p. B.* p. 72. v. 10. l. *à Rietvuyck*.
 p. 76. v. pen. dele punctum post *lacunar*. p. 78. v. 3 scribe *BataVIs*. *ibid.* v. 11. *secundo Frisia Occ.* p. 81. v. 10. l. *Anno cId Id c.* p. 82. v. 4. l. *An. cId Id c. II.* p. 83. v. 10. l. *ALTERA AN. xxxiii.* p. 85. v. 10. l. *Weest niet vv.* p. 87. v. 9. scribe *A. 1440.*
 p. 88. v. 11. l. *Ioan. Gutttenberg*. p. 89. v. 7. dele comma post *prodiderunt*. *ibid.* v. 18. dele (*a. 1440.*) p. 93. v. 19. l. *publico bono n.* p. 94. v. 12. l. *BEROSI*. p. 96. v. 9. l. *Inepta? sanet q.* *ibid.* v. 15. l. & *pestes*. pag. 97. v. 1. l. *fersque pro tribunali*. p. 108. v. penult. *lacatra India O.* p. 116. v. 15. l. *AN. LXII.* p. 123. v. 10. l. *cId. Id. LXXXIV.* p. 127. dele v. 15 & v. 16. p. 129. v. 3. l. *Florentii II Comitis*. *Ibid.* v. 18. l. *Hollandie*. p. 132. v. 7. l. *Rheni (iam praelusi) terminum*. p. 133. v. 6. l. *medioximam partem*.

Ty-

Typographus Lectori.

Pagellis duabus, alioqui vacaturis,
heic exhibere visum duas Inscriptiones,
nuper in Batavis erutas, ope & consilio
V.C. *Petri Scriverii*; qui utramque no-
bis subministravit, atque alteram inter-
pretatione sua illustravit; uberius alibi
explicandam. Inventæ autem sunt in
agro Vorburgano (quod *Forum Hadriani*
esse in Tabula Itineraria Peutingeriana,
existimat idem Scriverius) anno clō 16c-
xxiv, & anno clō 16c xxv.

1. Lapis effossus xv. Novemb. a. 1624.

IN. H. D D
GENIO. COLLE
GI. PEREGR
VLP. DECEM
BER. ET. VERE
CVND. COR
NVTVS. D D.

2. Lapis effossus xvii. Martii a. 1625.

I. O. M. IVNONI. RE
GINAE. MINERVAE
ET. GENIO. LOCI. T. FL.
PEREGRINVS. Θ
LEGI.

LEGIMIN. PRO. SE
ET. SVIS. V. S. L. M
DVOBVS. SILA
NIS. COS.

Hoc est:

*Iovi Optimo Maximo, Iunoni
Reginae, Minervae, & Genio
Loco, T. Fl. Peregrinus, Centu-
rio Legionis primae Minerviae
pro se & suis votum solvit
lubens merito, duobus Silanis
Consulibus.*

In lapide legit vir Doctissimus LEG. I.
MIN. Cujus Legionis primae Minerviae
cum alibi, tum in fragmento alterius
lapidis non longe à *Castris Albinianis*
(*Alfen* vulgo) jamdudum effossi, atque
domui rusticae inserti, opten *Hogen-
burg*, mentio fit hujuscemodi:

LEG. I. M. Id est, LEG. I. MINERVIAE, & C

Plura in *Tabulario Antiquitatum Ba-
tavicarum, & Animadversionibus ad Ba-
taviam Iunii.*

F I N I S.


ABRAHAMI ORTELII
ET IOANNIS VIVIANI

ITINERARIUM
PER NONNVLAS
GALLIÆ BELGICÆ
PARTES.

Ad Clarissimum virum,
GERARDVM MERCATOREM,
Cosmographum.

Editio altera, castigatio P'anti-
niana anni M D LXXXIV.

Q



ABRAHAMVS ORTELIVS,
ET IOANNES VIVIANVS,

Gerardo Mercatori S. P. D.

Cum litteras tuas accepissemus, Mercator, sub ipsum tempus, quo hinc discedebamus, visum est, non prius ad eas rescribere, quam confecta tandem qualicunque ea, quam nos suscepisse jam intellexeras, peregrinatione: futuras enim tibi nostras longe gratiores, si una attexeremus, si quid in ea observatione dignum occurrisset. non quod speraremus posse quidquam ex locis tam nobis vicinis annotari quod non omnibus esset notum: sed tamen cum partem eam Galliae nostrae, tot passim omnium temporum historiis celebrem, à nobis vero non visam,

Q²

cer-

certum esset peragraré, & sine literis esse non possemus, videbatur potius, quidlibet commentari, quam ut essemus toto eo itinere otiosi. tum quod hac ratione, quæ semel vidimus, securius memoriæ mandentur, commentariola hæc nostra nobis ipsis usui futura videbamus, tibi vero non injucunda, qui cum eas regiones aliquando diligenter perlustraveris, juvabit easdem quotiescunq; libuerit tecum domi atque adeo sine itineris molestia recognoscere. Fuit autem nobis iter per fines Tungrorum, Eburonum, Trevirorum, Mediomatricorum, ut quondam vocabantur, & reliquorum eorum populorum, qui Germanicæ originis cum essent, in Gallia tamen sedes habebant, atque inter Belgas recensebantur. Gallia siquidem hæc nostra, quæ mari Oceano,

no, Sequana & Rheno fluminibus continetur, ut politioribus litteris primum innotuit, à Belgis sub variis populorum nominibus tenebatur; & pars quidem eorum erat, qui indigenæ tunc putabantur; reliqui qui aliunde, & præcipue è Germania, quales & illi de quibus jam diximus, transmissio Rheno eo confluxerant. Hæc nomina, etiam cum Gallia omnis sub pop. Romani redacta esset imperio, maxima ex parte manserunt in ea gente; & nonnulla quoque populorum cum fuissent, oppidis ipsis, qui in iisdem regionibus quas incolebant illi, vel tunc erant, vel postea condita fuere; nonnulla denique illis ipsis regionibus, postquam terrarum facta est distinctio exactior, attributa, ad hanc usque memoriam propagata, incolumia, vel certe non ita mul-

tum immutata, videmus. Sed fuit
& alia tandem sub Romanis Cæ-
saribus Galliæ Belgicæ partitio.
nam quidquid ad Rhenum erat,
quia à Germanis, ut nuper dixi-
mus, habitabatur, Galliæ nomen
amisit, ac in *Germaniam primam*,
in qua Maguntiacum, & *secundam*
est distributum. & in hac quidem
Agrippinenses, qui Vbii antea vo-
cabantur, & Tungri erant. ut re-
liqua quoque pars, *Belgica prima*,
& *secunda* appellationes sortita est.
Successit deinde illud tempus, quo
Romanorum Cæsarum relangue-
sciente administratione, exteræ
nationes magna colluvie in Ita-
liam ipsam, & in Gallias irruptio-
nem fecerunt, & Barbarico furore
omnia commiscentes, novas et-
iam commentæ sunt appellatio-
nes, & nata Austrasiæ ac VVestra-
siæ regna, crebræque regnorum

ac

ac dominiorum commutationes, prout quæque earum altera alteram exturbabat: & hæc fere usque ad Caroli Magni Aug. ætatem, sub cuius nepotibus alia denique exorta rerum facies, quando quidquid inter Rhenum erat, & Scaldim, cum in partitione, quæ facta est inter Ludovici Pii filios, Lothario obvenisset, longo deinde tempore, Lotharii regnum, (*Lotrijck*) & Lotharingia, nuncupatum est: donec tandem deficiente ea prosapia, in varias, ut adhuc nunc est, provincias divelleretur. atque ex eo quantæ rerum omnium subsequutæ sint commutationes, non facile esset enumerare. Et sunt hæc tibi, Mercator, notissima; nec dubitamus, quin hic potius utendum putes Strabonis consilio, monentis, ea quæ à Principibus, dum reipublicæ temporibus obsequuntur,

Q 4

fue-

fuerint immutata, non usque adeo
diligenti persequenda studio : ut
nec in illis curiosius immoran-
dum, quæ sunt à nonnullis memo-
riæ prodita de hujus gentis origi-
ne, quam ab ipso usque Gomero
Iapeti filio deducunt. Hæc ut vera
sint, nostra non indigent approba-
tione, ut nec suppetit quo cōtraria
refellamus. Antiquissimum certe
est apud omnes scriptores, & cele-
bre Celtarum nomen ; sic enim ipsi
se sua lingua nominabant ; quod
Cæsar Iulius in suis commentariis
proprium ejus gentis facit, quæ
partem illam incolebat quæ inter
Sequanam est, & Garumnam. Ut
Galli vocarentur, Romano scili-
cet sermone, nonnisi sero, teste
Pausania, usus obtinuit. Verisimi-
le autem est, eo primum tempore
auditum id nomen, quo & ipsa
Gallorum arma; cum sub Tarqui-
nio

nio Superbo rege, superatis Alpi-
bus, in Italiam descenderunt. Si-
quidem & illi Senones è Celtis
erant, manetque etiam nunc eo-
rum nomen in ea parte Galliæ quæ
est inter Sequanam & Garumnam,
ubi *Sens* ipsorum lingua dictum
oppidum, ad Yonam flumen. Ex
Celtis suos Galatas Græcos fecis-
se, & ab hoc Gallorum nomen for-
masse Romanos, est verisimile,
quod primum, ut supra diximus,
Celtarum proprium fuit: ubi vero
& reliquæ partes eis innotuere,
Galliæ est nomen factum commu-
ne. Ac primum sub ipso C. Cæsare
Belgæ sunt à Romanis cogniti,
Gallorum omnium, ut ipse testa-
tur, fortissimi. Vnde *Belgarum* nata
sit appellatio, nec ipse tangit, nec
quisquam veterum, de Barbaris,
sibi ignotis vocabulis parum,
ut videtur, solliciti. Annales no-
stri,

stri, si sit illis quidquam tribuendum, quandoquidem & ipse Cæsar quæ in suis commentariis retulit, ex ipsorum Gallorum se fatetur habuisse relatione (quamvis ille quidem propior superiora illa tempora attingeret) ii ergo à Belo Deo dictum fuisse memorant oppidum amplum, seu potius civitatem in medio ipsius Belgii, quæ cum late rerum potiretur, omni etiam regioni ac populo nomen dedisse; atque ex ejus reliquiis *Bavacum* nunc restare oppidulum loco eminenti situm, multisque adhuc antiquitatis visendum monumentis. Cæsar *Belgium* vocat, ubi firmissima collocabat præsidia, existimans hac potissimum ratione tutissimam Galliam si *Belgium* quietum foret, quod inde præcipui motus timerentur, & ipsum ibidem sæpius hiemasse legimus.

gimus. Videtur tamen alicubi *Belgium* cum *Bellovacis* confundere, & *Belgium* pro regione habere. Sic enim lib. v. cum dixisset: *Tres legiones in Belgio collocavit. his M. Crassum quaestorem, & L. Munatium Plancum, & C. Trebonium praeficit.* mox cum illis opus haberet ad liberanda Q. Ciceronis hiberna ab Ambiorigis obsidione, subdit: *Statim nuntios in Bellovacos ad M. Crassum quaestorem mittit.* nisi dicamus, *Bellovacos* quoque *Belgii* partem fuisse. siquidem & hi in medio fere sunt *Belgicae*, & ab eodem Cæsare præcipuis laudibus celebrantur. Ceterum de *Belo* non constat unde ea religio ad Gallos manarit: videtur quidem ab *Assyriis* sumpta, apud quos *Bel Sol* erat, & quadam sacrorum ratione pro *Sole* & *Saturno* colebatur, quemadmodum & apud Gallos loco

loco supremi cujusdam numinis
erat. nec enim tam præcise suum
cuique deorum assignabant offi-
cium, ut est à Græcis factitatum.
Et licet ejus rei nulla exstent apud
politiores scriptores testimonia,
non absurdum tamen sit, Assyrios,
cum latissime imperarint, suam
etiam religionem cum plurimis
nationibus communicasse, quod
Romanos postea fecisse legimus.
Herodianus sane facit mentio-
nem Belis, quem Aquileiensibus,
qui tunc Gallica gens erant, pa-
trium numen fuisse, & Solis loco
habitum refert. Sed hæc ut de re
dubia, atque ob altam antiquita-
tem obscura, sit protulisse fatis, &
aliorum penitiori indagationi lo-
cum relinquentes, ad susceptam
peregrinationem properemus. Hic
vero, Mercator, ne grave sit ur-
bium nostrarū, quæ sunt omnium
notif-

GALLO-BRABANT. 193
notissimæ , breves descriptiones
percurrere . unde hanc ordinur
narrationem , ut reliqua deinde
suo ordine subsequantur.

Prima Antverpia profectis ad
IIII. M. est

M E C H L I N I A

ad Diliam flumen, loco plano , in
agroque fertili, terra levi, ac suba-
renosa, omnigenum fructuum fe-
raci, modo debitus cultus impen-
datur. urbs mœnibus, & situ in-
primis munita , ob aquarum co-
piam, quibus ex Oceano per Scal-
dim , statis temporibus ad hunc
usque locum restagnantibus, faci-
le , quotiescunque usus requirit,
circumjacentem agrum magna ex
parte inundare faciunt. Exigua
admodum ejus feruntur initia , &
quod magis mirere, non ita longo
temporis tractu, in eam, qua nunc

R est,

est, amplitudinem excrevisse. Sic enim, cum ea de re quæreremus, nobis retulit Iacobus Sufius noster, reconditæ vir eruditionis, quondam hoc loco nihil fuisse præter ædes illas veteris structuræ juxta Divi Remboldi Sacellulum, ad quas, medio scilicet itinere inter Bruxellas & Antverpiam, peregrinantes divertebant. His pro insigni erat Divus Michaël Archangelus, aut, ut alii referunt, hospitis nomen erat Michaël, quod vernaculo sono *Machiel* efferunt, & inde nomen urbi manasse, detorto paulatim in *Machlen* vocabulo. Alii aliam hujus nominis rationem adferunt ex versibus quibusdam, sumptis, ut videtur, ex Itinerario quodam Imp. Maximiliani ejus nominis 1. Aug. ejusque tempore scripto, qui sic se habent:

-- Tan-

GALLO-BRABANT. 195

— Tandem pervenit ad urbem.

*Urbem, quam veteres quondam di-
xere Salinas:*

*Qua quia multorum causa exstitit
illa malorum,*

*Dum non vult dominas Eburonum
agnoscere gentes,*

*Nomine mutato iuvenes dixere
Malinas.*

Vbi tamen poëticam potius al-
lusionem, quam fidem historicam
agnoscas, cum nominum etymo-
logiæ ex cuiusque gentis verna-
culo melius, quam ex peregrino
sermone petantur. His initiis cœ-
pit Mechlinia, nunc ædificiorum
venustate, viarum apta & eleganti
dispositione, pontibus lapideis,
templis præterea ac turre altitudi-
nis admirandæ, inter omnes Bel-
gicas urbes conspicua. In hac sum-
mus est Senatus, à Carolo Burgun-
do, regis Philippi abavo, institu-

R 2 tus,

tus, unde plurimæ Belgicæ civitates jus petunt. Claret & viris doctis, & ingeniosis artificibus artis pictoriæ, statuariæ, & præcipue artis fusoriæ magistros insignes alit. Hinc

LOVANIVM

venimus, quæ iv itidem distat M. Oppidum amplum, quodque Ducatus Brabantiae antiquissimum creditur: ejus sane procures in publicis ejus Ducatus Ordinum confessibus principem locum tenent. Qua intratur collis est, in cujus jugo arx vetus, & fanum Divo Iohanni sacrum, puteusque profunditatis admirandæ, ex quo aqua gelidissima hauritur. Hinc versus forum sensim descenditur, ubi curiam non tam amplo quam formoso opere exstructam, & è regione Divi Petri Basilicam videas. Hujus

Hujus urbis præcipua sunt ornamenta litterarum studia, & viri docti, qui hic, si usquam in tota Belgica, singulis temporibus flourerunt: & ad hos usus magnifice exstructæ ædes quamplurimæ. situs amœnus, seu quem silvæ, seu altis in collibus vineta delectant; & vina quidem quæ securus bibat Musarum alumnus, & hæc vel intra ipsa mœnia vel non inde procul. habet & suos pratorum viridantium prospectus, & agrum non infertilem. Ad hæc aëris salubritate ac civium erga advenas comitate singulari commendatur: ita ut ad litterarum studia nihil hac urbe accommodatius esse possit. De ejus initiiis aut nominis origine nobis nihil constat. Nam quod *Luposinam* ante C. Iulii Cæsaris tempora appellatam fuisse nonnulli tradant, fabulæ quam histo-

riæ similis ducimus. Sigebertus
Gemblacensis *Castrum Loven* vo-
cat, ut & hodie adhuc lingua ver-
nacula dicitur. &, an. sal. DCCC-
LXXXIII Normannos hic ca-
stra posuisse contra Imp. Carolum
Aug. Crassum cognominatum,
scribit: eratque tunc in confinio
regni Lotharii. Postea Comitatus
titulum obtinuisse, eorum anna-
les referunt. Sed prodibunt hæc
aliquando in lucem, Deo volen-
te, locupletissime tractata Petri
Divæi, viri doctissimi studio, &
diligentia: qui quanto sit in veteri
historia explicanda acumine, edi-
tus jam de Galliæ Belgicæ antiqui-
tatibus liber satis declarat: & ipsi
testes esse possumus, quam sit ad
reliqua exsequenda copiosa in-
structus supellectile, qui eum co-
ram his de rebus differentem au-
divimus, atque eo nomine pluri-
mum

GALLO-BRABANT. 199
mum nos Lovanio debere fate-
mur, quod hic eum convenire, &
familiaritatem contrahere licue-
rit. Hinc

G E M B L A C V M

ire placuit, ut insignem illam bi-
bliothecam librorum manuscri-
ptorum, quæ in eo ferebatur esse
cœnobio, videremus. Nec nos ea
fefellit opinio. adservantur enim
hic optima exemplaria quamplu-
rima, & librorum præcipue, qui
rem theologicam tractant, quales
sunt veterum religionis nostræ
antistitum lucubrationes, & qui-
cunque ab eo tempore scripturam
sacram Latine sunt interpretati;
nam ex Græcis nullos vidimus. Ad-
sunt & poëtarum, & oratorum o-
pera, & quidquid ad Latinas facit
litteras: aliquorum & diversa ex-
emplaria, quorum tamen nonnul-

R 4 la,

la, quæ etiam habet catalogus, hoc tempore desiderantur. Historiarum præterea videre est longo ex ordine disposita volumina, & inter ea Sigeberti sui memoriam sancte conservat: qui quondam in hoc eodem agens cœnobio, Chronicon illud succinctum quod passim habetur, concinnavit, atque ab imperio Valentiniani Iun. & Gratiani Augg. exorsus, ad sua usque perduxit tempora. Vixit autem sub Henrico ejus nominis III Aug. & anno MCXII diem clausit supremum. Scripsit & alios libros, qui itidem hic extant, nonnullos prosa, alios & metro, quibus de omni litteratura optime est meritus, quantum ferebat illa ætas. quæ & utinam tales multos tulisset: certe non tam mutilam haberemus illorum temporū historiam, quæ insignes rerum commutationes

nes

nes tulerunt, & ipsius Romani Imperii, quo nullum fuit unquam illustrius, ab exterarum nationum colluvie devastationem. Cœnobium vero hoc suum inprimis nobilitavit. Lovanio Gemblacum quæ vi distant M. iter est arduum ut plurimum, & saltuosum, per eam Brabantia partem quæ GALLO-BRABANTIA nuncupatur. Ad v fere M. prope pagum *VValheim* vulgo dictum, cernuntur in loco edito, & ab omi parte conspicuo tumuli duo terrei, rotundi, & fastigiati, gramine vestiti, & arbutis incincti. quos cum manu aggestos judicaremus, videbantur ad Romanorum posse referri tempora. illos siquidem tumulos ejusmodi exstruere solitos, quos & cippos vocabant, ut militum suorum qui in acie occubuissent reliquias regerent, passim testantur
histo-

historiæ. Sic apud Tacitum Germanicus Cæsar cladis Varianæ reliquias condi curavit, & ipsemet primum exstruendo tumulo cespitem posuit, gratissimo in defunctos munere, & præsentibus, inquit ille, doloris socius. Hic ad viam venimus rectam, & supra vicinos prominentem agros, quæ ad Tungros pertingere diceretur, Bavaci, cujus supra meminimus, initium capiens, unde & plures ejusmodi vias militares ad celebriora quæque Galliæ oppida ducere. Stratas fuisse has olim saxis grandioribus indicant earum quæ multis in locis adhuc restant fragmenta: nunc gramine ut plurimum virent, sub quo induratum solum filice minuto, seu glareæ advectitia, ut videtur, cum his in locis nusquam reperiatur. vulgus vias has omnes vocat *les Chaussées*
de

de Bruneault, quod regis Belgarum nomen fuisse volunt, qui etiam ante Romana tempora laterum sit potitus. Videtur tamen Gotthicum potius quiddam sonare: atque mirum, C. Cæsarem, diligentem alioquin scriptorem, rei tam præclaræ nullibi meminisse. Sed fruamur his nostris, quatenus politiores non existent, quæ hujus rei meminerint historiæ. De Brunehilde quidem Sigeberti uxore, quæ mortuo marito Metensibus & Sueffionibus imperabat, scribit idem Sigebertus; eam scilicet ædificia admirandi operis construxisse, ut miraculo fuerit tanta ab ea fieri potuisse.

Ipsam porro *Gemblacum* (ut unde sumus digressi revertamur) oppidulum est situ aspero, nempe contra collem, præcipitiis & profundis vallibus ab omni fere parte circum-

circumcinctum, nisi qua orientem solem spectat, quod summum collis jugum est. ad radices fluit *Lorno* vulgo dictus fluviolus, qui circa *Gemep* vicum *Sabi* miscetur. Cœnobium, de quo jam diximus, Divo Huberto dicatum est, ipsa ædificii vetustate venerandum, & nobile. quod Platina in Stephano VII à quodam Guiberto Lotharingiæ principe propria impensa extructum scribit. atque de eo tale distichon in templo parieti adscriptum legimus:

VNUM D. SCRIBIS, C. IIII, X. BIS, ET
I. BIS

DVM CLAVSTRVM PER TE FIT GEM-
BLACENSE GVIBERTE.

Ordinis est sancti Benedicti. Abbas Comitum titulum gerit, primumque inter Nobiles obtinet locum in consessu Ordinum Brabantia, at inter Ecclesiasticos proceres postremum.

NA-

hinc toto fere itinere descenditur, ad III M. Oppidum est Comitatus titulo insigne, & summo ejusdem Comitatus Senatu. Sabis fluvius hoc perluit: habetq; à sinistra præcipuam ejus partem, quæ plana omnino est, foro rerum venalium, curia, templis, multisque ædificiis lapideis exornata: à dextra, montis alluit radices, ad quas sunt & privatæ ædes multæ, & supra eas arx alta & munita, ædificioque spectabilis. hinc ad ipsa mœnia idem Sabis, ubi & pontem videas lapideum, in Mosam intrat. Mosa suum quoque habet pontem operis lapidei, & secundam hanc claudit urbis partem, in qua arcem esse diximus. Est quoque in ea ipsum templum primarium, seu parochiale, ut vocant, D. Virgini consecratum. Unde colligi posset, pri-

S

mam

nam urbem hoc loco fuisse intra
utriusque amnis confluentem,
Mosæ scilicet ac Sabis. Inæstima-
bile hic Sabis toti oppido dam-
num tulit anno MDLXXI, die VII
Februarii, uti ea & altitudo, & dies
in multis adhuc domorum fron-
tispiciis inscripta cernuntur: in
immensum enim excreverat, ita ut
multa opera disjecerit. inter quæ
ædificium amplum, molis ad va-
rios usus magno artificio disposi-
tis inserviens, quodque sub unico
tecto rotas undecim ad fluminis
alveum exponit. & tantam filicum
copiam advolverat, ut fere alvei
sui ostium obstrueret, quo Mosæ
influit: ubi adhuc videre est ea al-
luvione natam insulam, in qua
inter filices reperta numismata an-
tiqua asserebant. Celebratur hæc
civitas ob ferri præstantissimi co-
piam, cujus metalli in Arduenna
silva,

filva, quæ hic proxime ad alteram Mosæ fluminis ripam est, officinas multas habet. Abundat & lapide coloris subcinericei ad extruendas domos, quem vel per Mosam eundem in longinquas devehunt regiones. alio item coloris ejusdem, qui cum fissilis sit, ac vel in tenuissimas laminas secetur, utuntur eo, loco scandularum, ad ædium recta. Vidimus & hic varia marmorum genera, omnia ad Mosam, sed diversis tamen locis, excisa. quod *Dionanto* advehitur, nigrissimum est. candidum aliud vel rubicundum, venis respersum diversicoloribus, sub arce *Agimont* vulgo dicta, reperitur. est & aliud genus nigri coloris, notulis interstinctum candidissimis. & quis plene descripserit tam varios naturæ lusus? Ex his columnas expoliunt, magnatum sepulturas

erigunt, aliaque comminiscuntur
ornamenta. Sed ad Mosam redeat
narratio, qui in finibus Lingonum
ortus, multas præcipui nominis
urbes præterfluit, & recepto, ut
diximus, Sabi ad ipsa hujus urbis
mœnia Huijū properat, quod
hinc ad v est m. Totus hic tractus
longe est, quam dici possit, amœ-
nissimus. Quis enim satis miretur
altissimas & præruptas rupes, qui-
bus ab utraque parte munitur,
veluti continuo quodam muro?
nisi ubi ripæ accolarum indulgen-
tes commoditati, paulloque lon-
gius à suo amne recedentes, lo-
cum sementi faciendo relinquunt,
vel sensim acclives, silvas & saltus
exhibent, aut vineta, vel locum
agricolarum casis relinquunt; quas
etiam ipsas à ventorum injuriis
defensant. præbent & arcibus vel
ad tutandam ripam, vel ad delecta-
tionem

GALLO-BRABANT. 209
 tionem extructis solidum funda-
 mentum. inter quas est illa, quæ
Samsonis nomen gerit, à qua non
 procul, in aduersa tamen ripa, in
 rupe est durissima inscriptum hoc
 epitaphium:

D	+	M
N	I	N
N	I	V
S		
D	R	A
V	S	O
N	I	S
V	I	V
S		
S	I	B
I		
M	+	F

H V I J V M

oppidulum ad utramque est Mosæ
 ripam, quas ponte lapideo, longo
 atque amplissimo, connectit. me-
 lior tamen ejus pars ad dextram
 est. ubi forum & in ejus medio
 fons, multa templa, & ipsum pri-
 marium D. Genitrici sacrum, à
 Theoderino xxiv Leodiensium
 Episcopo, ut habent Placentii an-
 S 3 nales,

nales, constructum, sed civium impensis, magna mole, lapide coloris subcinericei, quem & hic excisum ferunt, in altitudinem admirandam extructum. cui impendet in alto montis jugo arx illa nobilis & inexpugnabilis, ab E-rardo à Marca Episcopo instaurata. ubi & puteum in ipsa rupe durissima exscindere aggressus, opus tandem immenso labore, ac diuturno, magnisque impensis absoluit. Nomen sumere putatur ab *Hoia* fluviolo, qui ad VII hinc M. è rupibus prorumpens ipsum prius oppidulum in varios divisus alveos perluit, ac juxta pontem, de quo jam diximus, Mosæ confunditur. Fuisse hoc olim magni nominis, & suos habuisse Comites asserunt, quibus parebat ab una parte Hasbania, ab altera Condru-si, qui hodieque antiquum suum
nomen

GALLO-BRABANT. 211
nomen retinent; ac tandem sedi
(ut nunc loquuntur) Leodiensi
donatione accessisse. Primum post
ipsam

L E O D I U M

inter urbes Leodiensis ditionis lo-
cum obtinet. Inter Hujum & Leo-
dium, quod iter est v m., secundo
flumine, multi sunt ad utramque
ripam pagi. Et ad sinistram quidem
Gemepe vulgo dictus, longissima
ædificiorum non contemnendo-
rum serie ripam ejus exornat. Ce-
terum Mosæ ipsius eadem fere fa-
cies, ac ea, quam modo utcunque
adumbravimus, nisi quod rupes
paullo sint accliviores, nec tam
duro lapide, vinetis ut plurimum
à summo ad ipsum usque flumi-
nis alveum consistæ, vel silvis hor-
ridæ, si quæ ad solem orientem aut
meridianum non spectant. Leo-
dium

dium primo aspectu ostentat in sinistra ripa (nam dextra vinetis plena est) magna & populosa suburbia ad collium radices, in quorum jugis multa sunt & pulcherri-
ma Monasteria. Inter quæ magnificum illud ac nobile D. Laurentio dicatum, ab Raginardo Episcopo, ut habet Sigebertus, circa ann. sal. mxxv ædificatum. Est in hac quoq; regione Guilelmitarum cœnobium. in quo epitaphium hoc Ioannis à Mandeville excepimus:

HIC IACET VIR NOBILIS Dñs IOēs
DE MANDEVILLE AL' Dcūs AD BAR-
BAM MILES Dñs DE Cāpdi NATVS DE
ANGLIA MEDICIE p̄fessor DEVOTIS-
SIMVS ORATOR ET BONORVM LARGIS-
SIMVS PAUPRIBVS EROGATOR, QVI TO-
TO QVASI ORBE LVSTRATO LEODII
DIEM VITE SVE CLAUSIT EXTREMVM
ANO Dñi M^o CCC^o LXXI^o MENSIS NOVē-
BRs DIE XVII.

Hæc

Hæc in lapide , in quo cælata
viri armati imago, leonem calcan-
tis, barba bifurcata, ad caput ma-
nus benedicens, & vernacula hæc
verba :

VOS KI PASEIS SOR MI POVR LA-
MOVR DEIX PROIES POR MI.

Clypeus erat vacuus , in quo
olim laminam fuisse dicebant æ-
ream , & ejus in ea itidem cælata
insignia, leonem videlicet argen-
teum, cui ad pectus lunula rubea,
in campo cæruleo, quem limbus
ambiret denticulatus ex auro. ejus
nobis ostendebant & cultros, e-
phippiaque , & calcaria , quibus
usum fuisse asseriebant in pera-
grando toto fere terrarum orbe,
ut clarius ejus testatur Itinera-
rium , quod typis etiam excusum
passim habetur. Et hæc quidem ad
suburbia. hinc colles longius re-
cedentes amplam relinquunt pla-
nitiam,

nitiem, quam Mosa, receptis aliquot ex Arduenna silva profluentibus fluviolis, in varias insulas partitur, sic hujus urbis inserviens commoditati, ut vix ullus sit in ea vicus, qui non suum fluentem habeat. Si quis nunc velit singulatim persequi, quantum hæc planities, una cum vicinis ab utraque parte collibus, templis augustis, ac cœnobiis, ædificiis præterea magnificis, publicis & privatis, pontibus marmoreis, fontium limpidissimorum copia, reliquisque rebus quæ pro tantæ urbis capture requiri possint, sit decorata: plusculum impendendum sit operæ quam Itinerario conveniat: nobis sit satis aream ipsam, & rerum summas attigisse, cum ei lustrandæ nec quantum opus fuisset temporis impenderimus, & sit aliorum encomiis jampridem celeberrima.

Initium

Initium ejus amplitudinis fecit
 Divi Lamberti religio, & pietas,
 cum ante illud tempus vicus tan-
 tum esset, & præcipue flourerent
Heristallum & *Iupilla* sub Pipinis,
 quæ hinc non procul ad utramque
 Mosæ ripam, loco amœno & fer-
 tili, nunc

*(tantum ævi longinqua valet mu-
 tare vetustas)*

in vicos abiisse videmus, & vix
 ruinas superesse domicilii tot cla-
 rorum Principum. Cædem Divi
 Lamberti refert Regino Prumiën-
 sis, ad ann. sal. circiter D C X X I à
 Dodone quodam aliisque viris
 sceleratis perpetrata, in hoc eo-
 dem vico; quod vir sanctus auli-
 corum culparet vitia: & fertur ita
 mansisse vicus ut erat, usque ad
 Imp. Caroli Magni ætatem, quan-
 do ab Huberto Aquitanorum du-
 ce, qui unus erat ex ejus proceri-
 bus,

bus, Divi Lamberti corporis reli-
quiae, una cum sede Episcopali,
Trajecto huc translatae fuerunt.
quo etiam antea è Tungrorum
urbe delatae fuerant. *Urbem muro*
cinxit, ut est apud Sigebertum,
Notgerus Episcopus, ac xxxvi an-
norum, quibus huic Ecclesiae prae-
fuit spatio, sic etiam magnificis o-
peribus decoravit, ut non imme-
rito ejus quodammodo conditor
diceretur. Excessit hic è vivis ann.
sal. mviij, sepultus ad D. Ioannis
Euangelistae; quam aedem, Aquis-
granensi perquam similem, & ro-
rundam penitus, nisi quod ad late-
ra facella postmodum accedere,
condidit ipse suo sumptu, & in ea
Canonicorum collegium insti-
tuit. Quin & ipsam D. Lamberti
Basilicam ab Huberto Duce, de
quo supra, dicatam, cum vetustate
dilapsa esset, à fundamentis reno-
vavit.

vavit. Mosam fluvium urbi induxit, cum antea in ejus flueret pomerio: & alia præterea quamplurima, vel primus condidit ipse, vel ab aliis inchoata consuminavit, & amplioribus dotavit redditibus Monasteria, ac templa: uti in ejus Vita, quam in hac eadem æde in tabula membranea videas, fusius declaratur. ubi & arcem quæ Montis caprini dicitur, sui juris fecisse, & castrum Huijense suæ itidem acquisivisse Ecclesiæ legitur, idque constare ex diplomate Othonis III. Aug. apud quem auctoritate valebat plurimum, ut & apud ejus successorem Imp. Henricum II. Bavarum. cui ad recuperandum castrum Valentianas, in confinio Franciæ ac Lotharingiæ, quod Balduinus Flandrensis invaserat, suppetias tulisse, eadem hæc habet tabula; & ejus multa commemorat

T

illu-

illustria facinora. Hanc ex autographo describebat Hieronymus Scholierius, hujus itineris comes:

Anno Dominicæ nativitatis millesimo septimo, quinto Idus Aprilis, obiit felix recordationis Dominus Notgerus Episcopus Leodiensis: cuius corpus in loco retro altare translatum & inhumatum est. Qualis enim, quis & quantus ipse fuit, testantur pro parte gesta Pontificum Leodiensium, ex quibus collecta sunt quæ sequuntur. Substitutus est Eraclio quadragessimus sextus Dominus Notgerus, à Sancto Gereone archiepiscopo Coloniensi sacratus, genere quidem Alemannus & Theutonicus, ac omnium elegantia insignitus. Ipse igitur in Suevia natus nobilitatem generis scientia & moribus illustravit. Notgerus monasterium beati Lamberti longe in melius quam antea fuerat immutavit. ecclesia enim quam beatus

*tes Hubertus ædificavit , ad lapsum
declinaverat : hac diruta templum
sexaginta Canonorum iuxta ma-
gnificentiam dilatati cordis sui exal-
tauit, ornamentis ditioribus decora-
vit, claustrum & domorum ædificia
renouavit. In crucibus aureis, quas
Notgerus in dicta ecclesia Sancti Lam-
berti etiam fecit, scriptum est hoc
metrum :*

*Certa salus vitæ Notgerum sal-
vet ubique.*

*Qualiter enim præfatus Notgerus ci-
uitatem Leodiensem, quæ eo tunc
parua erat, à mortifero Castri Mon-
tis caprini iugo potenter & sapienter
eripuit: in gestis eius plenius contine-
tur. Vnde quidam loquens in persona
dicti Suevi sic ait:*

*Legia dotatur per me, Capri-
mons spoliatur;*

*Hic ruit, hæc surgit; manet hæc,
nec ille resurgit.*

T 2

Ec-

Ecclesiam parochialem Beata Maria ad fontes templo B. Lamberti adiacentem & palatium domus Episcopalis simul cum templo, multiplicatis operariis, & magnificatis impensis, à fundamentis usque ad perfectionem consurgere fecit. Ecclesiam Sancti Pauli à fenestris supra consummavit, & bonis adiectis, ubi viginti tantum erant Canonici, triginta perfecit. Rex Otho tertius bona quæ Eraclius ecclesiæ Sancti Martini contulerat tanquam præstita eidem, eo defuncto, in fiscum regium revocavit, quæ Notgerus suis meritis præclaris severando Regem recuperavit. Claustrum ipsius ecclesiæ in scisso colle publici montis triplici vallo & muro cum turribus sublimibus communiavit. Notgerus per Robertum maioris ecclesiæ Præpositum procuratorem suum etiam absens ecclesiam Sanctæ Crucis construxit, quam claustro debite

bite communivit, ac agris, decimis, & aliis bonis, quibus xv fratribus illic Deo servientibus victualium necessaria proveniant, ditavit. In qua idem Robertus, vi Idus Martii sepultus est. Sed & etiam Nithardo maioris ecclesie custode administrante predictus Notgerus in honore B. martyris Dionysii condidit ecclesiam: in qua primum quidem viginti delegati sunt Canonici; procedente vero tempore decem additis in trecenarium profecerunt numerum. Deinde praefatus Notgerus ecclesiam in honore B. Ioannis Evangelistae ex suis sumptibus à fundamentis usque ad consummationem condidit. In qua xxx Canonicos ad clericatus executionem instituit, & pretiosis reliquiis merito, scilicet cum faucibus B. Vincentii Levitae, & martyris, nec non Sanctorum Fabiani & Sebastiani, communivit. Idemque Notgerus iam dictam

T 3

eccle-

ecclesiam Sancti Ioannis bonis personis
 initiavit. Nam Præpositum & De-
 canum de congregatione elegit custo-
 dem magistrum scholarum; ac Can-
 torem, distributo unicuique officii &
 laborum suorum solatio, constituit.
 Altare maius manu propria consecra-
 vit, & oratorium B. Hilarii & Re-
 migii in dicta ecclesia constituit. Not-
 gerus ecclesiam parochialem B. Ad-
 alberti adificavit, cui ius baptisterii
 & extrema unctionis totius insula
 condidit, & in ecclesia Aquensi de-
 structa à Normannis XXVIII Cano-
 nicos instituit. Notgerus etiam Ca-
 strum Hoijense ecclesia Leodiensi ac-
 quisivit; prout privilegium Othonis
 Imperatoris id plenius testatur. Era-
 clius fundamenta monasterii B. Lau-
 rentii iuxta muros Leodien. iecit, ita-
 que seriatim fiebat opus, iamque ex
 parte surrexerant à fundamento mu-
 rorum parietes. Opus itaque inceptum
 per

*per Eracium eo defuncto permansit
imperfectum, donec Notgerus qui suc-
cessit episcopus, æquatis tandem parie-
tibus murorum, tectum superponi fe-
cit. Mosam qui extra civitatem flue-
bat civitati introduxit, & circa clau-
stra Sanctorum Pauli & Ioannis ad
radices montis, in quo ecclesie sancto-
rum Martini, Laurentii, Crucis &
Petri sita sunt, & circa claustra San-
ctorum Lamberti & Dionysii, per me-
dium civitatis in communes usus, ut
fluminis impetus latificaret civita-
tem Dei, fluere iussit. Vnde:*

*Ad Lamberte tua, Dionysi, Pau-
le, Ioannes,
Notgerus claustra nandi Mose
dedit amnes;
Cursu flumineo lætare Legia
claro.*

*Vix aliquid magni aut præclari ope-
ris est in civitate Leodien. quod ipse
non fecerit aut perfecit, ut magis*
T 4 *fecisse*

fecisse civitatem quam coluisse videatur. Vnde in praconium laudis sibi debita paucis ista de ipso comprehensa sunt hoc metro:

*Legia lege ligans cum sibi
leges,*

*Notgerum Christo, Notgero
cetera debes.*

*Fossensem Ecclesiam condidit, ac muro
& turribus circumductis idem com-
munivit. Tuinum castrum fecit &
communivit in defensionem epi-
scopalis & protectionem Lobienfis, in
qua etiam abbatem eorum instituit,
meritisque Beati Notgeri & auctori-
tate Imperiali Gemblacensis, ecclesia
vel abbatia cessit ecclesia Leodiensi. In
ecclesia collegiata Sancti Rumoldi
Machliniensis instituit Notgerus duo-
decim primas praeendas. Prærogativa
bona fidei & meritorum constitutione
Principum curia fecit eum patronum
puerilis ætatis Ottonis Imperatoris.
Vnde*

A

A Suevo regitur rex magnus
tertius Otto.

*Cuius Suevi studio & diligentia
quam supra etatem suam puer ille
profecerit: quomodo Alpes cum exer-
citu superavit: quantum Tremonen-
ses multitudine civium & magnitu-
dine opum adversus Imperium erectos
humiliaverit: quomodo civitatem eo-
rum contriverit, ut in signum dele-
tionis milium in ea sparserit: quomo-
do totam Italiam cursu quindecim
annorum sibi subiecerit: quam glo-
riose in urbe diademate Imperii coro-
natus fuerit: quomodo quos armis ad
se timendum subegerat, clementia ad
se amandum sublevabat, & disposita
pacificis legibus trans alpes Romana
urbe, quam gloriosus victor ad Rhe-
num redierit, & digna Imperatore
gesserit: Aquensem ecclesiam exor-
navit: Si huius narrationis historiam
melioribus debitam scriptoribus se-
cundum*

cundum suum ordinem ingredi aude-
remus, plus esset opere proposito quam
hac digressionem infereremus. Tempo-
ribus eius siccitas magna vernalis e-
venit; unde & satio primitiva impe-
dita & fames ingens secuta est: fertur
enim precibus eius annonam pluuisse de
cœlo in Hasbania. alii etiam piscicu-
los parvos de cœlo pluuisse ferebant. Po-
stea nix nimia de cœlo decidit. Imber
etiam continuus, qui autumnalem sa-
tionem denegaret omnino: Episcopus
vero Notgerus indicto communi ie-
iunio periculum imminens repulit.
Terramotus quoque factus est per-
magnus, Cometaque apparuit splen-
didissimus, nonodecimo Kal. Ian. circa
horam nonam: fisso cœlo quasi facula
ardens cum longo tractu instar fulgu-
ris illapsa est terris, tanto splendore,
ut non solummodo qui in agris erant,
sed etiam in tectis irrupto fulmine fe-
rarentur: qua cœli fissura sensim eva-
nescente,

nescente, interim visa est figura quasi serpentis, capite quidem crescente cum caruleis pedibus. qua pericula oratione viri Dei sunt annihilata. Castrum praterea Valentianas in marchia Franciae ac Lotharingiae, quod Balduinus Comes Flandrensiū invaserat, Imperator Henricus obsedit, concurrentibus ad consilium eius Roberto Rege Francorum, & Richarto Comite Normannorum: sed quia idem rex de obsidione redierat inefficax, vocato sibi in auxilium praedicto Episcopo Notgero, contra Balduinum proficiscitur. eius auxilio & consilio munitus Castrum Gandavum invadit, & depopulata terra aliquos Flandrensiū primores capit. Vnde Balduinus perterritus Imperatori satisfacit, Valentianas reddidit, datisque obsidibus cum sacramento fidelitatis ei manus dedit. Et quanta fuerit illi in educandis pueris scholaribusque disciplinis instru-

instruendis sollicitudo, hinc maxime probatur, quod semper dum in via pergeret, longe seu prope scholares adulescentes secum ducebat, qui uni ex Capellanis suis sub arctissima scholarium parerent disciplina, quibus etiam librorum copiam cum ceteris scholaribus & utensilibus circumferri faciebat, sicque fiebat ut quos plerumque rudes & illiteratos à clauastro abduxisset, ipsos quos prius magistros habuerant in litterarum eruditione redeuntes superarent. Cuius eruditionis occasione plurimi eorum etiam in religionis ac sanctitatis disciplina circa eum in tantum profecerunt, ut idonei fierent rectores ecclesiarum. Ex illis quippe multa civitates gavisi sunt se habere pastores; quarum Saltburgensis ecclesia archiepiscopum habuit, Gauterum; Cameracensis duos, alterum alteri succedentem, Rothardum & Erluinum; Virdunense Monaste-

*nasterium beate ; Tullensis ecclesia,
 Herelonem ; Traiectensis ecclesia A-
 delbadum : licet à multis etiam aliis
 episcopalem gradum non assecutis, qui
 sub eo nihilominus coaluissent, quam-
 plurimæ correctæ sunt ecclesiæ; ex qui-
 bus Diramus postea Leodiensis Episco-
 pus Bavenburgensem ecclesiam reli-
 gionis & artium liberalium discipli-
 na illustravit. Othbertus cum quibus-
 dam aliis secum hinc abductis, A-
 quensium clericorum vitam pernicio-
 se licenti contagio depravatam, ad
 sanctæ religionis statum pro posse re-
 duxit. Quid de Hulbodo dicamus?
 qui dum adolescentulus à scholari di-
 sciplina hinc aufugisset, Parisios ve-
 niens Sanctæ Genovefæ Canonicis ad-
 hæsit; in brevi multarum scholarum
 instructor fuit. Vbi cum aliquandiu
 Domino Notgero ignorante morare-
 tur, tandem canonica episcopalis sen-
 tentiæ executione compulsus est redire,*

pluribus ibi relictis studiorum ac moralitatis insignibus. Cuius vitam bene satis morigeratam ad virtutes acceptans episcopus gratia ac donis muneratam ad virtutis studium amplius accendit. Idem postea sub Pontifice Baldrigo Pragae Boëmiæ civitatem transmissus, cum nonnulla ibidem Christiana religionis documenta dedisset, ad nos iterum cum honore remeavit. Multi quoque alii sub tanto patre educati, religionis studiis liberalibus diversa illustrare loca; quorum vita religiosus moribus & doctrinis insignita, paternæ probitatis evidens est documentum. Nec hoc silendum, quod inter cetera probitatis opera prudenti admodum usus consilio, in tres æquas portiones prædia ecclesiastica divisit, quarum unam sibi suisque successoribus retinuit, alteram Ecclesiis & monasteriis impartit, tertiam militibus, qui ecclesiam armis

armis protegerent, concessit. Et ut de sanctis eius moribus aliqua adhuc breviter enarremus, erat pauperibus mitis, superbis divitibus terribilis, bonis quibusque lenis & mansuetus, iniquis maliciosis hominibus metuentus, potentibus venerabilis, mediocribus amabilis & admirabilis, sapientibus & doctis eruditor clementissimus, senum & debiliū sustentationis baculus, iuvenum & adolescentum correptor studiosus, providus in consilio, circumspectus in facto, clarus in eloquio, discretus in silentio. quem summi procures, Romana videlicet urbis Antistes & Imperator, tanto extulerunt honore, ut primus eorum in disceptationibus Prasulum cisalpinorum suas ei vices iniunxerit: Imperator vero in disponendis regni negotiis præcipuum procuratorem habuerit. nunquam corpori in se locum dedit, & à suis familiaribus desidiā

animi pro posse semper expulit. Cum clericis divina pagina quaestionibus enodandis quoties vacaret intentus, etiam laicos adolescentes quibus educandis instabat, etati & ordini suo congruis artibus implicabat. His & similibus insistens laboribus pater venerandus triginta sex in episcopatu peregit annos, multosque à nobilitate paterna non degenerantes reliquit filios, inter quos pia memoria dominus VVazo præ ceteris emicuit. Igitur deductis Notgerus universis laboribus ad honorem Imperii, & decorem domus Ecclesia Dei, bona fide & bono fine diversis in locis & temporibus feliciter laboravit. Vnde scriptum est:

Quatuor explevit partes exten-
ta plagarum

Fama suis meritis.

Constituto super Renum monasterio
sanctimonialium in villa Iulica, sicut
pri-

*privilegia eiusdem ecclesie in Biblia
conscripta testantur, rediit Leodium,
iam in processa etate, & ubi episcopali
officio verbo & exemplo clerum &
populum ad meliora provehere solici-
tus fuit. unde scriptum est:*

Vulgari plebem clerum sermo-
ne Latino.

Erudit & satiat magna dulcedi-
ne verbi,

Lac præbens teneris solidamq;
valentibus escam.

Sponte cadunt hereses sub forti
milite Christi,

Fraus & ficta fides, timor &
commenta fugantur,

Et depressa tremunt tanquam
sub iudice morum.

Hospitalis adeo fuit, ut de eo scribitur:

Nunquam sic colitur totis affe-
ctibus hospes;

In laribus putat esse suis qui ve-
nerat exul;

Pauperibus victus, nudis non
defuit amictus.

*Ita sermo Dei vivus & efficax & pe-
netrabilior omni gladio ancipiti in eo
fuit, ut quisquis decretorum ecclesie
violator extitisset, si post commonitio-
nem contumax & quasi lapidatus
cordis duritia fuisset, poenam perdu-
rationis sue portaret, in quem episco-
pali auctoritate maledicta congeffisset.
Vnde scriptum est:*

Nam sumus experti, quicumque
fuit violator

Ecclesie, postquam hunc feriens
anathemate vinxit,

Corpore & exclusit sacro vel
sanguine Christi,

Ivit in exitium, resipiscere ni
properasset.

Si rabie caruit, sed non prurigi-
ne turpi

Et reliqua scabie quam postea
nemo piaret:

Aut

Aut fregit collum, aut amatos
perdidit artus.

Talis erat reprobis, tam formi-
dabilis omni

Perjuro prædoni; fur nec perfidus ausus

In faciem venisse suam.

Quando à maioribus negotiis ad quietem evadere poterat, ad sanctum Iohannem se conferebat, & in domo adharente interiori clauistro, quam sibi edificaverat, dum erat ibi tanquam in familiari sinu operis sui, orationi & pauperum alimonie vacabat. Ibi tabellariis & scriptoribus scribenda dictabat. Epistolam operis eius, sententia valetudine & ornatu verborum lucidam, de pueritia Sancti Lamberti, & merito Lamboaldi confessoris & Landerade virginis, oppido Flandriae Gandis in ecclesia Sancti Bavonis legi, & visum est nobis copia dicendi stylū ipsum maiestati personæ convenire:

Et ideo loca ipsa in quibus scripta ipsius
vel de ipso reperiuntur, & versus a-
liquos, antiquitatis de multitudine
acceptos, eisdem verbis, & metro quo
in antiquis libris inventi sunt, anno-
tare curavimus, ne ex favore magis
quam ex cognitione loqui videamur.
& in assertionem veritatis, si in com-
mendatione bonorum quæ ipse fecit
stare vellemus, & valeremus, peccare
nos non crederemus. Ab ordinatione
enim sua per annos sexies sex, hoc est.
triginta sex, in episcopali opere labo-
ravit, & tunc cursu consummato fide
servata, septimo annorum senario, ad
sabbathum quietis dispositionem car-
nis migravit. Vnde scriptum est in
versibus prædictæ antiquitatis.

Præfuit ecclesiæ per decem lu-
stra vel annum.

vel ibi pro & posito. Et quia sine do-
lore non perditur, quod cum amore
possidetur: tota civitas, tota patria
obsequio

obsequio funeris affuit; senes cum iunioribus, pusilli cum magnis affluunt de castellis & oppidis. Clerus tanquam familia spiritualis ad plangendum suum patrem familias convenit; & ut breviter dicam, de tota regione ceteratim ruunt ad flendum super eum qui vixerat letitia multorum. Ita non sufficit vespere & mane dies unus ad solemnitatem exequiarum; quia quilibet principalium ecclesiarum quas ipse in civitate fecerat vel perfecerat, ad vitandum ingratitude humanum se debere singulares exequias professus est. Prima igitur dies luctuosa celebritatis in ecclesia Sancti Lamberti deducta est. Secunda in ecclesia Sanctae Crucis. Tertia in ecclesia Sancti Martini. Quarta in ecclesia Sancti Pauli. Quinta in ecclesia Sancti Ioannis, ubi ipse supremo voluntatis suae testamento, in signum servata usque in finem humilitatis,

in

in angulo cryptæ humilioris in Oratorio Sancti Hilarii sepeliri constituit. quod & factum est. Præscripta & plura alia clarius habentur in gestis pontificum Leodiensium. Sed præter eâ Notgerus præscriptus multa magnalia & opera bona in istis & aliis partibus operatus est, quæ non sunt scripta in gestis pontificum prædictis. Utinam plures tales episcopi modernis temporibus invenirentur.

Non procul ab hac D. Ioannis æde, in eademque insula (quales Mosam in varios divisum alveos facere, jam demonstratum) quæ est etiam omnium maxima, templum est aliud pulcherrimum D. Iacobo dicatum, à Balduino Episcopo erectum ann. MXIV, ut idem refert Sigebertus Gemblacensis. Sunt omnino in hac urbe octo insignia Canonorum collegia, parochiales Ecclesiæ triginta duæ, unde
ejus

ejus amplitudinem colligas, & ipsa
quatuor Fratrum mendicantium
contubernia, Franciscanorum et-
iam duplicatum. *Aula*, quæ è re-
gione Divi Lamberti est, funda-
mentum posuit Erardus à Marca,
operum magnitudine sat notus,
idemque absolvit celeritate admi-
randa, ut Imp. Carolum V. Aug.
in ea exciperet: magnum vero il-
lud opus & sua mole spectabile,
nec reliqua cultus delicatioris in
eo desiderantur. Sed *viridaria* in
primis mirabamur, in quibus plan-
tæ lectissimæ, eoque ordine dispo-
sitæ, ut nihil fieri posse elaboratius
judicaremus. Quis fontium præ-
terea amœnitate non summopere
delectetur, pulchrisve structuris
ex diverso marmorum genere
compositis? unde aqua, magna e-
rumpens copia, gratissimum etiam
frigus vicinis conciliat porticibus,
&

& ejus late per fornices relabentis
volutant murmura. In hac aula ha-
bitavit ipse ejus conditor, & reli-
qui omnes ab eo Episcopi, cum
ante id tempus nulli esset certa
sedes. Ipsi autem ex Romani Im-
perii Principibus sunt insigniti ti-
tulis Ducatus Buillonii, & Comi-
tatus Loffensis, & ampla admo-
dum est eorum ditio, quæ com-
muni nomine Leodiensis, sumpta
ab hac ipsa urbe appellatione, di-
citur. Vnde sit *Leodio* nomen, no-
bis non constat, ac ut de eo multæ
circumferuntur opiniones, ita ni-
hil quod cujusquam videatur mo-
menti. Vernaculo sono *Liege* effe-
runt; voluntque nonnulli sic ap-
pellari rivulum, qui per forum
fluit ex proximis ortum ducens
collibus: sed hæc opinio à paucis
recipitur. immo si ille rivulus no-
men habeat, à maxima parte igno-
ratur.

ratur. Et hæc quidem de publicis operibus, quantum huic narrationi sufficiat. quis vero enumeret quantum privati ornatus in singulis Canonorum, & virorum doctorum, quibus in primis hæc abundat civitas, ædibus passim reperias? ac ut ipsas ædium è solido marmore moles prætereas, quis non mirifice oblectetur *tot hortorum ac viridariorum amœnitate?* quæ vel in planitie juxta aquas, vel in ipsis collium qui huic impendent jugis, suos quoque habent *fontes*, & pulcherrimo fruuntur tantæ urbis prospectu. hinc oriente die tot clarorum ædificiorum culmina assurgere, eadem decedente paullatim capita submittere videas. Quid refertissimas dicamus bibliothecas, picturas, statuas, easque vel hujus memoriæ artificum, vel antiquas? ita ut in

X

hac

hac sola urbe videre contingat, quæ magno vix labore in diversis Orbis terrarum partibus peregrinando reperias. Cujus quidem rei vel solæ fidem faciant, pulchræ illæ ædes, quas *D. Lævinus Torrentius*, vir eximius, & nostro hoc sæculo Lyrici princeps carminis, suo sumptu exstruxit: in quibus, ut loco ab omni ea parte aperto, quæ ad salubritatem requiritur, adjutus, ita singulas earum partes congrue disponendo (ut in eo *Lamberti Lombardi*, pictoris quondam & philosophi celeberrimi inter Eburones, felicem in architectura manum agnoscas) singulisque sua aptando ornamenta, est adsequutus, ut his amœnius nihil esse possit, nec quamvis non ita amplo in spatio laxitatem desideres. Sed has præcipue honestat ipse, comitate erga litterarum studio-

diosos singulari, & insigni biblio-
 theca librorum etiam manuscri-
 ptorum, æreis præterea imagini-
 bus antiquis, ac vasis, figuris hie-
 roglyphicis circumquaque insi-
 gnitis, ejus capacitatis qualia nun-
 quam antea videramus. numisma-
 ta vero antiqua ea habet tum co-
 pia, tum raritate (vocabulum in-
 ter ejus rei studiosos notum agno-
 scis) quibus ipsa invidere possit
 Italia: nec enim alibi plura Roma-
 narum gentium facile reperiri pos-
 se nomina existimamus. Secun-
 dus ab hoc sit in antiquitatis stu-
 dio *D. Arnoldus à VVachtendonck*;
 in eo enim & ipse egregie versa-
 tus, & antiquitatis instructus est
 non exigua supellectile: cando-
 rem vero ingenii, cum pari cer-
 tantem eruditione, quis in eo sa-
 tis amaverit? *Claret & Dominici
 Lampsonii* singularis eruditio, &

in carmine vel Latino vel Græco
castitas & acumen, in hac eadem
civitate; quæ & nuper admodum
Caroli Langii sui funus extulit,
magno cum omnium bonorum
desiderio. Et, si quis singula revol-
vat tempora; vix ullum fuisse
comperiet, quo sua hæc non ha-
buerit præclara quædam lumina.
Sed longius fortasse sumus pro-
lapse, quam hæc ferat narratio,
dum amicitie indulgemus, & ab
amicorum virorum consuetudine
ægre divellimur. Hac ergo urbe
nobilissima juxta & amplissima sic
summatim lustrata, visum est

TVNGRORVM OPPIDVM

III abhinc distans M. petere, quam-
vis in eo susceptæ peregrinatio-
nis tenorem invertentes, ne tanti
quondam nominis locum negligere-
mus. In itinere visuntur multis
in

in locis ruinæ turrium, quas putabamus tempore Francorum, qui hos olim agros incolebant, speculas fuisse. forma apparent quadrata, ac rudioris structuræ, & sunt in locis eminentioribus omnes, vel tumulis ad id ipsum, ut videtur, aggestis impositæ. Illi vero tumuli tres juxta proceras arbores sensim fastigiati, & virides, ejusdem videntur argumenti cum eis, quos supra descripsimus: & fidem faciunt omnium fere ætatum historiæ, quantum his in locis sit bellatum, dum Galli patriam libertatem acerrime propugnant, & *pulchram petunt per vulnera mortem* (ut inquit ille) sed hostium tamen magnos linquentes cladis acervos. Ipsum porro oppidulum (nihil enim aliud nunc restat ex tam clara olim urbe) ad Iecoram est fluviolum, qui juxta Trajectum in

Mosam influit, situ omnino eminenti, & circumquaque sensim acclivi, desinenteque in paludes, aut profundas convalles: ubi ab una parte, qua magni & tortuosi anfractus, Oceani brachium ipsos muros quondam alluisse vulgo creditur. Ad cujus rei fidem allegant, majorum suorum memoria, nec ita longo abhinc tempore, adhuc in usu fuisse in distinguendis ea in parte agrorum limitibus, vocabulum *Zeedeick*, quo passim appellant aggeres ad coërcendum maris impetum congestos. Alii, & fortasse verius, stagnum fuisse, vel lacum malunt, cum idem *Zee* vocabulum, Germanis superioribus in primis, pro stagno sæpius, vel lacu accipiatur. Urbis hujus amplitudo quanta olim fuerit, ut ex historiis constat, ita ejus quæ hodieque restant murorum rudera,

ra, id ipsum manifesto ostendunt, quibus ab una adhuc parte longo circuitu ambitur. ac inter ea & recentiore murum, qui oppidulum nunc claudit, plurima quotidie eruuntur ædificiorum fundamenta, plurima & antiquitatis monumenta, nummi, gemmæ variis insculptæ figuris, vasa fictilia: inscriptiones, aut statuæ paullo majores raro, ut nec in ipso oppido quidquam ejusmodi videas; nisi quod in sacellulo rotundo, quod juxta summum templum est, & à Divo Materno ædificatum referunt, nonnulli & Romanorum esse opus existimant, vidimus muro insertum lapidem vetustate adæsum, in quo vestigia apparent imaginis imberbis galeatæ ac cristatæ, dextra hastam, sinistra vel clypeum, vel gladii capulum tenentis, quam fortasse Minervæ

imaginem non incommode dixeris. Ipsi incolæ Herculis esse putant, cuius & caput esse in alio muri ejusdem lapide, cum tamen manifesto Gorgonis esse faciem anguinei crines, nodo sub mento collecti, arguant. Sed vulgi is error, temere rebus ignotis nomina affingere: & fortasse in eo quoque falluntur, quod fontem illum, qui non procul à vetere muro est, eundem esse autumant, cuius Plinius lib. suæ historiæ xxxi meminit; in eo Plinii loco civitatis nomen, quo potius usus videtur in propria significatione, pro oppido accipientes. ut idem sane sit; multum ab eo sapore, quem diserte explicat ille, degeneravit: de efficacia ipsi viderint. nec admodum movemur, quod eo levatos esse multos referant: hallucinantur enim homines in applicatione causarum
rum

rum ut plurimum, & sæpe medicinae acceptum ferunt, quod natura sua quadam vi sine cujusquam adminiculo perfecit. Hæc fere sunt, quæ hac ætate restant ex antiqua illa & famosissima olim *Tungrorum* urbe, quæ quondam principem in Germania secunda locum tenuit, à *Tungris* illis proculdubio nomen sortita, quos *Cornelius* primos fuisse, qui *Rhenum* transgressi *Gallos* expulerint, & se nunc *Tungros*, nunc *Germanos* nominasse tradit, *novo, & tunc primum addito* [alias, *audito*] *vocabulo*. quod quidem tempore *C. Cæsaris* jam erat vulgatissimum, oblitterato priore illo, cujus in suis *Commentariis* prorsus nullam facit mentionem: sed has ipsas sedes *Eburo-nibus* tribuit. Quos cum magnis aliquot præliis superatos, vicinis nationibus direptioni exposuisset:

veri-

verisimile est, ejus gentis reliquias, ubi paullatim ad suas sedes se recepissent, abjecto Eburonũ nomine, quod Ambiorigis casus odiosum omnino & capitale apud victorem exercitum effecerat, vetus Tungrorum resumpsisse: quod apud Tacitum, & posteriores inde scriptores, ad hanc usque memoriam, tam est celebre, quam de Eburonibus perpetuum silentium. In quo Cæsar quod volebat, ne quid ejus obstaret felicitati, est adsequutus, ut nomen civitatis ac stirpis extingueret. Ceterum quid hoc loco olim fuerit, vel quando primum hæc urbs fuerit condita, veteres nobis incertum reliquere. Est in libello, qui sub Antonini Pii nomine circumfertur, Itinerarium, quod *Castello*, nunc *Cassel*, in finibus occiduæ Flandriæ, *Coloniæ Agrippinam* ducit, in qua *Per-*
vicia-

viciacum esse, quod nunc *Pervues* dicunt, & nomen, & locorum ordo, & ipsa adeo convincit distantia. Hinc ad M. pass. XIV *Aduacam Tungrorum* (sic enim potius legendum putamus, quam *Ad Vagan Togrorum*, ut nonnulla habent exemplaria) subjungit. Vt *Tungrorum* hoc oppidum sit, in numero quidem passuum errorem esse, erit necesse; esset enim longe justo minor; non videmus tamen quem alium potius esse locum existimemus. Nam quamcunque tandem hic libellus ætatem referat, hoc oppidum diu ante stetisse, nemo inficias ibit. & in eo omnes consentiunt Historiæ, longe esse antiquius *Cameraco*, *Iuliaco*, & reliquis, quæ in eodem recensentur Itinerario, & quidem potens & amplum fuisse. Cumque in eodem sit tractu, per quem *Castello*
vel

vel Perviciaco Coloniam petentibus sit faciendum iter, non videtur in regia illa via silentio præteriri potuisse: & facilius fuit scribam in numeris errare, quam ut tantæ urbis nomen omisisse credamus, ut in hoc eodem libello, eorundem prorsus locorum distantiam, aliter atque aliter notatam, videas. Quid vero prohibet quin huc Ptolemæi Ἀττάκων, vel quomodocunque legatur, & Cæsaris item *Atuatucam* referamus? (sic enim vetustiora habent exemplaria, non ut nunc legimus *ad Vatum*, contra Latini sermonis consuetudinem, nec reperitur in alio casu hoc vocabulum in ejus commentariis, quod sane dubitationem hanc tolleret.) Videntur enim illa in idem recidere, nisi quantum vulgi imperitia temporis successu tandem, in priorum nomi-

nominum prolatione, quod ipsum
& hac memoria usuvenire vide-
mus, immutat; ut non mirum sit,
Romanos, aut Græcos homines,
diversis temporibus in eorum scri-
ptura variasse. Hæc si ita sint, jam
habemus quid de hoc dicamus op-
pido: *Castellum* videlicet fuisse,
etiam ante Cæsaris in Gallias ad-
ventum; quod cum loci natura
esset egregie munitum, Romani
in eo duces suos milites in hiber-
nis continebant: & hinc fortasse
paullatim sumpsit incrementa, quo
tempore Galli, qui antea diversi
ut plurimum, & ut cuique com-
modum videretur, in agris casas
habebant, nulla habita viarum aut
munitionis ratione, bello sæpius
laceffiti, oppida claudere, & sua
in ea quæ salva esse vellent com-
portare, cœperunt. Sic & aliis quo-
que in locis ex castris factas tan-
dem

Y

dem

dem urbes legimus. Sed hæc ex conjectura. Si quis vero curiosius singula Cæsaris verba expendat, quibus de Atuatuca facit mentionem, reperiet, cum nullo melius, quam hujus ipsius oppidi situ, tum loci natura convenire. Vt enim dispositionem illam hibernorum, de qua lib. v. agit, diligentius attendas, quæ millibus passuum centum continebatur: non potuere illa Q. Titurii Sabini, & L. Aurunculeii Cottæ castra ad Rhenum propius esse, ut & hac ratione in mediis Eburonum finibus dicerentur, & tamen Rheno subesse, respectu aliorum hibernorum, quæque prima Germanorum impetum exciperent. Huc accedit, quod Sicambros ad diripiendos Eburones evocatos, ubi Rhenum transissent, longius progressos refert, ut ad hunc venirent locum: nec hominibus

nibus in bellis & latrociniis natis, paludes dicit, aut silvas in mora fuisse, neque prius visos à Romanis militibus, objectis ab ea parte silvis, quam castris appropinquarent. Sic enim ab ipsis incolis accepimus; omnem illam regionem, quæ ad Mosam vergit, ad ipsum usque oppidum, silvam quondam ingentem, & continuam fuisse, ita perplexam, & impeditam, ut unius vix diei itinere, ad eum fluvium penetraretur. & hæc quidem erant, ante conditas urbes, Gallorum propugnacula. Valles præterea magnas, & colles in his locis non desideraveris, ut omnia quadrent Cæsaris descriptioni, quæ facilius agnosceret quisquis tam elegantem ac munitum urbis situm diligenter expenderit. Tungris Leodium revertimur, & hinc per *silvam Arduennam*, pagum vulgo

S P A

dictum, ob fontes acidos celebrem, qui v distat M., perivimus. Ad medium fere M. pagus est *Cenei* dictus, & in eo pons lapideus, ad quem Vesa fluvius Vtam alium amnem recipit, & juncti Leodium petunt. Hinc *Louvegnie* pagus, & ipsa *Spa* in profundissima valle, præruptis ab omni fere parte circumcinctus montibus, ædificiis plurimis, etiam ultra quam ferat pagi conditio, excultus, ad excipiendos advenas, qui è longinquis regionibus ad hos medicatos fontes confluunt: estque eorum ab initio statim æstivi temporis ad ipsum usque hiemis initium maxima in eo frequentia. In medio foro fons est itidem acidus, quem Sancti Remacli nuncupant, ab Episcopo Leodiensi, cui & pareret

ret hic locus, opere decoratus marmoreo, & inscriptione: SANITATI SACRVM. Illi vero fontes omnium celeberrimi in altissimo sunt montis jugo, inter silvas, ad medium fere M. ad quos arduo omnino & lapidoso itinere ascenditur, vehementi totius corporis exercitatione, quod ipsum ad recuperandam valetudinem, naturæque excitandum vigorem non minimi videbatur esse momenti. His fontibus nomen est apud vulgus *La Saviniere*, quo & montem nuncupant, è quo erumpunt: aquam vero *pohon*, quod nobis *poison* interpretabantur eadem ratione, qua quod ceteri Galli *maison*, ipsi sua lingua *mahon* proferunt; rationemque reddunt, quod ante exploratum ejus usum & naturam, letalem eam judicarent: hanc vero suam linguam vernaculam, *Roma-*

Y ;

nam

nam adhuc vocant, & Germanos *Tischons* appellant, vetere scilicet *Tuisconum* vocabulo, & multas adhuc voces retinent ex veteri illa lingua, suam propius accedente ad originem, quas nostra hæc politior jampridem explosit. Ceterum hos fontes nemo melius descripserit quam ipsis C. Plinii verbis lib. xxxi. ubi inquit: *Tungri civitas Gallia, fontem habet insignem, plurimis bullis stillantem, ferruginei saporis, quod ipsum non nisi in fine potus intelligitur; purgat hic corpora, tertianas febres discutit, calculorumque vitia; eadem aqua igne admoto turbida fit, ad postremum rubescit.* Stabulense hinc Monasterium, vulgo

S T A B L O,

in profunda itidem valle ii distat
M. ad Amblevam fluviolam, qui
Vtæ

Vtæ conjunctus ac postmodum
 Vesæ fluminibus, Leodii Mosæ
 miscetur. Abbatia est magni no-
 minis, & in primis dives, diœcesis
 Leodiensis. Abbas inter Romani
 Imperii proceres recensetur. Man-
 sit hæc dignitas longo jam tempo-
 re in familia Comitum à Man-
 derscheit, ex qua erat Guilelmus
 Abbas *Stabulensis*, & *Prumiensis*.
 (quod potens est, & opulentum
 aliud in hac eadem Arduenna,
 versus Treviros cœnobium) qui
 arcem contra montem, è regione
 hujus cœnobii construxit, ut ha-
 bet ejus epitaphium quod in me-
 dio templo legimus. Obiit ann.
 MDXLVI. In hac arce Acta publi-
 ca, libri manuscripti, ac Ecclesiæ
 supellex pretiosior asservatur: in
 eadem est monetæ officina, & ipsi
 ibidem ut plurimum habitant Ab-
 bates. qui vero nunc rebus præest,

ex eadem est Comitum familia. Templum incendio deformatum est. cum enim diruto vetere, quod ruinam minabatur, novum magna lapidum ac lignorum mole ædificarent, opus fulmine ictum conflagravit, atque eo casu interruptum manet. Sunt & circa hoc cœnobium alia ædificia in eadem valle, quæ oppiduli formam constituunt. Dictum volunt *Stablo*, quasi Luporum stabulum, quod tempore Divi Remacii, nihil aliud hoc loco esset, quam stabula alta ferarum. Et vulgo narrant, Remacium eundem, cum monasterium hoc conderet, asini usum ministerio ad comportandam materiam: quem cum devorasset lupo, Remacium lupo damnassee ad subeundas asini vices, eumque semorigerum omnino præstitisse. atque ea de causa lupo onera portantem

rem effigiari in hujus loci insigni-
bus. Hospes, ad quem divertera-
mus, dicebat, se ejusdem aliquan-
do lupi exuvias vidisse, appensas
intrinsecus ad veteris illius templi
vestibulum; & cum id diruerent,
se eas attrectasse, magna incola-
rum frequentia, qui ob id ipsum
eo concurrerant; verum ob mul-
tam vetustatem vix dignoscere
potuisse, cujus eas esse animalis
dicerent, usque eo, ut nonnulli
porcinam potius pellem judica-
rent. Hinc ad medium fere M. pa-
gus est *Vuannen* contra montem,
Stabulensis ditionis, & hinc alius,
sed exiguus, in valle, quem *Le-
devac* nominabant, ad rivulum
quendam, cujus nesciebant no-
men; limitem tantum esse assere-
bant Ducatus Luxemburgici. In
quo quidem Ducatu primum hoc
itinere occurrit *Salm* pagus in
monte

monte situs, inter rupes tamen altiores, loco arduo, & ascensu difficili. Comitatus titulo habetur. Et paullo longius arx est ejusdem nominis inter duorum montium angustias, in monte etiam, sed paullo humiliore. in valle sunt castræ aliquot, & rivulus. ad quem excinduntur lapides nigri fissiles ad integendas domos; vulgo *ardoises* vocant: & hujus loci præcipue commendantur. Hinc per eandem Arduennam, itinere aspero admodum & saltuoso,

H V F A L I Z A M

venimus, quod oppidulum est ad III M, ut reliqua fere hujus regionis, in profunda valle ad Ourtam fluviolum. arcem habet colli impositam, & Abbatiam. Vbi legimus epitaphium hoc, in monumento lapideo:

CHI

GALLO-BRABANT. 263

CHI GIST MESSIRES THIERIS SIRE
DE HVFALIZE, KI DEVIAT LAN DE
GRASSE MIL HE CC. QVATRE.

Imago est viri, cum leone ad pedes, clypei insigne crux aurea in campo cæruleo, crucibus resperso minutioribus ex eodem metallo. Erant & alia in eadem æde monumenta, quorum inscriptiones ob vetustatem legi non poterant, nec de eis percunctati quidquam resciscere potuimus. Hinc ad II M.

BASTONIA

est oppidum loco satis plano, & quidem paullo cultiore: vetustum non esse asseriebant ipsi oppidani, ac vix annos cccc stetisse, ante quod tempus nihil hoc loco esset præter agricolarum casas; incrementum vero fecisse ob mercatum rei potissimum pecuariæ ac frumentariæ; confluentibus huc mercato-

catoribus ex omni Arduenna, & locis circumjacentibus: ita ut non improprie *Emporium* hoc *Arduenna* nominaveris, vel ut ipsimet loquuntur, *Paris en Ardenne*. Forma est oblonga, & unica fere platea, ædificiis ab utraque parte bene cincta continetur, per quam ab una porta ad alteram paullum ascenditur. unicum habet templum Divæ Genitrici dicatum, & Cruciferorum cœnobium. Hinc perfecti ad III M.

M A R T E L E N G A M

venimus, qui pagus est in valle ad Suram, vulgo *Saur*, fluviolum, qui ad oppidum *VVasserbillich* Mosellæ miscetur. *Arlunium* hinc oppidum III distat M. ac medio fere itinere extremas Arduennæ partes constituunt hujus regionis incolæ. quod ex pulchriore agrorum aspe-

GALLO-BRABANT. 265
aspectu ac fertilitate volunt colli-
gi, desinente paullatim Arduennæ
horrore. de qua, antequam reliqua
aggrediamur, locus admonet pau-
ca subungere.

A R D V E N N Æ

nomen est proculdubio antiquis-
simum, & Gallicum. C. Cæsar sil-
vam dicit, quæ magnitudine in-
genti per medios fines Treviro-
rum à flumine Rheno, ad initium
Rhemorum ac Nervios pertine-
ret, patens in longitudinem milli-
bus amplius quingentis: & reliqui
antiquiorum eandem fere descri-
ptionem sunt sequuti. Hac ætate
longe angustiores habet limites,
sic temporis successu multis in lo-
cis excisa, ad sementem facien-
dam, vel ad alios usus, (quod ipsum
hodieque fieri videmus) ut maxi-
ma ex parte silvæ nomen amise-
rit,

Z

rit,

rit, quod ei potissimum parti remansit, quæ est circa fanum D. Huberti, & oppidum quod vulgo *Marce en Famine* nuncupant, ubi adhuc est continua silva procerarum arborum, fagorum præcipue, & annosarum quercuum. & hæc cis Mosam, ultra quem silvæ adhuc multæ, quæ hujus olim partes cum fuerint, nunc à reliquo veluti avulsæ corpore, alia etiam sortitæ sunt nomina: & hoc quidem tempore Arduennæ nomen Mosæ terminatur. Reliquam porro partem, cis Mosam dicimus, quæ pro silva non habetur; vulgo Arduennæ regionem, & sua lingua *Le país d'Ardenne* nuncupant, in qua sunt oppida illa, & pagi, quæ jam attigimus. Omnia hic saltibus, & dumetis horrida: raro proceriores silvæ, atque ea solitudo, qualis in nulla alia Belgicæ nostræ

nostræ parte. Et hoc quidem itinere, præter ea quæ jam nominavimus, vix rusticorum tuguriola occurrunt, sicubi in convallibus, ad aquarum rivulos prata, aut locus sementi paullo commodior. Serunt autem avenam ut plurimum, nonnunquam & siliginem, eradicatis magno labore saltibus, quorum & cineribus stercoreationis vice utuntur. nec vero terra ultra triennium sationi sufficit, quo exhausta omnino ad annos xxvii, aut eo amplius inanis manet, ut vires resumat: quo temporis intervallo priorem rursus induit faciem, & denuo idem resumendus labor, ut ad sementem præparetur. Triticum ferre nequit, atque ea de causa ipsi regionem tritici feracem sua lingua *Le blanc país* nuncupant. Habet multis in locis fodinas ferri, ac car-

bonis lapidei, quo fabri præcipue in officinis utuntur, quemque sub Alberto primum antistite, qui Leodiensium erat xxxv, & anno ciccxcix diem obiit, à fabro pauperculo monstratum refert Placentius; lingua vulgari *Hoville* vocant. De fontibus acidis jam diximus in descriptione pagi *Spa*. Sunt certe in his locis plurimi, ut sapore vario, ita diversæ, ut ipsi asserunt, naturæ, sed tamen ferrugineum quiddam referentes omnes. Nam quod pagi illius incolæ conantur persuadere, fontes suos ab auri venis saporem, quem habent, obtinere, atque nonnunquam ad montem quendam juxta pagum eundem cerni exhalationes è terra quibus filices minutulis quasi auri guttis inficiantur: ob hoc dictum existimamus, ut suorum fontium, quam maxima sit
apud

apud exteros commendatio, ac eorum maiore frequentia celebrentur. Sunt his in locis homines parvo viventes, & laboriosi, salubri sane corpore, & longævi, ita ut centesimum annum attigisse, non sit rari apud eos exempli. probitas est ut eorum, qui suo contenti, ac ut non multum suos excedunt fines, ita nec aliarum nationum delicias expetere videantur. Sed ad susceptum iter revertamur.

A R L V N I V M

loco est eminenti omnino, quem tamen montem dicere nequeas. ascenditur ab omni parte æquali clivo. Incendia jam aliquoties per tulit, quo casu effectum, ut maiorum ædificiorum ruinæ, supra reliquas exstantes domos, primo aspectu speciem admirandam exhibeant; ut est nonnunquam in

Z 3

de-

deformatione etiam ipsa pulchritudo, & sæpius casu nata varietas oculos magis detinet, quam vel arte elaboratissima opera. In oppido ipso nihil est quod admodum mirere, præter has ipsas ruinas, ad quarum fundamenta, inscriptiones antiquas plurimas, & Deorum gentilium simulacra, quibus Illustrissimus Comes Petrus Ernestus Mansfeldensis fontē suum Luxemburgii decoravit, eruta narrabant, & nonnullis quoque in locis reperta antiqua numismata. De ejus tamen nomine, aut antiquitate, nihil habemus, præter vulgi opinionem, asserentis, ab *ara Luna*, quæ Dea hoc in loco colebatur, nomen sumsisse. ut reliquos item planetas peculiare suas sedes habuisse in hoc eodem Ducatu, quarum hodieque appellationes adhuc restare. Historia Egd-
berti

berti archiepiscopi Trevirensis
Arralunum castellum vocat, Comi-
tatus titulo insigne. Hinc qua Lu-
xemburgum iter est IIII M. silva
est alta, & supra modum amœna,
in qua Nobilium monialium cœ-
nobium, pascua, & agri fertiles,
pagi aliquot, inter quos *Steynesfurt*
dictus vicus, ac tandem apparent
urbis ipsius turres & culmina. Ut
primum urbem sumus ingressi;
(quandoquidem & singulorum
quæ nobis in hoc obvenerunt iti-
nere, rationes tibi reddi expetis)
Ioannem Moslinium, virum amœ-
ni & elegantis ingenii, qui ex fa-
milia est Philippi regis, nobis ve-
ro, ob animi candorem, amicissi-
mum, adventum nostrum præsto-
lantem offendimus, cui Illustris-
simus Comes injunxerat, ut nos
ad se deduceret. in quo & parui-
mus, & summa excepti benevo-

lencia, totum illum diem apud
eum fuimus: quin meliore quoque
noctis parte variis sermonibus,
ultra citroque habitis, & de re ma-
thematica potissimum, qua Illu-
strissimus Comes apprime dele-
ctatur, consumpta, ibidem & per-
noctavimus. Ampla autem est pla-
nities, ad quam ex urbe qua ad
Septentrionem vergitur, descen-
ditur, altis undique incincta mon-
tibus, quorum qui recta urbem
spectat, domum ipsam, quanta-
cunque ea est, sinu quodammodo
videtur excipere, sic bona ejus
parte ad id excisa, & prorsus ad-
æquato siquid erat acclive. In quo
amœnitati belle consultum, (quid
enim tantopere oculos oblectat,
ac rei cujusque novitas?) & effe-
ctum, ut lapides ad tantum opus
non sint aliunde quærendi. Hoc
sane modo tam magna moles mul-
tis

tis tandem operis paullatim assurgit, ipso Illustrissimo Comite singula præscribente. Sed præter cætera, quæ, ut pro tam magnificæ domus captu, constructa jam, aut assurgere adhuc videas, porticus in primis amplas mirabamur, quas, dum nos per singula ducit, se ad id destinasse dicebat, ut in eis reponeret, quæcunque nanci-
sci posset antiquitatis monumēta, quorum magnam jam habet copiam, ex diversis locis, & Arlunio in primis, ut jam diximus, petitam: unde veluti antiquitatis coloniam huc deduxisse videtur, nec ullo alio in loco Arlunium illam antiquam quærendam esse. Sunt autem maxima ex parte simulacra Deorum gentilium, & epitaphia, quæ in crepidine fontis illius pulcherrimi, ac claritudinis eximiæ, quo dilectæ quondam conjugis Mariæ

Mariæ de Montmorenci memoriam sancte conservat, crebro ad Mariæ fontem (sic enim nuncupavit) adventando: sic sunt pari intervallo disposita, ut liber sit ab omni parte ad singulos lapides accessus. ex his Inscriptiones nonnullas, quibus temporum injuria minus nocuerat, visum est huc referre. Sed ipsam prius inscriptionem, qua Illustriss. Princeps fontem hunc suum decoravit, audiamus.

QVISQVIS HVC ACCEDIS, SI TE AESTVS
SITISVE VRGET. HIC AESTVM QVIE-
TVS VITATO. SITIM PRONVS EXTIN-
GVITO. AQVAM MANV HAVRITO. OS
LAVATO. AT PEDE NE TVRBATO. NV-
DO CORPORE NE POLLVITO. QVIES-
CENTIBVS ENIM CARISSIMAE VXORIS
MANIBVS TRANQVILLAM VNDAM SA-
ERAVIT. MARIAE DE NOMINE MA-
RIAE FONTEM NVNCVPAVIT. AETERNI
SVI AMORIS TESTES LATENTES VASTA
SVB RVPE LYMPHAS ERVI. VIVO LAPIDE
CINGI.

GALLO-BRABANT. 275
CINGI. AETERNASQ. FLVERE IVSSIT
P. E. C. M.

Inscriptiones vero antiquæ sic se
habent:

D. M. IVRCINIVS D.
RINDO ET CALEN
AGATILLVS VXO
R F. C.

D. SEXTINIO M.
SECUNDINO
CONIVGI. DE
FVNCTO. ET. SE
VERIANO. ET
SATVRO FILIS
VIVIS PRIMVLIA
SATVRNA. ET. SI
BI. V. F.

[Præcedentem Inscriptionem Boissar-
dus Grutero, pag. DCCCXXVIII, 4.
communicavit, ex ara quæ Luxem-
burgi in domo Comitis Mansfeldii.
Ut & sequentem, scriptam in ara
quadrangulâ adibus eiusdem Co-
mitis, pag. DCCCLXXXIX, 8.]

AVE.

AVE. SEXTI
IVCVNDE
VA. E. SEXTI
IVCVNDE

MAERNIVS (i. e. MATERN.) MARI
NVS SIBI ET CENSOR
INIAE FAVSTINAE CO
NIVGI DEFVNCTAE.

D. PENAVSIO LAGANE M.
= DONI = ASSE MONIMEN
= VM FILI FACIENDVM DE
SVO CVRAVERVNT

D. M.
DAGVO DAC
SILLVS X EBTIO
CATOS VIVO FECI.

D. M.
ATTIANI
MEMMOLI.

|| ATRI || PATRIBVS ||

Ex

Ex hac planitie qua in urbem
primum ascenditur, unico omni-
no clivo, pons est lapideus supra
Alizuntem fluvium, vulgo *Alsit*,
& in rupe demum alta & prærupta
ab utraque parte ruinæ fornicum
arcis veteris, quæ

LUXEMBURGVM olim, vel, vt ma-
lunt alii, LVTZELBURGVM,

& urbi nomen dedisse fertur. nihil
enim hoc loco fuisse tempore O-
thonis Magni Aug. præter castel-
lum, quod Sigifridus quidam, sive
Gilbertus Ricuini Arduennensis,
in historiis satis celebris, filius,
cum ab Abbate cœnobii Sancti
Maximi Trevirensis obtinuisset,
eo ampliato, consensu Brunonis
Ducis Lotharingæ, qui ejusdem
Imp. Othonis frater erat, Comita-
tum Luxemburgicum instituit.
Venceslaus tandem frater Ioannis

Aa

Lu-

Luxemburgici ex auctoritate Caroli IV Aug. cujus erat patruus, Ducatus titulum assumpsit. Hic & ruinas videas cœnobii vetusti quod vulgo *Munster* vocant, atque hinc paullatim in urbē ipsam, quam recentiorem nuncupant, ascenditur. Vetus enim quæ dicitur, ad hujus rupis radices à sinistra, in profundissima valle, pro suburbio nunc habetur. ea enim cum ob undique impendentes montes præaltos, ægre defendi posset, pro ea qua nunc utuntur oppugnationis ratione, placuit in eorum altiore, unde plurimum noceri potuit, & urbi & castro, oppidum id condere, quod recens, ut diximus, vocant, mœnibus & propugnaculis egregie munitum, ut ea nunc passim solent erigere ad excipiendos machinarum tormentariorum impetus. Quo primum

GALLO-BRABANT. 279
mum id tempore conditum fue-
rit, nesciebant oppidani ipsi: pla-
num fere est, nisi quod versus ar-
cem illam antiquam paullum de-
scendatur, & ædificiis lapideis sa-
tis excultum; ita tamen ut pluri-
ma adhuc restent incendiorum,
quæ jam aliquoties pertulit quo
tempore Imp. Carolus V Aug. cum
Francorum rege Francisco I bel-
lum gerebat, manifestissima vesti-
gia. Est in eo Franciscanorum cœ-
nobium, quod ex primis fuisse e-
jus ordinis, ex epitaphiis, quæ in
eo visuntur, volunt colligi; ejus
enim ea esse ætatis qua B. Franci-
scus adhuc in vivis erat. Vidimus
hic post summum altare in capulo
ligneo, eoq; aperto, corpus ipsum
adhuc sat integrum Ioannis regis
Bohemiæ, ejus qui Luxemburgi-
cus dicebatur, quod ex incendio
veteris cœnobii, de quo supra

Aa 2

dixi-

diximus , huc translatum ferebant. Erat hic filius Imp. Henrici VII, ac pater Imp. Caroli IV Aug. qui anno sal. MCCCXLIX, dum Francorum regi militat adversus Britannos , in prælio occubuit. Luxemburgo

NANCEIUM

per Mediomatricorum fines cogitabamus: sed cum morbus contagiosus diceretur toto eo tractu & in ipsa adeo Mediomatricorum urbe grassari , atque ea de causa in Lotharingicas urbes non admitti qui illac transissent , necessum fuit vitatis urbibus Nanceium recta petere , quæ hinc XVI distat M., & idem fere iter bis conficere. verum ut in regressu omnia diligentius expendimus , sic ejus post Nanceium suo ordine sequetur descriptio. De *Lotharingia* , ejusque

que nominis ratione supra meminimus. ejus sane metropolis est Nanceium, oppidum non ita magnum, pulchro tamen situ: est enim loco plano, forma fere quadrata, ac Lotharingicorum Ducum palatio clarum, quod Antonius Dux magnifico ædificio ampliavit, & hic Carolus, qui nunc rebus præest, Cœnaculum adjunxit, quod vel trium mensium absolvit spatio, ut in eo Henricum Andegavensium tunc Ducem, dum is ad Polonicum regnum proficiscitur, exciperet. Factæ sunt & in eo exequiæ Claudiæ Valesiæ Henrici II Francorum regis filiæ, ejusque conjugis, nuper admodum defunctæ, more in ea familia usitato. Imago ipsius defunctæ, vivæ quam simillima, regalibus induta vestibus in lecto sublimè collocata erat; ad eam quo-

Aa 3

tidie

tidie mane accedebant famulæ, ac domestici nobiliores, qui circa vivam assueverant, quasi & adhuc dominam salutaturi; Medici etiam ut consultaturi de ejus valetudine: & tempore solito posita ante lectum mensa, cibi apponebantur per eos, qui vivæ ministrabant, pauperibus tamen mox absoluta cerimonia distribuendi. Et hoc XL dierum spatio, quo toto etiam tempore, templa in ipsa urbe clausa sunt, & solita sacra omnia in hoc solo fiunt Cœnaculo, extracto ad id altari. Senatus omnis atratus incedit, atque annum integrum à tripudiis & saltationibus abstinetur. Prope palatium ædes est D. Georgii, in qua monumentum Caroli Burgundionum Ducis, cui hanc dicebant appendisse inscriptionem:

Caro-

GALLO-BRABANT. 283

*Carolus hoc busto Burgundæ glo-
ria gentis*

*Conditur, Europa qui fuit ante
timor.*

*Ganda rebellatrix hoc plebs domi-
tore, crematas*

*Post patria leges, perpete pressa
iugo est.*

*Nec minus hunc sensit tellus Leo-
dina cruentum,*

*Cum ferro & flammis urbs po-
pulata fuit.*

*Monte sub Heritio Francas cum
rege cohortes*

*In pavidam valido truserat en-
se fugam:*

*Hostibus expulsis Eduardum in re-
gna locavit*

Anglica, primo restitues solio.

*Bella ducum, regumque, & Cæ-
saris omnia spernens,*

*Totus in effuso sanguine latus e-
rat.*

Aa 4

Deni-

Denique dum solitis fidit temera-
rius armis,

Atque Lotharingo cum Duce
bella movet:

Sanguineam vomuit media inter
prælia vitam,

Aureaque hostili vellera liquit
humo.

Ergo triumphator longæva in sæcla
Renatus

Palmam de tanto Principe vi-
ctor habet.

O tibi, qui terras quasisti Carole,
cælum

Det Deus, & spretas antea pacis
opes.

Nunc dic Nanceios cernens ex æ-
there muros, (ibi.

A clemente ferox hoste recondor
Discite terrenis quid sit confidere
rebus;

Hic totiens victor denique vi-
ctus adest.

Aliud.

Aliud.

*Dux iacet hic Carolus, Belgarum
illa ignea virtus,*

*Cui Mavors dederat bella ge-
renda pater:*

*Quem timuit subitis animosus
Gallus in armis,*

*Cuique Alemannorum terga
dedere duces:*

*Quique animum Hesperias bellis
agitabat in urbes,*

*Sed subito invertit fors trucu-
lenta viam.*

*Nam cum Ranerium bello sibi pro-
vocat hostem,*

*Occubuit fuso milite stratus
humi.*

*Qua ne tanta viri laus intestata
iaceret;*

*Hoc victor victi condidit ossa
loco.*

*eCCe Leo CeCIdIt, IaM paX
qVasIta VIgebIt.*

Cor-

Corporis ejus reliquias, Maria Caroli V Aug. soror an. Sal. MDL hinc transferri, & Brugis Flandrorum sumtuosissimo componi monumento curavit. Locus ubi oppetiit, ostenditur non procul ab ipsa urbe ad rivulum quendam, quem ut cæso jam exercitu, fugiens parat transilire, effuso equo, ibidem & confossum ferunt. Crucem hic lapideam videas cum hac inscriptione Gallica in ærea lamina:

*En l'an de l'incarnation,
Mil quatercens septante & six,
Veille de l'apparition,
Fut se Duc de Bourgongne occis,
Et en bataille ici transsis,
Ou croix suis mise pour memoire,
René Duc des Lorrains, mercis
Rendant à Dieu eut la victoire.*

Est & paullo altius, ubi prælium id commissum volunt, facellum

GALLO-BRABANT. 287
lum quod Burgundionum vocant,
cum adjuncto cœmiterio, & tabu-
la ærea, in qua Gallici versus, qui
infra sequuntur:

*Mil quatre cens soixante & seize
advint,*

*Que Charles Duc de Bourgogne
ici vint,*

*Acompagné de soudars & gen-
darmes,*

*Cuidant Nanci surprendre à force
d'armes,*

*Veille des Rois qu'on depart le ga-
steau,*

Il fut occis en passant un ruisseau.

*Et la pluspart de ses hommes de
guerre*

*Furent occis, & semés sur la
terre,*

*Puis recueillis par le commande-
ment*

*Du preux René, qui vertueuse-
ment*

Obtint

*Obtint sur eux glorieuse victoire,
Dont les corps sont ci gisans en me-
moire*

*De ce conflict. Renée de Bourbon
Noble princesse, aiant vouloir tres-
bon*

*Femme du tresillustre Duc An-
toine*

*Fils de René noble duc de Lorraine,
A fait bastir ce cimetiere, & croix,
L'an mil cinq cens avecque vingt
& trois.*

*Priez à Dieu, que par sa sainte
grace*

*Aux trespassés pardon & merci
face.*

Et hæc quidem de Carolo, Re-
gis Philippi abavo, de cujus in-
teritu multum est diuque dubita-
tum, cum talem Imperatorem tot
rebus gestis clarissimum, vix un-
quam superari posse existimarent.
Sunt in hac eadem D. Georgii
æde

æde Lotharingicorum aliquot
Ducum tumuli, sine inscriptioni-
bus, ut & in aliis templis; certum
enim sepulturæ locum non ha-
bent. Ex posterioribus tamen ma-
gna pars ad D. Francisci, quæ ad
alterum est palatii latus, tumulata
est, ubi Dux Renatus, qui rex idem
erat Siciliae, monumentum habet
magnificum: hic & Dux Anto-
nius, & Franciscus hujus pater, &
ipsa ejus Claudia, ad cujus recen-
tem tumulum appensæ virorum
doctorum lachrymæ, & frequen-
tes omnium ordinum gemitus,
eximiam ejus erga singulos pieta-
tem tam clare testantur, ut amissæ
Principis desiderium, nec ipsa
temporis longinquitate videatur
emolliendum. Ad urbis mœnia
fluit *Meurta* dictus fluvi-
us, qui in
hinc M. paulum supra arcem *Con-*
dei dictam Mosellæ miscetur. Ejus

Bb

apud

apud antiquos scriptores , quod quidem sciamus , nulla existat mentio , ut nec hujus ipsius urbis. quam tamen Ptolemæi *Nasium*, sive *Nassium*, quod & in Antonini, de quo supra, Itinerario reperitur, non incommode possis existimare. Et hæc fere sunt , quæ hoc loco notanda putavimus. nisi quem & munitionis ratio , mœnium & propugnaculorum dispositio , & armamentarium delectet, machinis bellicis omnis generis instructissimum, ad quæ facile nobis patuit accessus, inclyti Comitis Salmenfis, qui hoc tempore Duce absente toti Lotharingiæ præerat, comitate erga nos singulari : & Ioannes Scillius noster eidem Comiti, & ipsi adeo Duci, ob insignem in re geographica peritiam juxta & diligentiam gratissimus, per singula nos deduxit, omnium
 usum

usum commonstrans, ut est in ea professione versatissimus, Eundem & comitem habuimus ad D. Nicolai fanum, quod ad ii hinc est M. supra eundem Meurtam fluvium, loco plano, & fertili. Ædificium est non ita vetusti operis, sed magnæ sane molis, & structuræ altæ, luminosum omnino. Sed columnas in primis, quæ totum fastigium sustentant, mirabamur, ejus altitudinis, tum gracilitatis, ut tanto oneri vix pares judicares. Turres habet duas à fronte, in quarum una Caroli Lotharingici Cardinalis, qui idem Metensis erat Episcopus, cuique hæc parebat ecclesia sub Prioratus, ut loquuntur, titulo, in summo culmine Symbolum: obeliscus scilicet, cum hederâ circumplicata, & inscriptione, T E S T A N T E V I R E B O. Asservatur in hac æde ex Divi Nicolai,

Myræ episcopi, quæ urbs erat Lyciæ, ex eadem Lycia, Patera urbe, oriundi, manu, articulus unus, inclusus auro, gemmis multis interfecto: unde hujus primum loci nata religio, & advenarum frequentia in eam excrevit amplitudinem, ut jam non pagum, sed urbem, & quidem totius Lotharingiæ cultissimam possis dicere, si muro clauderetur. ea est ædificiorum venustate, viarum apta dispositione, incolarum multitudine, ut nihil ultra requiri possit; sed ob mercaturam præcipue, & omnis generis opificia commendatur, & mercatores in primis opulentos habere fertur. Hic & nos constituta peregrinationis hujus meta, Nanceium revertimur.

Nanceio egressis secundum Meurtæ fluminis ripam, occurrit ad montium radices pagus *Marcheville,*

cheville, cujus incolas perfidia aliquando in suum Ducem (eum historiae Fridericum I I appellant) notatos ferebant, atque ea de causa, quotiescunque cum reliquis Principis domesticis epulari contingit, panem eis inversum apponi. Exstant ibidem rudera rotundae turris, in qua is Dux ex venatione subductus ad triennium detentus dicatur. & alia multa de eodem passim circumferuntur. Toto hoc itinere à dextris prata sunt virentia, quæ Meurta leni flumine præterlambit, aut gratis irrigat anfractibus. à læva continui quodammodo montes, & ad eorum radices fertiles agri, ob tritici potissimum bonitatem commendati. Multus in eis provenit ebulus, quem fertilitatem dicunt portendere, & quidem totius antiquitatis consensu: sic enim Cato apud

Plinium inter frumentarii soli notas primum ponit ebulum, & piro quoque malosque silvestres enumerat. Vidimus hic & sorbos, & proceras arbores quas sua lingua *érable* vocant; Latinis acer est. Pirorum præterea ac malorum ingentem copiam, ex quorum silvestribus potum sibi faciunt, quem & limpidum fieri ut vinum, & integrum fere annum conservari incorruptum asserunt. Hinc ad *Mosellam* venit, quem Meurta loco plano, interpretata, paulatim accedit, & longo tractu æquali quasi cursu comitatur, relicta inter utrumque alveum exigua admodum terra, donec tandem paulum supra *Condeium* arcem, quæ à dextris in rupe est, pago sibi cognomini impendens, facto cum Mosellæ alveo angulo acutissimo, ejus & aquis miscetur.

Vltra

Vltra Mosellam facellum est D.
Euchariorum dicarum; ad cuius limen
inscriptionem hanc (si quem ea
mediæ ætatis elegancia delectat)
excepimus ex tabula lapidea:

*Ex Catalonie regis prosapia
Baccii & Lientrudis editi sunt
nobilissimi sanctique, subscripti vi-
delicet Sanctus Euchariorum, Sanctus
Elighius, Sancta Libaria, Sancta
Susanna, Sancta Memia, Sancta
Oda, & Sancta Gertrudis, quo-
rum dignis suffragiis & gloriosis
meritis cum ipsis associemur in
cælis.*

*Pour l'amour du createur ici en
cest lieu, & alentour nobles barons,
chevaliers, & champions de la foi de
la vie eternelle ayans la soif, desquels
le mireur & exemplaire estoit Mons.
S. Euchaire par VVanldres Sarazins,*

*Et payens estans avec l'apostat Iulien
vingtz deux centz par nombre, sont
ici mis encomble en l'an CCCLXII.
La x Kalende de Mai, furent mis en
ceste mactz.*

HII FELICES PRÆLIBATI

IULIANI GLADIO SVNT TRVN-
CATI.

A Nanceio IIII circiter M. in fi-
nistra Mosellæ ripa pagus est vul-
go *Dieuleuvart* dictus, & arx in
rupe, ad cuius pedem erumpunt
gelidissimi fontes, magna aqua-
rum abundantia. Hic paullo ul-
terius ad eandem Mosellæ ripam
vicus est exiguus *Sarpainge*, de cu-
jus antiquitate multa incolæ refe-
rebant. Oppidum olim amplum
fuisse à Sarpignia quadam regina
denominatum, quæ & in eo re-
giam habuerit. Ostendunt in ejus
rei testimonium ruinas quasdam
murorum, ubi thermas quondam
fuisse

fuisse volebant. nos quæ eorum
figura fuisset non valebamus con-
jicere, tantum subdubitabamus
num castrorum inserviissent mu-
nitioni, cum eorum magna sit craf-
fitudo, & foramina in eis cernan-
tur adhuc rotunda & angusta,
quasi ad ejaculanda missilia. hic &
numismata antiqua erui; & hospes
ad quem diverteramus nobis de-
dit æreum nummum C. Cæsaris
Caligulæ, quem se ibidem repe-
risse affirmabat. Exstat in pariete
domus cujusdam rusticæ anti-
quum marmor, in quo reginæ il-
lius imaginem esse volunt. est ma-
nu omnino artifice scalpta imago
muliebris, longioribus induta ve-
stibus, equæ insidens, quam pul-
lus videtur lactare; ipsa vero cala-
thum, aut simile quidpiam gestat,
in quo pomorum figuram, ficubus
haud absimilium, videbamus di-
gno-

gnosceret. Suspiciari sane est ex hac
 sculptura locum hunc alicujus o-
 lim nominis fuisse: sed de hoc, ut
 & de aliis quamplurimis, deside-
 rantur historiae; fabellarum vero
 inanum apud profanum vulgus
 nullum esse modum, nemini non
 exploratum existimamus. Hinc
 ad I. M. urbs est ad utramque Mo-
 sellae ripam, quas pons connectit
 lapideus, à quo, & arce, quae è re-
 gione ejus est in alto montis ver-
 tice *Moson* dicta, vulgo *le pont à*
Moson appellatur, Latine

M V S I P O N T V M

novo vocabulo, ut & ipsum oppi-
 dum non ita vetus habetur, arque
 paullatim ob pontis commodita-
 tem coaluisse ferunt. Nihil vidi-
 mus in eo quod antiquitatem ul-
 lam referat. Philippa Antonii Du-
 cis, cujus supra meminimus, Gel-
 driæ

driæ Ducis filia (unde & Lotharingici adhuc Principes in suo clypeo Geldriæ pingunt insignia) cœnobium hic ædificavit Divæ Claræ, & ipsa in eo, postquam moniali vestitu, atque professione, aliquot annos egisset, diem clausit supremum: visiturque ejus monumentum, ad quod ipsa in eodem vestitu ad vivum expressa. vultus è marmore est candidissimo. vestis interior nigrum, superior griseum refert colorem, ipso marmore hos colores omnes ministrante; quod & hinc non procul excisum affirmabant. Hinc denuo ad Mosellæ ripam, sed dexteram, secundo flumine progredimur itinere amœno penitus. nam ad flumen prata, paullo altius campi fertiles, ac demum mons veluti continuus, & silvæ. ad montis pedem plurimi pagi, & arces in summis jugis positæ:

fitæ. ad lævam fluminis, nisi quod
montes paullo depressiores appa-
rent, eadem est fere facies. In hoc
itinere pagus est *Iony* vulgo di-
ctus. inter montium radices, &
Mosellam, ubi quantacunque est
inter montes utrosque, qui ripas
ambiunt, distantia, aquæductum
antiquitus fuisse, indicant ejus-
dem, quæ adhuc exstant, reliquiæ:
arcus enim adhuc restant multi,
suntque ex albo lapide, in laterum
formam dissecto; & nonnulli quo-
que ejusdem operis in aduersa ri-
pa cernuntur. Incolæ asseriebant in
eodem loco fontem hodieque es-
se; quamvis hos arcus (solita in-
scitia) ponti inserviisse putantes,
& ab hoc pago in montis ipsius
jugo minores alios arcus fuisse di-
cebant, qui versus urbem Meten-
sem, quæ hinc distat M., excur-
risse viderentur. Altitudo juxta
ripam

ripam pedum est circiter LX. Vnde con-
jicere est, quanta totius operis
moles fuerit, quantaque altitudo
arcuum qui in ipso erant fluminis
alveo, quorum hodie nihil super-
est. Referebant iidem incolæ su-
perio rem arcuum partem planam
omnino esse, cœmento rubei co-
loris inductam, & in ejus medio
domunculam non ita multis ab-
hinc annis adhuc fuisse, ab utra-
que parte patentem, quam nos
partem recti fuisse quæ tubum te-
geret suspicabamur. Hinc ipsam
videre est

METENSEM VRBEM

in ampla planitie, quam Mosella
in varios divisus alveos irrigat, &
pars quidem ejus muros ad lævam
lambit, pars & eosdem subit, ut
civium usibus inserviat, atque sic
divisim fluit ad inferiorem usque

C c

eo-

eorum ambitum, ubi recepto Sella altero flumine, qui dexteram urbis partem alluit, in unum denovo alveum colligitur. Sed situ in primis ipsius urbis delectabamur: cum enim agrum late circumjacentem planum habeat, ejus tamen area paullum prominet, ut in eo Veterum rationem in condendis urbibus agnoscas. ad summum siquidem templum multis gradibus ascenditur, juxta quod forum rerum venalium, altiore totius areæ partem occupat, & ab eo undique versus muros paullatim descenditur, prærupto tantum in una parte clivo, ubi vias duas lapidibus stratas, sic dispositas videas, ut altera per alterius domorum culmina excurrat. Templum Divi Stephani nomen tenet, qui civitatis est patronus, pulcherri-
mum vero opus, si quod aliud toto
hoc

hoc itinere vidimus, & sua mole spectabile, quodq; raro accidit, omni ex parte consummatum. dicebatur in eo fuisse crucifixi ligneam imaginem totam laminis aureis superinductam. Vidimus labrum porphyreticum rubei coloris, magnæ capacitatis, pedes x longitudine excedens, in quo lustrales aquas adservant. Sunt & alia in hac eadem urbe sumtuosa templa. & multa erant in ejus suburbiis, inter quæ D. Arnolphi Basilica, Imp. Ludovici Pii Aug. Caroli F. & filiarum aliquot Pipini regis sepultura celebris. Omnia hæc absumfit belli rabies, ita ut suburbii ne vestigium quidem nunc supersit, neque ultra muros quidquam præter campestria videas. Antiquorum hanc esse *Divodurum Mediomatricorum* oppidum, ut est apud Cornelium Tacitum, existima-

C c 2 mus,

mus, cum toto hoc tractu nullum aliud restet, quod æque antiquitatem referat, quodve ad Veterum descriptiones melius conveniat. & fuit hoc sane singulis temporibus celebre, ipsique Trevirorum urbi quodammodo æquale, ut Ammianus quoque Marcellinus, qui scripsit tempore Valentiniani & Valentis Augg., ubi Galliam describit, utrumque eadem dignitate in Belgica prima constituit, & hoc quidem Mediomatricos, illud Treviros, *domicilium Principum clarum*, (ut de oppido ipso eum loqui, non de populo constet) nominat; jam tum propriis locorum nominibus ex usu communi evanescentibus, ut oppida ipsa populorum nominibus appellarentur. Sic quæ apud Cæsarem urbium nomina Durocortorum, Bratupantium, Lutetia, & alia multa in
usu

usu esse desierunt, manentibus populorū appellationibus, Remi, Parisii, Bellovaci, ipsis locis attributis. Exstat tamen *Divoduri* appellatio apud Ptolemæum & Tacitum, item & in Provinciarum Itinerario, cujus jam aliquoties meminimus. Sed antequam Mediomatricorum urbe, hodieque celeberrima, excedamus, placet inscriptionem antiquam huc referre, quam in ædibus Ioannis Daubri argentarii ex basi quadrilatera, quam inter rudera portæ publicæ erutam dicebat, excepimus: ejus itaque singulæ facies hæc habent verba, à prima, quæ videbatur, sinistrorsum legendo:

I.
 I. O. M.
 IN HONOR
 DOMVS DIVI
 NAE VICVS HO
 NORIS PVBLICE
 Cc 3 PO.

ITINERARIUM
 POSVER. HI QVI
 INFRASCRIBTI S^VN^M
 CVRA EORVM .T. IVL
 ADIVTORIS. M PAVLL^I
 MARTIALIS .P. DONNA
 XI.

2.

Q. GIAMIUS
 BELLVS ET
 COMMVNIS
 GIAMI FIL^I
 ELVORIX
 VARICILLIF.
 MELVSCINTVS
 M. I. F.

3.

M. MACIRIVS
 TRECTVS MANI
 PRETIUM DONAVI
 ERENTINVS ET
 PEREGRINVS IL
 LANVISSAE FILI^I
 GAIVS GERM. CO
 ROBVS. SEX ELV
 IVS. CLEMENS.

4. P. AT.

4.

P. ATTIVS
ANTIGVS
L. VETTIVS
DERCOIE
DVS. M. VET
TIVS MER
CATOR.

Mosella Sellæ aquis auctior per
plana fluit, versus

THEODONIS VILLAM,

sic eam Regino Prumiensis, & ejus
ætatis scriptores appellant, Gallis
Thionville, ipsis Germanice au-
tem loquentibus *Dittenhoffen* di-
ctam. Oppidulum est munitum,
& belli cladibus notum. De ejus
origine nobis nihil constat. Si quis
vernaculum ejus nomen attendat,
suspicari posset, ab eodem Theo-
done denominatum (quisquis tan-
dem

C c 4

dem

dem ille fuerit) à quo & mons, Luxemburgo non procul, *der Dittelberg* dictus. quod enim Latinis *Theo*, id apud Germanos fere in *Dith*, aut *Thit* commutatur, ut videre est in *Theodorus* & *Theobaldus*, quæ ipsi in *Dithrick*, & *Thibald* commutant. Est autem mons ille non ita altus & ab omni parte sensim acclivis, in quo oppidum olim fuisse asserunt. erui enim quotidie ædificiorum rudera, multa etiam antiqui operis; & in agrorum distinctionibus adhuc in usu esse appellationes, quibus urbium regiones, & partes designantur. *Ti-lemannus Stella* putat *Augustam Romanorum* fuisse: convenire enim adamussim hujus loci situm cum Cl. *Ptolemæi* descriptione. In quo fortasse propius rem attigit, quam qui ejus loco *Luxemburgum* ipsam reponunt, cum ea nec
fit

fit ita vetus, ut possit ad eam antiquitatem referri, ac de ejus constet initiis. Nos vero eam Augustam quam eandem Veromanduum dici videmus, in ipsis potius Veromanduis non procul Divi Quintini fano constituendam judicamus. Ad hanc eandem sinistram Mosellæ ripam multi sunt pagi, ditionis Luxemburgicæ omnes, ut qui ad alteram Lotharingici fere sunt Ducatus. hic & *Siexck* vulgo dictum oppidulum, & arx contra montem: hic enim Mosella paulatim aliam induit faciem, attollentibus se ab utraque parte ripis, donec jam excelsi sint montes; nec humilioribus fere est ripis ad ipsum usque ostium quo in Rhenum intrat. Est aliud paullo inferius Luxemburgicum oppidulum ad lævam, *Graffen Machern* dictum, & pagus *VVasserbillich*, ubi

Sura

Sura fluvius (sic enim ab Aufonio appellatur, vulgo *Saur*) Mosellæ confunditur, & sua habet ad ipsum ostium vineta. hinc non procul in eademque ripa pagus est *Igel* vulgo nominatus, ubi in loco eminenti spectatur nobilissimum illud venerandæ antiquitatis monumentum, quo nec cis Alpes insignius aliud exstare existimamus, quodque ipsis adeo Italibus possimus ostentare. Moles est lapidea ex quadrata base pedum *XII* sensim assurgens ad pedum circiter *LXXIV* altitudinem, tota ab omni parte variis imaginibus semiplanis insculpta. In fastigio aquilæ restat fragmentum, globo insidentis, cui expansæ alæ, & ante pectus velum fuisse apparet. Prima fronte tres ostentat imagines itidem semiplanas, procerioris staturæ; & quidem quæ ad dextram viri, sinistra mulieris

GALLO-BRABANT. 311
mulieris esse videtur, dextras jun-
gunt; media ob vetustatem ægre
potest dignosci. Has nonnulli Fi-
dii simulacrum, quale & Romæ
etiamnum exstet, constituere exi-
stimarunt; nos & fidem conjuga-
lem, & eos ipsos, in quorum me-
moriæ sit positum hoc monu-
mentum, quorumque in inscri-
ptione fiat mentio, repræsentare
susplicabamur. Sunt supra earum
capita tres itidem facies, ex plano
circulari prominentes, quæ & for-
tasse vultus referebāt. Ad pedes in-
scriptio, cujus quam accurate fieri
potuit, reliquias hic subjecimus.

D. T. SEC V : : : G . . . M
N : : : LIS SEC V N D I N I . SEC V R I . ET . P V B L I A E .
P A G A T A E . C O N I V G I . SEC V N D I N I . A . . N T I N I .
ET . L . S A C C I O . M O D E S T O . ET . M O D E S T I O .
M A C E D O N I . F I L I O . ET . I V S T : SEC V N D I N : S .
A V E N T I N V S . ET . SEC V N D I : : : : C V R V S
P A R E N T I B V S . D E F V N C T I S . ET : : :
: : : V I V I V T A E E P E : : : : E R V N T .
Ex

Ex quibus sane verbis patet, nihil aliud hoc, quam epitaphium esse, qualia etiamnum multa existant. Sub inscriptione ad basim imago est legentis ex pulpito, & auscultantium turba. In superiore limbo minutiores imagines cernas, & in medio quidem quatuor epulantium, more antiquorum. duæ enim accumbunt; qui mos virorum erat: & mensæ assident aliæ duæ, ut mulieres solebant. Ad dextram ministri, quorum alter de abaco pocula sumere, alter infundere videtur, ad sinistram alius edulia parare. Et hæc fere quæ in frontispicio dignosci possunt, quæ moles viam publicam spectat. à tergo circulus (*Zodiacus*) est, cum figuris quibusdam, & in quatuor angulis ventorum capita. in ejus medio bigæ, & viri imago barbati, quiddam gestantis parazonio

haud

haud absimile. ad dextrum latus, inferius quidem, trigarum vestigia apparent, currum trahentium, & complicatas farcinas mercatorum more. pars superior bigas habet, & carpentum, in quo duo sedent. Reliquas imagines sic attrivit tempus, ut earum fere nihil emineat. Est hæc moles loco, ut diximus, bene conspicuo, in agroque quadrato, quem & huic monumento attributum, ut veterum erat circa sepulturas consuetudo, judicabamus; quo jure etiam hoc tempore manet, nec ad usus alios occupatur. Infra hunc locum, in adversa tamen ripa, ostium est *Saravi*, ut *Aufonio* dicitur, qui & *Sarra*, fluminis; & pons lapideus supra eundem fluvium à *Mosella* non procul, qui à pago vicino, *Kuntz*, *die Kuntzerbrug* dicitur, arcubus amplitudinis admirandæ

D d

spe-

spectabilis; quorum qui in medio
ad fluminis alveum, omnium est
altissimus, tum latissimus, reliqui
ad latera sensim humiliores: quo
& ipsa pontis superficies ad utram-
que ripam paullatim procumbit,
& operis firmitudini egregie pro-
visum; ut in eo veterum artificum
magistras manus agnoscas. ad
utramque ejus partem sunt specu-
læ, Trevirorum excubiæ; hujus
meminit & Ausonius in delicatif-
simo illo carmine, quo hunc ipsum
Mosellam celebrat, his verbis:

*Tuque per obliqui fauces vexate
Saravi*

*Qua bis terna fremunt scopulosis
ostia pilis,*

*Cum defluxisti fama maioris in
amnem,*

*Liberior laxos exerces Barbe na-
tatus.*

Fluminis hujus & denuo memi-
nit

nit in hoc eodem carmine, ne quis
de ejus ambigat nomine:

*Naviger undisona dudum me mole
Saravus*

*Torta veste vocat, longum qui dis-
tulit amnem,*

*Fessa sub Augustis ut volveret ostia
muris.*

Cæterum hic locus ob piscatio-
nem summopere commendatur:
hic *Sturiones* ut nunc vocantur, qui
ab Aufonio *Siluri* dici videntur,
vastò corpore magna admodum
copia captantur; *Salmones*, *alause*:
& præter reliqua piscium genera,
quæ luculenter ille, ut omnia, de-
cantat, piscem, quem vulgo *Pla-*
teis, Aufonius idem in carmine
quodam ad Theonem *plateffam*
videtur nominare, qui omnino
marinus piscis est, hic ibidem ali-
quando captum referebant nau-
tæ; tantamque esse in hoc amne

D d 2 piscium

piscium omnigenum foeturam, ut cum nullo alio conferendus videatur. De hoc Sarræ fluminis, & Mosellæ confluente, intelligenda volunt nonnulli Suetonii verba in C. Cæsare Caligula, ubi de ipso agit Imperatoris natalibus: *Plinius, inquit, Secundus in Treviris vico Ambiatico supra Confluentes genitum scribit.* Pagum sane *Ambitivum* reperimus in diplomate quodam Pepini regis; in alio item Imp. Caroli Magni Aug. ejus filii, ejusdem fere tenoris, in quibus inter reliquas donationes factas cœnobio Divi Maximini Trevirensis, enumerant Ecclesiam Sancti Martini in pago Ambitivo constructam. verum ubi hæc sit Ecclesia, vel pagus, quanquam de eo diligenter percunctati, hactenus non potuimus resciscere. Sed ad propositum iter revertamur.

GALLO-BRABANT. 317
mur. A Saravi ostio ipsam

TREVIRORVM VRBEM

accedentibus, primum occurrit
Divi Matthiæ cœnobium, in cuius
cœmeterio multæ sunt cryptæ, &
in eis Divorum tumuli. ad unius
earum caput inscriptionem hanc
antiquam excepimus.

INFANTI DVLCISSI-
MO DEFVNCTO
QVI VIXIT MENSES V.
DIES XX. PATER ET
MATER PIISS. FECER.

Ab utroque latere hujus inscri-
ptionis adsculpti sunt duo Genii
alati. Est in hoc eodem cœmete-
rio statua mulieris, jacentis ut
fluminum Nymphæ fingi solebant,
ac sine capite, ex marmore candi-
dissimo. Sed longe pulcherrimus
est urbis ipsius aspectus, quique

D d 3 adeo,

adeo, quæ ejus olim fuerit claritudo, manifesto arguat, si quis secundo flumine eam accedat. Hic enim ut Mosella primum sinuosum amnem reflectit, urbem recta petiturus, adversa sese fronte effert ante ejus muros moles alta antiqui operis, in quam ut oculorum aciem intendimus, fornicem quondam fuisse, sive arcum triumphalem, judicavimus, & in mentem venire Aufoniani versus in Mosella:

-- *Nec pramia in undis*

*Sola, sed Augusta veniens quod
mœnibus urbis*

*Spectavit iunctos, natiq̃ue patris-
que triumphos*

*Hostibus exactis Nicrum super, &
Lupodunum*

*Et fontem Latiis ignotum annali-
bus Histri.*

*Loquitur autem de Valentinia-
no*

no Aug. ejusque filio Gratiano, quos aliquoties Germanos fudisse, & longius à Rheno submovisse, ejusque limitem, ut & Danubii, pacasse, legimus.

Et post hanc molem & altera, ruinosà penitus, quæ num & fornix alter fuerit, ut omnia quadrent Aufonianis verbis, non valimus dignoscere. Oppidani, solita inscitia, molem utramque turres veteres nominant. Vrbs vero ipsa situ est plano, latus sinistrum claudit Mosella, portus crepidinem leniter adlambens; ad alteram ripam mons est præruptus, & unica omnino ad ejus pedem via; hanc urbi connectit pons lapideus, in quo fornicum amplitudinem, & fundamenta in primis lapidibus magnitudinis inusitatæ aggesta mirabamur; siquidem ea propter fluminis humilitatem,

D d 4 qua-

qualem se multis retro annis nec vidisse meminerant, alte spectabantur; & Romanorum quidem id opus judicabamus. Ad arcuum commissuras columnæ sunt semiquadratae ex singulis lapidibus altero alteri supraposito, quæ paulum exstant supra pontis marginem; in his Deorum olim fuisse simulacra referebant. Pontis hoc loco supra Mosellam mentionem facit Cornelius Tacitus lib. iv. ab excessu Neronis, qui ulteriora Coloniae annecteret. Spectat hoc latus urbis quod ad Mosellam, occidentem fere Solem, aut Corum ventum. ad dextram, collem habet sensim acclivem, totumque vitibus confitum, cujus & partem mœnibus olim inclusam fuisse indicant Aufonii versus, hunc eundem situm delineantes:

Lata

*Lata per extentum procurrunt,
mœnia collem;*

*Largus tranquillo prelabitur amne
Mosella.*

Restant adhuc in eodemque colle ædificiorum rudera, & subterranei meatus, opere latericio incrustati, & pagus ibidem *Levi* dictus; eodem hodieque jure utitur, quo Trevirenses cives. profuit hinc rivulus, qui urbem perluit, quem sua lingua *Levibach*, Latine *Oleniam* nominant. Et hæc quidem ad latera, quibus ad Orientem, & Occasum, ut diximus, vergit; quadrata est enim fere hoc tempore, nisi quod secundum Mosellæ ripam paulo sit extensior, & tota quidem muro non contemnendo cingitur. Qua vero ad Austrum spectat, moles est illa antiqua, de qua mox diximus; & paullo altius D. Mathiæ cœnobium,

bium, & sacella aliquot. Ad Aquilonem, ultra murum, porta est altera, quam campestrem vel sua lingua *Feldtporte* vocant, ad quam urbis mœnia ante Hunnicam depopulationem pertinuisse asserunt. Intra hanc portam, & ipsa quæ urbem nunc ambiunt mœnia, cœnobîa sunt D. Paulini, & D. Maximini, magnæ molis utrumque, sed Maximini nobile in primis, & opulentum, quodque fundationem suam refert ad Imp. Constantinum Max. ejusque matrem F. L. Helenam Constantii Aug. Sed nunc incendio deformatum est, nec patiuntur Treviri, ut instauretur, cum tam prope muros sit, ne tempore belli receptaculum hosti præbeat. ex murorum certe, columnarumque fragmentis judicare est, quam splendidum olim fuerit. dicitur ipsam Archiepisco-

piscopalem sedē opulentia quondam æquavisse. D. Paulini ædes adhuc est integra, & in ea hinc inde multæ restant inscriptiones antiquæ, aut mediæ ætatis.

Diaconus hujus ædis referebat, hunc locum Campum Martium olim dictum fuisse, quo etiam nomine in historiis passim occurrere. proximum item collem vitiferum Martis ejusdem, ut alterum huic oppositum Apollinis, nominibus insignitos, quorum & restarent in vulgari appellatione vestigia. Hanc vero ædem Divæ primum Genitrici dicatam fuisse, postea Divo Paulino, translata Divæ Virginis sede ad Mosellæ ripam, ubi & adhuc est in hoc eodem pœmærio. In ipsa jam urbe sunt & templa multa, & admodum insignia, mediam tamen ætatem referentia, ut ea quæ Colonia
niæ

niæ Agrippinensium, & Aquisgrani. tale est & ipsum summum templum, quod vernaculo sono *Dom*, quasi à domo vel à Domino appellant, Divo Petro Apostolo, civitatis patrono, consecratum. Nisi cui fortasse Divi Simeonis ædes videatur antiquior, & Romana quodammodo tempora referre. Collis jugum occupat, qui unicus est in hac urbe, forma quadrilatera, oblonga, tota ex lapidibus subcinericei coloris, & quidem magnitudinis ita stupendæ, ut vix credatur, hominum manibus potuisse eo advolvi, usque eo ut apud imperitum vulgus fabella locum invenerit, Cacodæmonis usum auxilio, qui eam ædificavit, cui quidem persuasisset se lupanar & aleatorum mensas ponere, sic, inquit, aras vocabat, & pro argumento ostendunt aras, quarum
super-

superficies non recta ut reliquarum sed deorsum spectat, & appensum muro cornu quoddam, ut videtur, quod vocant *Cacodæmonis unguem*; eum scilicet, ubi se circumventum sensit, impetu in aras facto, unguem confregisse. atque ejusmodi fere narratiunculæ proferuntur, quotiescunque opus aliquod humanum videtur captum excedere. Tres habet hæc ædes concamerationes, sibi invicem suprapositas, in quarum singulis sacra facit diversi ordinis clerus. Facies exterior externo est fenestrarum ordine, inter columnellas semiotundas; ex eodem omnia lapide, præterquam ad chori (ut nunc loquuntur) ambitum, ubi & columnellæ sunt marmoreæ. Moles est admiranda, cui in tota hac Gallia nostra nec parem aliam superesse existimamus. atque unicum for-

E e

tasse

tasse ædificium hoc fuit, quod operis eximia soliditas, à tot cladibus, quibus hæc urbs ab exteris nationibus, Hunnis, Francis, Normannis vastata est, vindicavit, cum reliqua in favillas abiisse videamus, nec ex *antiqua illa Treveri*, Principum domicilio, quidquam restare, præter columnarum & marmorum fragmina, hinc inde dispersa, & rudera sub terras, quæ subinde veteris ejus splendoris admonent. Ex *Theatro*, cujus scriptores sæpius meminerunt, reliquum esse videtur fragmentum illud operis latericii, cæmento superinductum, & fenestris grandioribus plenum, eo loco, ubi nunc domus est Archiepiscopalis, quod oppidani ex Constantini Max. Aug. volunt esse palatio. Exstant ejusdem prorsus operis aliæ ruinæ ad portam quandam, de quibus

bus ipsi varia referunt, quorum fides apud eos sit: ut & eorum quæ de Trebeta suo conditore, Nini Assyriorum regis filio, huc profugo, circumferunt, & de Idolorum templo, ac Mercurii ferrea imagine. De qua tamen placet hic verba ex eorum Annalibus manuscriptis desumpta referre; quæ rem ita asseverant, ut nihil ad faciendam fidem requiri ultra posse videatur. Sic enim postquam de templo ipso fecit mentionem, quisquis eorum auctor fuerit: *Huius in vestibulo (inquit) ex lapide quadro insignis arcus exsurgens habet ferream Mercurii imaginem, (dictu mirabile) in aëre pedentem. seorsum autem Iovem marmoreum, scutellam auream manibus tenentem, cui tus immissum redolebat in naribus circumstantium, tanquam si igni immitteret, nec tamen urebatur. Quod ne forte no-*

stris dictum verbis, tanquam à nobis confictum credere quis detrectet, non nos, sed potius audiat Galbam Viatorem, Licinio Sophistæ, hoc ipsum inter cetera rerum stupendarum quas viderat & audierat, his verbis contestantem. Sic enim ait: *Audi præterea quod mireris: Treveris est civitas Gallia nobilis, ubi Senecio quidam, cuius hospitio usus sum per duodecim dies, in suburbio civitatis, ferream effigiem Mercurii volantis, magni ponderis, ostendit in aëre pendentem. Erat autem magnes, ut hospes idem mihi ostendit, supra in fornice, itemque in pavimento, quorum naturalis vis è regione sibi ferrum ascivit, sicque ferrum ingens, quasi dubitans in aëre remansit. Vidi etiam in eadem urbe, ingentem è pretioso marmore Iovē, scutellam auream duorum pedum latitudinis tenentē, ubi hoc inerat scriptum:*

IOVI

EX CASV QVINQVE CIVITATVM RHENI PER
TRIA DECENNIA DENEGATO SED FVLGINE
ET CAELESTI TERRORE EXTORTO
FACTVM ARTE MECHANICA.

*Nam tus quasi prunis impositum
redolet si immiseris, nec tamen defi-
cit, quod ita probavi esse. Hæc ille.
Sed antequam reliqua exsequa-
mur, non alienum erit, ex politio-
ribus quoque Historiis de Trevi-
ris aliquid repetere. Idem C. Cæ-
sar, de quo jam sæpius, Trevirorum
gentem omnium Belgarum potentis-
simam iuxta & bellicosissimam facit.
ac propter vicinitatem Germaniæ
quotidianis exercitatum bellis, quæ
equitatu valeret plurimum, & co-
pias quoque haberet pedestres. quare
reliqua pene Gallia pacata ipsi nec
imperata faciebant, nec ad conci-
lium veniebant, nisi armis coacti,
& novis subinde studebant rebus,*

E e 3 cum

cum magnas haberent clientelas Eburonum, & Condrusorum, & latissimos fines. Siquidem ad Rhenum ab una parte pertingebant, ab altera ad Nervios usque Menapios, & Mediomatricos. Eorum vero oppidum nullum nominat: Tacitus *Coloniā Trevirorum* appellat hanc ipsam urbem, de qua nunc loquimur: eandem Mela, Ptolemæus, & Aufonius postea, *Augustam Trevirorum*; hic vero & Treverim nominavit: & ejusdem subinde meminerunt subsequentis ætatis Historiæ, *Metropolim eam Belgicæ primæ* facientes, in qua præsideret vir consularis, qualis erat & ille Ælius Constantius, cujus epitaphium supra posuimus, quod inepte nonnulli, ad D. Constantium Aug. Constantini Max. patrem referunt. In hac urbe *Fabrica* olim erat *Scutaria*, & *Balistaria*.

staria. Meminit & libellus digni-
tatum, & administrationum, qui
sub posterioribus Impp. confectus
videtur, *Procuratoris moneta Trevi-*
rorum, & *Procuratoris Gynacei Bel-*
gica prima, item *Præpositi Argenta-*
riorum. & de moneta quidem fi-
dem faciunt creberrimæ in poste-
riorum Impp. nummis argenteis
& æreis notulæ PTR. PTRE. T. TR.
TRS. TRPS. quæ pecuniam Treviris
signatam innuunt, eadem ratione
qua & P. LVG. pecuniam Lugdu-
nensem, & AQPS. Aquileii pecuniam
signatam, reliquasque in ejusmodi
nummis notulas commode possis
interpretari. hinc & in lapidibus
III-virorum moneta Triverica men-
tio. Manifesta sane indicia, quan-
tum hæc civitas belli olim studiis
floruerit, ipsi quodammodo Ro-
mæ orbis dominæ cis Alpes secun-
da, cum qua & suam passa est ab

exteris nationibus vicissitudinem, cui obnoxia sunt in hac rerum universitate omnia ; ita tamen ut nec veteres animos deposuerit, nec facile de sua libertate quidquam delibari patiatur. Quod & nuper admodum expertus est eorum Episcopus , cui cum longa fuisset cum civibus de civitatis jure controversia, res tandem ad arma devenit , & castra ante urbem in adverso ad Mosellam monte posuit. illi se acriter defendere: sed principum interventu, causam ad summum Imperii Romani Senatum detulerunt. Hinc secundo Mosellæ flumine navigantibus ad medium fere M. oppidulum est, & arx vulgo *Pfaltz*, quasi *Palatium* dicas, in sinistra ripa. in dextra circiter M. pagus *Reol*, loco alto ad lapidis jactum à ripa, montibus fere circumcinctus, in quo arcem
non

non ita multis abhinc annis ædificatam, *Rigelburg* nominarunt, veteris nominis memoriam hac appellatione utcunque renovantes: veteribus siquidem *Rigodulum* erat, & oppidum ubi Cerialis tempore Vespasiani Imperatoris (ut est apud Corn. Tacitum) Valentinum Trevirenses fudit. Oppidum expresse vocat Ammianus Marcellinus. Sed cum in ejus descriptione ac situ videantur hi scriptores nonnihil variare, non extra propositum forte sit, utriusque verba expendere. Taciti libr. iv ab excessu Neronis hæc sunt: *Eo rapidius Cerialis missis in Mediomatricos, qui breviori itinere legiones in hostem verterent, contracto quod erat militum Maguntiaci, quantumque secum transvexerat, tertiis castris Rigodulum venit, quem locum magna Trevirorum manu Valentinus*
inse-

insederat, montibus aut Mosella amne septum, & addiderat fossas, obicesque saxorum. Marcellinus autem lib. xvi: Nullo itaque posthac repugnante ad recuperandam ire placuit Agrippinam, ante Caesaris in Gallias adventum excisam, per quos tractus, nec civitas ulla visitur, nec castellum, nisi quod apud Confluentes, locum ita cognominatum, ubi amnis Mosella confunditur Rheno, Rigodulum oppidum est, & una prope ipsam Coloniam turris. Quibus Marcellini verbis permoti nonnulli existimarunt, Rigodulum eandem fuisse, quæ nunc Confluentia; cum diserte locum notet, ubi Mosella & Rhenus aquas jungunt. In quo tamen nec sibi ipsi satis convenire videtur, & à Tacito diversum sentire. Nam si Rigodulum eo situ erat, quo nunc Confluentia, cum locum dicit montibus
aut

aut Mosella septum, nullo modo
tacuisset, Rheno quoque muniri,
nec potuisset Cerialis, (quod idem
habet Tacitus) fuso hoste Rigo-
duli, postero mox die Coloniam
Trevirorum ingredi. Quantum ad
Marcellinum : Iulianus Impera-
tor, de quo scribit, Germanos tunc
circa Borbetomagum deleverat,
unde recta Coloniam Agrippinen-
sium properabat, quo tractu nul-
lam neque urbem esse, neque ca-
stellum dicit : unde colligere est,
eum non secundum Rheni ripam
iter fecisse, ad quam castella plu-
rima erant, à Druso Germanico
exstructa, & oppida, Bonna &
Antennacum, ab eodem Ammia-
no sæpius nominata ; sed altius à
Confluentibus Mosellam transis-
se, ut nec Borbetomago Colo-
niam petentibus, per Confluentes,
aut secundum Rheni ripam recta
est

est iter. Huc accedit quod hujus pagi, de quo loquimur, situs, tum loci natura, cum Taciti descriptione belle conveniat, atque vel eo suam prodat antiquitatem, quod à ripa aliquo distet spatio, ad quam sunt reliqui recentioris ætatis fere omnes. Dominus ejusdem loci opinionem hanc nostram confirmavit: dicens, idem *Rigoduli* vocabulum expresse legi in ipso Regis Dagoberti authentico, quo hunc locum, cum aliis eidem vicinis, ecclesiæ donat S. Maximi; & repertam aliquando sub terra viam lapidibus grandioribus stratum, quæ versus Mosellam excurreret. ita ut posthac de Rigoduli situ, aut nomine non videatur ambigendum: vel si quis anxie adhuc Marcellini verba urgeat, diversa ejusdem nominis loca fuisse, sit statuendum. Hinc

Mosella

Mosella per magnos anfractus, ita ut ad eundem fere locum aliquoties revertatur, unico interveniente inter utrumque fluentem monte, leni omnino agmine labitur, inter montes, ab radice ad summitatem usque vitibus vestitos; sunt enim non ita prærupti, quin facilis sit colonis ascensus ad supportanda quæ ad vineta requiruntur; nec ita alti, ut alter alteri solem præripiat; adjuvantibus ad hanc rem ipsis anfractibus, per quos Solis radii viam reperientes, grata vicissitudine montes ad utramque ripam statis temporibus illustrent. Sunt vero in altioribus montium jugis & pineta, & aptus sementi locus. Ad ipsam etiam ripam, (ne quid hac in parte desideretur) inter fluminis alveum, & vineta, sicubi colles longius recedunt, prata sunt spectatissime

Ff viren-

virentia, ubi videre est armenta
pascentia, quibus & adveniente
æstu facilis est ad aquam descen-
sus, juvatque tota prospectare ar-
menta in ipso flumine ad pectus
usque frigus captantia. Quin &
usque eo humanis natura rebus
circa hoc flumen consuluit, ut
multis in locis, ubi altera ripa
montem habet aut collem paullo
arduum, altera omnino sit accli-
vis, qua demum ratione vinetis
integer est suus sol, & ad pastio-
nem locus relinquitur commodis-
simus. Iam si qua planities à flu-
mine paulla est altior, frumento
ferendo deligitur, provenitque in
ea magna admodum copia.

N E V M A G V M

pagus vulgo *Neumagen*, vetus ad-
huc nomen retinet, quod est apud
Ausonium in Mosella:

Neu-

*Neumagum Divi castra inclyta
Constantini,
Purior hic campis aër, Phœbusque
sereno*

*Lumine purpureum reſerat iam
ſudus Olympum.*

Sed hic repetendi ſunt & hi Au-
ſonii ejuſdem in eodemque Mo-
ſella verſus :

*Addam praſidiis dubiarum condi-
ta rerum,*

*Sed modo ſecuris, non caſtra, ſed
horrea, Belgis.*

Nam & hoc loco nihil præter hor-
rea nunc videas. Sunt & alia hoc
tractu oppida non contemnenda.
Bergcaſtel à dextris, ac paullo in-
ferius *Drabach*, ubi vina laudatiſ-
ſima, ac nigri effodiuntur lapides,
fiſſiles, ad domorum tecta; & *En-
kirch* pagus, cujus agrum ad vini
dolia M M M, eorum quæ ſua lin-
gua *Fuder* vocant, annuatim red-

Ff 2 dere

dere afferebant. Hinc *Kochem* oppidum ad alteram ripam, ac paulo inferius, in eodemque latere, oppidum aliud, *Karll* vulgo nominatum, à quo ripæ paullatim fiunt humiliores, & ab utraque parte longius recedunt, ita ut ad Confluentes latitudine sit Rheno fere pari. Urbium quæ ad Mosellam, postrema est

C O N F L U E N T I A

ad ipsum fluminis marginem sita, ubi Rheno miscetur, & fruitur utriusque amnis longe maxima amœnitate juxta & commoditate, unde & eo in primis nomine delectatur. *Dono* accessisse volunt Ecclesiæ Trevirensi sub Medoaldo Archiepiscopo, cujus mentionem facit inscriptio illa, quam supra in Treviris posuimus. unde & liquet, tempore hunc *Dagoberti*

goberti regis vixisse, qui annus erat ab instaurata salute circiter DCXXXI. Asserebant etiam, Diploma ipsum, *Cortem Confluentinam* appellare, & donari una cum circumjacente agro, & silvis. *Cortis* vero nomine accipi, quidquid muro veteri, qui hodieque existat, includitur, intra quem forum rerum venalium, & primarium templum. eundemque Medoaldum nova mœnia quo nunc sunt ambitu urbi circundedit. *Pontem supra Mosellam*, operis lapidei, præcipuum ejus ornamentum, ædificavit Baldus, vel, ut apud alios est, Balduinus Archiepiscopus, ann. MCCCXLIV. Idem *Carthusianorum monasterium* in summo monte extruxit in hujus promœrio. Impendet in adversa Rhœni ripa *arx* munitissima, quæ veteri nomine *Erenbreitstein*, recen-

tiore *Hermanstein* ab Hermanno archiepiscopo, qui eam ampliarit, appellata. In proxima rupe arx erat *Helpenstein*, antiqui & clari nominis, cujus tantum supersunt ruinæ, potentioris scilicet vicinitate sensim diffuentes, ac vix suum nomen tuentur.

Instabat jam Nundinarum tempus, quæ Francfordiæ, quæ ad Mœnum fluvium est, magno totius Germaniæ conventu frequentantur, quo etiam properandum videbatur, adverso Rheni flumine. qui tractus, ut omnium est celeberrimus, fuitque semper, quantamcunque vetustatem ferant singularum nationum historiæ: ita eum leviter attingere, aut ex parte describere indecens judicavimus, at potius finem aliquando huic narrationi impone-
re. Hæc si tibi, Mercator, aliqua

GX

GALLO-BRABANT. 343
ex parte probabuntur, operæ pre-
tium erit nos effecisse quod vole-
bamus. sin minus, morem tamen
gessisse, non mediocriter iuvabit.
Vale. Antverpia. Nonis Octobr.
ann. MDLXXV.

F I N I S.



Ff 4

IN-

INDEX EORVM QVÆ
LIBELLO DE GALLO-BRA-
BANTIA CONTINENTVR.

A.

A Duaca Tungrorum.	251
Agimont arx.	207
Alizuns fluvius.	277
Ambiaticum.	316
Ambleva fluviolus.	258
Antverpia.	193
Apollinis campus.	323
Aqueductus antiquus.	300
Arduenna silva descriptio.	206. 207
	265.
Arlunium urbs.	264. 269
Arnoldus à VVachtendonck.	243
Augusta Veromanduorum.	309

B.

B Astonia oppidum.	263
Belgarum unde nomen.	189
Belgium, ubi.	190
	Belgica

INDEX.

<i>Belgica partitio.</i>	185.186
<i>Belus Deus.</i>	190
<i>Bergcastel oppidum.</i>	339
<i>Blanc país.</i>	267
<i>Brunehildis via.</i>	202

C.

<i>Caprinus mons.</i>	217
<i>Caroli Burgundi epitaphia.</i>	283.
<i>&c.</i>	
<i>Carolus Langius.</i>	244
<i>Castellum.</i>	250.251.253
<i>Cenei pagus.</i>	255
<i>Claudia Valesia funus.</i>	281
<i>Condei arx.</i>	289.294
<i>Confluentia urbs.</i>	340
<i>Cors, qua significatione accipiatur.</i>	
	341.

D.

<i>Dieulevart pagus.</i>	296
<i>Dilia fluvius.</i>	193
<i>Dittelberg mons.</i>	308
<i>Divo-</i>	

INDEX.

<i>Divodurum.</i>	303
<i>Dominicus Lampsonius.</i>	243
<i>Drabach oppidum.</i>	339

E.

<i>Emporium Arduenna, Bastonia.</i>	263
<i>Enkirch pagus.</i>	339
<i>Erenbreitstein arx.</i>	341
<i>D. Eucharii sacellum.</i>	295

F.

<i>Fontis Mariana descriptio.</i>	274
-----------------------------------	-----

G.

<i>Gallia nomen, quando primum auditum.</i>	188
<i>Gallo-Brabantia.</i>	201
<i>Gemblacum.</i>	199
<i>Gemep vicus.</i>	204
<i>Graffenmachern urbecula.</i>	309
<i>Guibertus Lotharingus.</i>	204

H. Hel-

INDEX.

H.

H elfenstein <i>arx.</i>	342
<i>Heristallum.</i>	215
Hermanstein <i>arx.</i>	342
Hoia <i>fluvius.</i>	210
Hofalixum seu Hufalixæ oppidulum.	
262.	
Huijum oppidum.	209

I.

I acobus Susius.	194
Iecora <i>fluvius.</i>	245
Igel pagus.	310
Inscriptiones antiquæ. 274. &c. 305.	
&c.	
Ioannes Daubri argentarius.	305
Ioannis Mandevillii sepulchrum.	
212	
Ioannes Mofflinius.	271
Ioannis regis Bohemiæ cadaver.	
279.	
Ioannes Scillius geographus.	290
Iouy	

INDEX.

Iouy pagus.	300
Iupilla.	215

K.

K Ocheim oppidulum.	340
Kuntz pagus.	313

L.

L Ambertus Lombardus pictor.	242
L Ledevac pagus.	261
Leodiensis urbis descriptio.	211. &c.
Levi pagus.	321
Levinus Torrentius	242
Lorno fluvius.	204
Lotharingia.	187
Lovanium.	196
Louvegnie pagus.	256
Luposina, Lovanium falso.	197
Lutzenburgi descriptio.	277

M.

M Ansveldii Comitatus ades.	272
Marce en Faminc oppidul.	266
Mar-	

INDEX.

<i>Marcheville pagus.</i>	292
<i>Maria Montmorancia uxor Comitis à Mansfeldt.</i>	274
<i>Marmorum varia genera.</i>	207
<i>Martelenga pagus.</i>	264
<i>Martis campus.</i>	323
<i>Mechlinia.</i>	193
<i>Mediomatricorum opidum.</i>	303
<i>Metensis urbs.</i>	301
<i>Meurta fluvius.</i>	289.291.292
<i>Moles lapidea antiqua.</i>	310.312
<i>Mosa fluvius.</i>	208
<i>Musipontus urbs.</i>	298

N.

N <i>Amurcum.</i>	205
<i>Nanceium urbs.</i>	280.290
<i>Neomagus urbs ad Mosellam.</i>	338
<i>D. Nicolai Fanum.</i>	291
<i>D. Nicolai reliquia.</i>	291.292
<i>Ninnius Drauso.</i>	209
<i>Numismatum antiqua aliquot notu- la interpretata.</i>	331

Gg

O. Ole.

INDEX.

O.

O <i>Lenia fluviolus.</i>	321
<i>Ourta torrens.</i>	262

P.

P <i>Arise en Ardenne, Bastonia.</i>	264
<i>Perviciacum.</i>	251
<i>Petrus Divaus.</i>	198
<i>Petrus Ernestus Comes Mansfeldius,</i>	
270	
<i>Pfaltz oppidulum.</i>	332
<i>Pisces Mosella fluminis.</i>	315
<i>Prumienfe monasterium.</i>	215. &c.

R.

S. <i>Remacli historia.</i>	260.261
<i>Rigodulum.</i>	333.334.336

S.

S <i>Abis fluvius, eiusque inundatio.</i>	
205	
<i>Salmum pagus, & Comitatus.</i>	261.
262	Sar-

INDEX.

Sarpaigne pagus.	296
Sarra <i>fluvius</i> , Saravus <i>Aufonio</i> .	
313. 314	
Saviniere fons, & mons.	257
Sella <i>fluvius</i> .	302
Sierck oppidulum.	309
Sigebertus auctor.	200
Spa pagus.	256
Stabulo monasterium.	258
Steinefurt pagus.	271
Sura <i>fluvius</i> , Saur.	264. 310

T.

T Heodonis villa.	307
Tilemannus Stella.	308
Treviris descriptio.	317. &c.
Tungri oppidum.	244. &c.
Tungrorum fons.	248. 258

V.

V Esa <i>fluvius</i> .	256. 258
Vini fertilis locus.	338
Vta <i>fluvius</i> .	256. 258

Gg 2

Wal-

I N D E X.

Walheim *pagus*. 201

Wannen *pagus*. 261

Wasserbillich *oppidulum*. 264.309

Y.

Yona *fluvius*. 189

F I N I S.



INDEX EORVM QVÆ
ITINERARIO FRISIO-HOL-
LANDICO CONTINENTVR.

A.

A	Alcmaria.	69.173
	Almenum, siue Harlinga.	39
	Altena, id est, Alcmaria.	69
	Amisia fluuius.	12
	Amstelodamum. 63.167. ejus initia.	45

B.

B	Atavia quæ? 130. ejus miranda.	159
	Bempsterus.	62
	D. Bonifacii fons.	36
	Brederodii nobilissimi.	126
	Briela.	172
	Brittenburg.	130

C.

C	Castellum, arx Harlingana.	39.40
	Castrum Ritzardi, Frisiæ regis.	144
	Catvvicum.	129
	Comitissa, uno partu CCCLXV infan- tum parens.	148
	Currus velivolus.	140

D.

D	Elphezielum propugnaculum.	12
	Delphi.	149.164

I N D E X.

Doccumium.	34
Durdrechtum.	154.161
E.	
E Gmondani ditissimi.	126
Enchusa.	58.175
Eseloorsberg, castrum.	144
F.	
Familia Batavica præstantissima.	127
Franekera.	37
G.	
G Orichemum.	171
Gouda.	169
Gravenhaga.	137
Groninga.	12
H.	
H Arlemum.	78.162
Harlinga.	39
Hindelopa.	42
Horna.	62.174
I.	
Iusti Lipsii domus.	128
L.	
L Aufdunum.	141
Leovardia.	19
Leyda.	97
Lofdunum.	141
Lugdunum Batavorum.	97.166
M. Mo-	

I N D E X.

M.

Motus perpetui autor. 72

N.

Neomagii porta Heselana. 43. 47

P.

Parva Hollandia. 63

Pes Romanus, area Neomagi. 49

Pomerenda. 63

R.

Rheni ostium. 130

Rhenoburgum. 128

Risvicum. 139

Roterodamum. 152. 170

S.

Sacrenbosch vel Schakenbosch, nemus. 138

Scheveringa. 140

Sevenhufa. 134

Stavria. 42. ejus privilegia. 45. 46

T.

Templum Hollandiæ spatiosissimum
ac pulcherrimum. 78

Turris Britannica. 130. vel S. Brandarii. 131

Typographiæ inventio. 87

I N D E X.

V.


VBbo Emmius, Academ. Groning. primus rector.	14
Verona Holland.	69
Visurgis fluvius.	12
Vorburgum.	144
Vroonlandt.	70
Vrouvvenlandt.	44
VVassenarii antiquissimi.	126
VVaterlandia.	63
VVorcum.	42


Z.


Zuichemum.	34
------------	----


F I N I S.














Ex musæo R. Cabuett

